

PERILLVSTRI ac REVERENDISSIMO
DOMINO,

D. IOANNI
GEORGIO
KVNIK

SS. Theologiæ & V. I. Doctori,
Płocensi Varmienſi

CANONICO,

PRÆPOSITO
Łomżenſi;

GENERALI AUDITORI
Cauſarum Curia,

Illuſtriſſimi & Reuerendiſſimi Domini
Episcopi Płocenſis &c. &c.

Domino Patrono & Benefactori
obſeruandiſſimo.

in Inſula Vigrenſi

P. P. E. Taro Camacho

Obſequentiſſimus Client,

MARTINVS STANISLAVS LEYMAN,

SS. Canonum & Philoſophiæ Auditor

Offert dedicatq̃ue

PANEGYRICAS ORATIONES

Rúdi P. MARTINI KRETZMER SOC. JESV
SS. Theologiæ Doctoris,

Eiusdemq; & SS. Canonum Professoris Ordinarij,

NEC NON:

Superiorum Scholarum Præfetti, in Collegio Var-
saviensi Societatis JESV;

*Sparsim antehac
in diuersis Collegiis dictas
ac publica luce sub alieno Nomine donatas,*
Nunc in vnum fasciculum collectas.

Cum Superiorum Licentia.

FACULTAS R. P. PROVINCIALIS.

Ego infra scriptus Societatis IESV per Lituaniam Pro-
uincialis, potestate mihi facta ab Adm R. P. N.
Ioanne Paulo Oliua Præposito Generali, facultatem concedo,
ut Orationes panegyricæ P. Martini Kretzmer Societatis
nostræ Sacerdotis ab aliquot Societatis eiusdem Theologis lectæ
& approbatæ, typis mandentur. In cuius rei fidem has literas
manu propria subscriptas, consuetiq; officii Sigillo munitas
dedi. Vilnæ die 20 Iulij Anno 1678.

Ioannes Blazkowski mppria.

VARSAVIÆ, Excudebat Carolus Ferdinandus
Schreiber Anno 1679.

DEDICATIO AD PERILLVSTREM ET REVE-

RENDISSIMVM DOMINVM.

Librum, cœli perenne immortalis sapientiæ monumentum, inter regias delicias diuitiasque æstimatum, Magnus olim habuit Macedo. Librum & ego regium, quia Regina Eloquentiæ, tanquam charum apud sinceros literarū æstimatores depositū, in manibus Tuis colloco. *Perillustris ac Reverendissime Domine*, Volumen hoc beneficiorum Tuorum index est; in quo, quot literas atque apices notaueris, tot trophæa Tux munificentia in me collatae puta assurgere; quæ meipsum, animatum Tibi stare trophæum, occulto licet, quia amoris stylo loquuntur. Pretium operis literarij, partim ab ingenio authoris, partim ab affectu dedicantis æstima. Scilicet erudita ingenia, auro gemisq; nobiliores gignunt opes; hoc ipso sole mineralium parente feliciora, quod illas non è natali rerum omnium puluere, aut aquarum glareis, sed ex insula sibi diuinioris mentis particula eduxerint. Nos verò Clientes, pretiosis sapientiæ diuitijs legendis, ingenia ac labores sacramus; quibus postquam Mecænatum amor, pondus & pretium imposuerit, profusæ in nos liberalitati, vel impar saltem exhibemus gratitudinis monumentum. Thaumaturga sanè munificentia est, quæ novos procreat Marones, si novos viderit Mecænates; & Plinios è sepulchris suscitât, si Traiani faueant. Atque ista librum hunc meumq; simul animum libro conclusum, ad Te expedit, imò potius pertrahit magnete illo, quem Tu & sanguinis cognati vinculo &

D E D I C A T I O.

liberalitatis nexu appendisti. Ipsa etiam Eloquentia pa-
 ginis hisce circumsepta, quæ in pluribus liceis, & illu-
 stribus Vniuersitatibus, non ingrata hospes, Auditorum
 pectora & affectus occupauerat; apud Te domestica,
 Tuiq; pectoris inquilina pridem fieri postulabat: vt per
 varias cathedras diuisa ac dispensata, tandem in vnum
 corpus collecta, pro rostris manus animumque Tuum
 possideret. Illa enim est, quæ vt in lucem nasceretur,
 vitam & vitæ vigorem à sanguine Tuo accepit, in ipso
 Authore Tibi consanguinea. Vnde nondum typi ob-
 sequio, in libertatem atque communem lucemeducta,
 & adhuc intra sui Plasmatoris ingenium, veluti intra pri-
 mas fascias hærebat vinculata, & iam Tibi vitam & lu-
 cem debebat, quæ Tui sanguinis impensis & splendide
 viuebat, & splendidius erat victura. Ipse quoq; animus
 Tuus, in viuam Eruditionis palæstram formatus, gran-
 de Eloquentiæ posuit illicium, quo illa pertracta, per-
 petuum manuum, imò pectoris Tui incolatum satage-
 bat profiteri. Iste scilicet est literarum genius, in amo-
 rem atq; cor sapientum sese insinuare, ac in corde posses-
 so veluti in atrio vetustarum imaginum, & sibi & suis
 Fautoribus immortalitatem inscribere. Amant itaque
 Sapientum oculos & dexteræ literæ. Vnde ipsa etiam
 Minerua tum demum sudorem de eruditis frontibus ex-
 pressum in gemmas nouit conuertere, cum illum pro
 amoris deposito in manus æquè eruditorum virorū col-
 legerit. Frustra quoq; sub onere docti laboris sudarent
 ingenia; si hic sudor intra noctes Atticas decoctus, in
 tenebras solas ac inanes nebulas abiret; solem nunquam
amicum

D E D I C A T I O.

amicum, in illustri doctorum virorum oculo habiturus. Frustra in obsequio literarum, studiosi calami fatigaretur, si pro atra sœpia nunquam candidam lucem in præmium acciperent. Affudisti Tu lucem satis de se illustri huic operi; dum ei in pectore Tuo omnibus scientijs atq; facultatibus, quemadmodum sideribus coruscanti, amoris stationem assignasti.

Neq; miror diuinas æque ac humanas scientias apud Te suum fixisse domicilium: pro quibus Tu veluti fixis sideribus, in animo Tuo architecta virtute fabricasti cælum, vaga & errantia phænomena fatuosque ignes nunquam admissurum. Virtuti enim sapientiam superædificabas, & præiactis literarum ac Sapientiæ fundamentis, iterum Virtutum molem superimponebas. Ruit enim sumptuosa scientiarum fabrica, cariøsæ instar domûs; cuius basim solida virtus non sustentauerit. Desipit ipsa Pallas, vbi illi sanctior Themis, Magistrum sese non præbuerit. Quare Tu ad prima statim ætatis Tux rudimenta, vtrumq; hoc Numen Magistrum habere voluisti, dum æquè à Virtute beatè atq; à Pallade doctè viuere discebas. Vnde Brunopoli in Hosiano Societatis IESV Collegio, humanioribus literis nauans operam, cælestem quoq; Humanitatem, vrbânâ morum modestiâ & pacatâ affectuum malatiâ ita efformabas; vt viua vultus Tui Pietas, facundè pro se perorare videretur. Ostendisti etiam cælis suam Rhetoricam esse, quæ pro rostris ad Diuorum aras, suos erudiat Oratores: inter quos Tu cælitum cultui deuotissimus, palmam præferebas. A mansuetioribus literis ad seuiores ibidem, felici

D E D I C A T I O.

passu progressus, atq; cursu philosophico ad terminum deducto; postquam pro corona sub coronato nomine Illustrissimi ac Reuerendissimi Principis Stephani Widzga Episcopi pro tunc Varmiensis decertauisses: fortunatum Stephanoma ac triumphale Epinicion, sub coronatis tanti Præsulis auspicijs obtinuisti. Quanquam caput Tuum, opibus ingenij pretiosum, planè ipsum sibi erat Corona; quod & multorum spes de Te præconcepas coronabat, & plurimorum amorem in continuati circuli Philosophici ambitum pertrahebat. Atque hic amor & æstimatio Tui, non contenta inter minores subfidere populos, magna quoque sublimium Ecclesiæ Prælatorum infederat pectora; præcipuè illius digni fastis perennibus Antistitis (qui Senatoriam purpuram, Pontificiæque Tiaræ lucem cum vmbreis religiosis permutauit, vt in abdito splendidior Superis luceret) Illustrissimi inquam Thomæ Vieyski Episcopi tunc Kioviensis: à quo tanquam certissimo ratæ fidei oraculo illud habuisti virtutis & sapientiæ suffragium, quo Tua indoles ad magna Ecclesiæ & Patriæ munia, diuinatione non vana designabatur. Comitantibus demùm imò succollantibus Illustrissimi Capituli Varmiensis affectibus, Principem Poloniæ Urbem Cracouiam petijsti: vt in capite orbis Poloni, scientiarum arcana acciperes; quæ olim per membra eiusdem Reipublicæ eras dispensaturus. Et quidem à vetusta literarum Parente, simul ius in affectum atq; in literas accepisti; postquam ciuili & canonico iuri, vnaq; scientiarum Principi Theologiæ in Auditorem Te mancipasti. Accepisti simul à Gratiano & Iustiano,

D E D I C A T I O.

niano, grátias Sapientiae & perpetuum erroris iussitium; simulq; è pectore Aquinatis Solarem lucem, vt grandibus Ecclesiae negotijs, humeros caputq; supponere mature disceres atque Te in Athlantem ferendo oneri publico parem formares, monstraturus hoc in viridi herba, quod olim in adulto culmo tempora & mirari & amare debebant. Multos fanè Phàetontes vidit & defleuit orbis, qui iuuentutem suam studijs clarissimam effecturi, solis currum conscendisse & iam triumphantibus similes, caelorum tractus superasse videbantur; cum sine directrice virtute, temerarie audaces, ruinam & casum pro scopo itineris tenuerunt. Nescit Sapientia feliciter & securè iuueniles regere annos, si illis virtus frena non iniecerit. Vnde Tu triennium illud studij Academici, æquè ad fundandam in animo Tuo virtutum Vniuersitatem ac scientiarum notitiam in Cracouiensi Vniuersitate comparandam conuerteras. Omnibus certè virtutibus totum Te studiosè impenderas, singulariter tamen admiratores oculos tenuerat, tenera in Augustam caeli Reginam Tua pietas & deuotio: quam vtpote Sapientiae sedem & gratiarum vniuersitatem singulari obseruantia Tibi deuinxeras, eadem cum indefessa constantia, ad vsq; omnium innocentem inuidiam, & Praesidium Tuorum non vulgarem commendationem dedisti. A Poloni Orbis Metropoli ad Varmiensem Cathedralim rediit, nouam eamque potentissimam Illustrissimorum Praesulum ac Procerum cordibus, inextincti planè Herculis Gallicani catena n; quâ virtutis & eruditionis Tuae laudatores omnium animos ita suspendisti,

D E D I C A T I O.

Tu, vt Tuos Tibique deuinctos efficeres. Neque hic affectus Magnorum Prælatorum intra solas pectorum angustias continebatur, prodijt in effectum; atq; vt in facie orbis & summo scientiarum ac virtutis theatro, Tuam magis probares exerceresque indolē, Romā Te expedijt, singularibus Preikianæ foundationis impensis accumulatè donatum. Vt scilicet præclaram mentem, mansuetioribus seuerioribusque facultatibus in patria satis politam, extra patriam quoque polires, externos accepturus, domesticos externis dispensaturus ingenij splendores. Habet enim id quemadmodum morum ita scientiarum venustas, vt tum demum maximè placeat, cum maximè dissitis regionibus quæritur. Peregrina & aduectitia pulchritudo, vt plures spectatores, ita plures sui habet inuestigatores: quæ si scientiarum tantum & virtutum lineamentis, & non furtiuis vitiorum coloribus quandoque depingeretur; omnibus etiam pretiosissimo labore esset emenda. Pudet certè plurima secula, quod non paucas viderint indoles, ad domesticū foculū natiua fuligine obtenebratas: quæ splendidè orbi luxissent, si maternas umbras lucifugæ tanti non æstimassent. Vnum de numero talium accusat noster Pœta.

Alter reducto lentus in otio,

Paullum sepulto distat, inutilis

Belli domiq, & ante letum

Hæu virides malè perdit annos.

Correxisti Tu hanc temporum labem, cultissimamq; iuuentutem Tuam Romanæ culturæ & Scientiarum Urbanitati, in Vrbe terrarum Domina excolendam permisi.

D E D I C A T I O.

fisti. Vbi Theologicâ & Vtriusque Iuris laureâ redimitus, ostendisti exteris, extra Alpes quoque Musarum sedem ingenia esse, & sub frigidioris Arcto, inueniri calentiores virtutis & sapientiæ igniculos, qui in lucem gloriæ soleant excitari. Vt liuor alioqui magnorum gloriæ iuratus insidiator Te metueret, & à longe veneraretur; honores & fortunas quæ liuoris illicia sunt, vel vltro Te ambientes, vltro fugiebas: Talem Te conatus exhibere, qualem olim quendam Heroum, Polonius Horatius descripserat.

Sed ipse liuor Nominis in Tui

Occumbet ortu: Tu Dominus Tui

Diuesq; non debes caduca

Ludibrium opprobriumq; Diuæ.

Nihilominus etiam fugientem Te honor sequebatur. Æstimauit ad pondus Honorum dotes Tuas æquissimâ Vniuersi æstimatrix Roma: atque easdem, collatâ tum Præpositurâ & Canonicatu Callisiensi, tum Oppatouienti Scholasteria, quam pro modestiæ Tuæ genio honorum minimè ambizioso non recepisti, ad altiora omnia excitauit. Tandem aureo Piscatoris annulo consignatum, ipsaque Apostolica autoritate firmatum, priuilegium pro stalli Canoniciatus Varmienfis contulit. Verùm magnis passibus ad honores Ecclesiæ, cuncti Tibi, minimus etiam scrupulus è trita regiaque via amouendus erat. Vnde censori Romano Præfulum oculo, Tuam habilitatem ad sacri Senatus dignitatem ecclesiasticam, luculenter ac abunde probasti: vt aureæ virtutis & Sapientiæ approbatorem lydium lapidem

DEDICATIO:

à Petra orbis Iudice haberes. Sequebatur Te in patrias
oras reducem, auspicijs & fauoribus suis assistens Ro-
ma, quæ etiam vt probitatis & doctrinæ maturitatem
pressius in Te notaret; fauoris Apostolici prærogatiuis,
æquissimo ac sincero eruditarum Tuarum virtutum æsti-
matore Primate Procerum Varmiensium, condecora-
uit. Accepisti hîc stylum gloriæ, quo siue ad latus
Nuncij Apostolici Tua Te virtus ferret, siue Plocensis
Diæcesis causas & intrincatas lites dissolueres, siue cætera
quæque Antistitis ac Senatus Ecclesiastici onera ac nego-
tia robustè ac feliciter per alia diuersa subsellia deferres:
vbique famam bene gesti muneris, perennibus ceris tran-
scriberes. Efficacissimâ & potentissimâ ad expugnan-
dam benefici pectoris arcem machinâ vsus es; scilicet be-
ne meritis sapientiæ, virtutis robore firmatis. His pos-
sedisti cor Illustrissimi ac Reuerendissimi Antistitis Plo-
censis; qui cùm in humeros Tuos, negotiorum Episco-
palium molem, grandium curarum pondus & Consi-
storialium causarum Maiestatem securè deponeret: si-
mul animum suum fauoremq; Pontificium, & sublimes
Plocensis Canonicatus honores in virtutis Tuæ ornanda
merita deposuit. Habes Magni huius Antistitis enco-
mia pro virtute Tua disertissima; habes totam aulam in
amore ac æstimatione Tui hærentem; quam constanti
modestia, sedula pietate, officiosa demissione, atque
comi morum temperie, in laudes Tuas coniurare fecisti.
Applaudit sibi ipsa Plocensis Diæcesis, quod Te Gene-
ralem Causarum Consistorij Auditorem habeat; in
quo & eximiam Sacrorum Canonum notitiam, & sa-
pientiæ

D E D I C A T I O.

pientia pondus ad lancem iustitiæ bene trutinatum sus-
 picit & adamat. Gratulatur Cathedræ suæ. Te Cano-
 nico Collegio, veluti terrestrium Numinum Senatui
 grata apotheosi inscriptum. Adest socia plausuum Pul-
 touia, quæ Te nuper suum Officiale, venerationis
 officio prosequabatur, nunc Tuæ virtutis & sapientiæ
 perennem recordationem, in debitum sibi officium as-
 sumit. Eandem scenam induit Lomza, quæ Te Præ-
 posito & Pastore gaudet, tuisque humeris innixam sa-
 cræ suæ felicitatis molem læta contuetur. Successisti in
 hoc onere Magnis Atlantibus Alcides, non impar illu-
 strium nominum & honorum baiulus. Ipsæ sponte ec-
 clesiarum dignitates ad Te confluisse videntur; potius
 accepturæ quàm daturæ ornamentum. Conscendisti
 sublimium fastigia honorum & Cathedralium subsellia
 ecclesiarum, non vt otioso duntaxat fulgeres honore,
 verùm vt ex alto, pluriū commodo, operosa Tua illusce-
 ret virtus. Quare Te, etiam, viua Dei templa expe-
 riuntur Patronum & Protectorem; quæ partim in pau-
 peribus ac Orphanis munificâ Tuâ dextrâ subleuandis
 erigis, partim vestitu donando contegis, partim studijs
 applicando erudis, cæterisq; beneficijs ac liberalitate Tua
 sustentas. Non tacent Religiosorum cænobia, Tuæ mu-
 nificentia laudes, quas in amplas beneficijs Tuis exci-
 tas panegyres. Loquitur plurimorum Sacerdotum di-
 ferta egestas, diuitem Tuam protectionem & exhibitum
 coram Illustrissimo Loci Ordinario patrociniū, illudq;
 tot seculis quot votis apud Superos benegestorum remu-
 neratores commendat. Verùm quia per cæteros spar-

DEDICATIO.

sa, in me vnum collecto ad compendium aluco, Tuas beneficia confluerunt; qui largos beneficentiae latices sum expertus, è Varronis monito, fontem coronaturus accurro: tot triumphales herbas pro corona offerens, quot flores pro serto Reginae eloquentiae aptissimi, hoc [quem in manus Tuas depono] libro continentur. Cum his vt adamantinam multorum annorum coronam induas, ipseque immortalitatem gloriâ, tempora fortunis, Patriam & Ecclesiam meritis, nos Clientes auspicijs diu corones, animitus opto voueoque.

Perillustri & Reuerendissimæ Dominationis Vestræ

Clientis obsequentissimus.

MARTINVS STANISLAVS LEYMAN,
Ss, Canonum & Philo: Auditor.

PANEGYRIS

De Immaculata DEIPARÆ Conceptione

ARGVMENTVM PANEGYRIS.

Quemadmodum magnum gratiae miraculum est, Virgo MARIA in Deiparam electa & à peccato Originali præseruata ; ita magno miraculo, maius foret monstrum, si Dei Mater peccato, quod malorum omnium maximum & turpissimum est, fuisset contaminata.

Panegyris.

P Rodigij instar proclamatum est vniuersis. **M**ARIAM hæreditaria humani generis labe prodiisse immunē. Aud, Et est, cur attonitus super inuiso à sæculis prodigio stupeat animus, est admirandi seges copiosissima, est miraculi copia multò maxima. Communi enim lege natam prodire, & communi non fuisse conceptam iure ; è mortalium numero censerì, & mortalibus non adnumerari ; è puluere & auito cinere nostra ducere stemmata, & astra Cælorum insignia plantis calcare ; tot certè prodigiorum genera sunt, quot superioribus patrata sæculis Natura vidit nunquam. Septena orbis miracula ruderibus & obliuione hodie sepulta, ostentauit olim mirabunda Antiquitas : quia in cœcæ noctis caligine magnum quodpiam suspexerat, quod nos in orthodoxæ lucis meridie, tanquam ingeniosa artis humanæ crepitacula ridemus ; cur inter prodigiosa facinora potiori iure non numeremus illud, quod vnius facti dignita-

2
te, sexcenta vincit naturæ atq; gratiæ miracula. Melius hodie, quàm olim, Romanus caneret Vates,

*Barbara Pyramidum sileat miracula Memphis,
Assiduus iactet nec Babylona labor,
Nec triuia templo molles laudentur honores,
Dissimuletq; Deum cornibus ara frequens.
Aere nec vacuo pendentia Mausolea
Laudibus immodicis Cares in astra ferant.*

Vnum illibatæ MARIANÆ Conceptionis miraculum, vniuersa superat fastuosæ antiquitatis prodigia. Ergo vnū pro cunctis fama loquatur opus. Prima integritatis MARIANÆ exordia dum maternis adhuc stringerentur angustijs, iam summos sanctimonix apices è grauissimorum Patrum sententia excefferant. Dum Patrio adhuc tenebatur carcere mens tenella, iam libertati ante libertatem asserta, ad maximi imperii habenas destinabatur. Necdū infans, & iam VERBO concipiendo electa, necdum nata, & iam augustissimæ Principis dignitatem nacta. Concepta, sed ex acutissimo diuinæ mentis conceptu, sine auita labe concepta. Nostræ stirpis sanguinisq; nostri propago, sed cuius necessitudinem Angelica ambiebant nomina, magnisq; se inclaruisse meritis existimabant, vbi orbi adoratum MARIÆ nomen flexo salutassent poplite. Non hæc Ægyptiarum, fateor miracula sunt pyramidum, sed fastuosos tamen transcendunt suâ celsitudine Cælorū pyropos. Non superba Babylonis sunt pergama, sed diuinæ amplitudini circumfusa sunt moenia, DEIq; immensi terminus sine termino. Non pensiles floridæ voluptatis hortos, & delitiantis Veris thronos cum Cæsarum Panegyrista

negyrifta dixerō, quorum ſpecimina multoties noſtri tex-
tores edunt aranei. Non fabuloſi Numinis profana appel-
lauero ſacraria, ſed ſanctiſſimæ Triados anguſta, & augu-
ſtiſſimis maiora pallatijs domicillia, [atq; vt cum ſacro Græ-
ciæ Oratore Chryſoſtomo loquar] veris ipſius & floridæ
maieſtatis amœniſſima Tempe. Vnum conceptæ Virgi-
nis primæuo ſine crimine opus, totam quā patet implet
æternitatem miraculis. Non tanta vaſtiſſimorum Cæli ter-
ræq; finium amplitudo, quanta vnius MARIANI prodi-
gij eſt maieſtas. Verū enimverò, ſicut maximi prodi-
gij loco cenſetur, mentem illam diuinæ integritatis æmu-
lam auitæ neſciam turpitudinis, communi mortalium ab-
ſolutam lege prodiſſe; ita ſpectrorum, omniumq; monſtro-
rum genera exitura omnino fuiſſent, ſi ea, quæ ſanctimo-
niæ eſt pelagus, rea fuiſſet criminis: quæ puritatis eſt aby-
ſus, immunda; quæ lucis ætheræ Mater eſt, tenebrarum
filia; quæ diuino Numini iura dixit, mancipium ſtygiæ ſer-
uitutis, apud gentes omnes populoſque, Cœlo terraq; , mor-
tales inter atq; immortales, ſempiterno cum dedecore au-
diuiſſet. Magnum igitur miraculum ſit, MARIAM omni
iure puriſſimam, auito non ſubiacuiſſe næuo: ſed magno
miraculo maius turpiuſq; monſtrum futurum erat, ſi labe
ſeſe contaminਾſſet leuiſſima, quæ pulchritudinis Diuinæ ab-
ſolutiſſima inter mortales eſt idea. Grande inquam prodi-
gium ſit MARIAM omnibus titulis puriſſimam, nullo nomi-
ne ream ſcleris; intemerato partu in lucem eſſe effuſam:
ſed hoc fieri conueniſſe, ſacra atq; profana, omnia exigebāt
iura, antiquiſſima populorum terebant ſancita, ipſius re-
ctæ mentis atq; rationis humanæ lumina, à Cœlis mutuata,

4
persuadebant. At si turpissimo refractariorum Parentum
dedecore Virgo contaminata, lucem an tenebras mortales
aspexisset, quod deniq; futurum fuisse monstrum censeris?
quale naturæ gratiæq; dissidium ex ipsis odiis & iuratis ini-
micitijs compactum futurum fuisse existimatis? nam & sã-
ctam futuram fuisse Virginem, & grauiissimo scelere obli-
gatam; & sole puriorem, & stygiis obscuriorem tenebris;
& augustissimam Principem, & orco addictam famulam;
& imperantem Cæsarum Regumq; solijs, & scabellum
stygijs proculcatum plantis; necesse erat omnino. Quem-
admodum enim ab vno diuinæ Parentis nomine vniuersa
illa gratiarum agmina promanassent: ita quoq; recensita
antiqui sceleris dedecora, pari iure in eandem fuisse proma-
natura, est manifestum. Suam sibi vendicassent matrem, or-
namenta filij cum Matre communia, sed suam quoq; po-
stulassent stygij ignes prædam, vetusto crimini addictam.
Suam tanquam Imperatricem maiestatem, siderum solisq;
regna efflagitassent, sed æternæ noctis chaos suas quoq; in
eadem damnasset tenebras. Acri vtrinq; studio pro MARIA
fuiſſet certatum. Flagrasſet bellis mutuis orcus & astra; te-
la vibrasſet triumphatrix humani generis labes, tela quoq;
torſiſſet victrix omnium thaumaturga gratia. Cui amabo
victoria ceſſiſſet? ſi victor vterq; victus vterq; foret, foret
quoq; MARIA, & ſancta & peccatrix; & pulchra & ſor-
dida, & DEI Mater, & ſtygis filia. Quantum verò hoc,
quamq; inuiſum, inauditum, horridum, ipſi naturæ expa-
ueſcendum monſtrum iurata rerum aduerſiſſimarũ odia
in eam conſpirasſe Virginem, quæ pulcherrima ſit for-
manda: inſenſiſſimos, & æternis flagrantes litibus hoſtes

in eam conuenisse Virginem, quæ Arca foederis, pacis DE-
VM inter & hominem initæ idea sit statuenda; summæ tur-
pitudinis & infamis ignominie omnia dedecora in eam
confluxisse; quæ venustissima & Coelitum hominumq; for-
mosissima sit fingenda, Non sic certè,

Non sic Herculeo prostrata illa hydra furore

Infami terras fædarat nomine monstrum,

Non sic turpis Erinnis erat, monstrosa q; Virgo

Igni uero teter quam fudit Cerberus ore.

Non sic quidquid monstri orcus vnquã aluit, quidquid
furie, artifex fabularum finxit antiquitas turpe fuit; non sic
naturæ rerumq; omnium fædera, sancita, & ipsius hu-
manæ mentis leges, proculcari vnquam potuissent, sicut
in vna contaminatæ Virginis labe, vniuersa reuixissent
monstra, omnia fuissent extincta, atq; pessum iuissent na-
turæ atq; necessitudinum Sacramenta. Facilius factu
naturæ leges admiserint, vt

In caput alta suum, labantur ab aquore retro

Flumina; conuersis Solq; recurrat equis,

Terra ferat stellas, Cælum scindatur aratro

Vnda ferat flammæ, & ferat ignis aquas

Quàm vt MARIANO ortui vel tenuissima vetustæ noxæ
fuerit aspersa labes. Faciliore negotio dabunt Ægyptiorū
annales, vt Herculeis manibus clauam extorserit victrix
omnium stygia potestas, quàm vt concedat bene sana or-
thodoxorum veritas, MARIANIS manibus ereptum illud
fuisse sceptrum, cuius ope, vt Princeps & Angelus Theo-
logorum D. Thomas loquitur, anima naturæ imperat v-
niuersæ. Facilius dabit Vatum fides, vt Tantalus luden-

tis arboris decerpit poma, quàm vt quisquam concedat
 innocuas Virginis manus ad fatale illud Paradisi malum
 fuisse extensas. Facilius fieri posse naturæ indagator Phi-
 losophus arbitrabitur, vt aquarum abyſſos, maria, flamma
 tenuis exurat, quàm vt gratiarum & omnigenæ puritatis
 mare MARIAM, ſcintilla auiti incendiij exſiccârit. Ante
 Aſtronomorum dogma concedet, vt eadem regio ortus ſit
 & occaſus, quàm vt quiſpiam aſſerat, in ortu MARIANI ſo-
 lis, diuinæ lumen gratiæ occidiſſe. Potiori iure futurum
 dicet Oratorum lumen Tullius, vt lex nata, quàm non di-
 dicimus aut legimus, ſed ex ipſa natura accepimus, hauſi-
 mus, & expreſſimus, ad quam non docti ſed facti, non in-
 ſtituti ſed imbuti ſumus; vt inquam lex naturæ ſuffragio ſta-
 bilita, infringatur: quàm vt hoſtium manibus permittat
 Matrem is filius, qui & legem natam condidit ipſe, & ſua
 promptiſſima in Matrem obſeruantia, eandem immortalis
 Sacramento confirmauit. Æquius deniq; eſſe dabunt ſuo
 cum Iuſtino Iuris Conſulti, ne Auguſta gaudeat Priuilegio
 Principis, neuè Imperator eadem Priuilegia tribuat Augu-
 ſtæ, quæ & ipſe habet; quàm vt ſuſpicemur tantâ flagraſſe
 inuidiâ Filium in Matrem, vt concolorẽ candidæ mentis Ma-
 ieſtatem non fauerit Principi Parenti. Iniquum certè eſt, ex
 Iuriſperitorum ſententia, Patrem vel Matrem egere, cuius
 filius ſit in facultatibus; iniquius etiam multò eſt, Parentes
 crudeli hoſtium iugo mancipare, quorum regia ſoboles iu-
 ra dicit populis: iniquiſſimum verò cenſetur, Capiti Iuriſpe-
 ritorum Iuſtino, opprobrijs proſcindi per Filij diſſimulatio-
 nem Matrem è cuius honore vel opprobrio colitur vel de-
 ſpicitur natus. At quid dicam? ſi Domina gentium, re-
 gnorum

7
gnorum Imperatrix, optimis quibusq; melior, sanctissimis
sanctior, solo Ter Maximo minor, extremâ diuinarû opum
laboret penuriâ, & Filius amplissimas inter diuitias delitie-
tur : si colla tartareo submittat iugo Mater, & Filius impe-
rij habenas capeffat : si publicis Apostatarum spirituum fan-
nis excipiat Parens, & nomen Filij cælestium, terrestrium
& inferorum flexo colatur poplite ? Prius certè, prius or-
bis credet,

Quadrupedesq; homines, cum pectore pectora iunctos,
Quàm in pectore MARIANO turpissimum peccati mō-
strum recubuisse, Citiùs fatebitur,

Tergeminumq; virum, tergeminumq; canem
quàm Mulierem illam, quæ virum circumdedit, stygio
fuisse mancipatam cani.

Sphingaq; & harpyas, serpentipedesq; Gygantes
Centimanumq; Gygem, semibouemq; virum
faciliùs admiserit, quàm peccati monstrum omnium foedis-
simum in MARIA omnium pulcherrima olim extitisse.
Et tamen nisi quis lectissimum Virginis animum paterno
absoluat nœuo, omnia terræ stygisq; monstra in orbem ci-
eat, est necesse; & imma summis, celsa infimis, sacra profa-
nis, ignes vndis, Cælum orco, Numen ter sacrum, ter exe-
crandæ Erinni iungat oportet. Verùm audite diuina Ec-
clesiæ oracula, magnos illos doctrinæ & sanctitatis laureâ
conspicuos Oratores, quale quantumq; puritatis miraculū
sentiant MARIAM. Illa est MARIA, quæ flos de spina,
spinâ carens dicitur, Hieronymo. Illa puritate nitet MA-
RIA quâ maior cogitari sub Deo nequit, teste Anselmo.
Illa est candidissima Virgo quæ ab exordio suæ Conce-
ptionis,

ptionis, aspersione Spiritus Sancti tota Deitatis gratiâ est perfusa, teste Cellensi Abbate. Illa est MARIA quæ schola & collegium sanctitatis appellatur à Chrysologo, conventus virtutum nominatur à Damiano. Illa est MARIA, quam DEVM verum esse credidisset Dionysius, nisi aliud diuina docuissent eloquia. Illa est MARIA, vt quanquam esset pulcherrima, à nullo tamen concupisci potuerit docente Ambrosio. In tanta porro sanctimonia quis næuos scrutetur, nisi in sole coecæ noctis caliginem se reperire posse credat? quis deformitatem in tanta pulchritudine indaget, nisi in ortu occasum, in die noctem, in oceano flammam se piscari posse autumet? O admirandum omnipotentis dexteræ facinus MARIA! ô Cæli terræq; prodigium ab orbe condito inauditum! ô intemeratæ pulchritudinis abyssus diuinissima! Depingere vis animo ter sacratissimum hoc æternæ Triados miraculum? ego certè cōcipere nec ausim nec possim, ita omnem conditi ingenij facultatem perstringit, semper pulcherrima & ab omni labe remotissima DEIPARÆ maiestas. Si quid pulchri amæniq; vnquam protulit venusta florum genitrix tellus, si quos lectissimæ formæ & placidissimi odoris partus orbi edidit, si quæ oculorum amæna spectacula, veris gratias, vernantia hortorum sidera, vilo vnquam tempore genuit: totum hoc in DEIPARÆ ceu in formosissimo naturæ gratiæq; flore, diuina congegit munificentia. Si quid lucis stellatum illud collucentium gemmarum regnū habet, si quid maiestatis ipse siderum imperator sol ostentat, si quid amœnitatis in amœnissimo illo coelestium luminum theatro spectatur, totum hoc perfectiore modo in

Virgine

Virgine collegit artifex Coelorum dextera. Si quid sanctimoniae per humanas coelestesq; mentes diuina liberalitas sparsit, si quid specialium donorum, si quid munerum vniuerso Coeli terraeq; ambitu conclusit, si quid celsi, magnifici, diuinæ opes possident, totum hoc ornandæ Matri DEVS FILERVS impendit. Illa est quam ex celsissimarum virtutum ac gratiarum omnium pulchritudine conflata, excitauit thaumaturga Maximi Numinis dextera, concepit rerum omnium idea diuina mens, amorum omnium & animorum amor beatissimus genuit, educauit virtutis alatrix viriumq; parens omnipotentia, auxit liberalissimum donorum omnium pelagus DEI munificentia, confirmauit infractum diuini brachij robur, pauit caelestium deliciarum ambrosia; vt scilicet legum orthodoxarum seruaret integritatem, stabiliret religionum sanctimoniam, sceptrâ Regum moderaretur, pacis ac salutis publicæ tueretur incolumitatem. Quid igitur augustum, si MARIA non fuit semper augustissima? quid sanctum si MARIA non fuit semper sanctissima? quid pulchrum si MARIA non fuit semper pulcherrima? Cogitate bis senâ caelestium gemmarum coronâ ornata Reginâ; Regina hæc est MARIA ornatissima. Cogitate Palladem, cuius vim stygiæ expauescunt phalanges! Pallas hæc est MARIA fortissima. Proponite animis vestris Bellonâ, cuius castra magnus exercituum Imperator adeo ambiat, vt eius insignibus sua dedecet nomina, deuoueat trophæa, inscribat triumphos, Bellona hæc est MARIA, terribilis vt castrorum acies ordinata. Recolite mente bellicosissimam Amazonem, cuius victricia signa, secutæ religiosarum mentium turmæ, ita triumphalibus

eius insistant vestigijs, vt alij capitis integritatē exponant, alij linguam vice clypei obijciant; alij spinarum aculeis ceu telis contra inuiolatae Matris hostes vtantur, alii ardentibus flammis incendia Cyprii Martis extinguant. Amazonum Princeps sed castissima iuxta ac fortissima Princeps est MARIA. Quis igitur stygias cohortes prostrauit? quis centimanos inferorum Gygantes vicit? si non prostrauit, si non vicit MARIA. Nulla in dominantium vultu dignitas, in Cæsarum soliis Maieestas; nulla in Cælorum astris pulchritudo, in vastissimis Poli spiritibus decor, si augusta, regia, venusta, decora, non fuit semper MARIA. Nunquam in ea discordes affectuum lites efferbuerunt, nunquam animi rebelles pugnarunt motus; non cæca offudit caligo subtilissimæ mentis aciem, non animi libera imperia seruiles subegerunt iræ, aut effrenes vicerunt cupiditates, aut ambitiosæ edomuerunt cogitationes, aut deniq; tempestas quæpiam turbulenti affectus agitauit. Fuit illa scimus, corpore mortalis, sorte communi condita, sed animo supra mortales omnes fuit euecta, virtute Numini fuit proxima, sanctimoniâ Cælitibus superior, gratiarum omnium complexione, superis & inferis admiranda. Quisnam ergo mortalium DEO charus vnquam extitit, si MARIA DEO aliquando fuit odio? quis virtutibus fuit ornatus, si MARIA næuo deturpata? aut igitur ob omni næuo Virginem pulcherrimam absoluamus oportet; aut ipsam pulchritudinē pulchritudine exuamus, Maiestatem spoliemus Maiestate, puritati detrahamus puritatem. Quod quidem si quispiam per summam legum omnium & naturæ iniuriam temerario

rio ausu attentet, nã ille omnia terræ, inferorum atq; vniuersi orbis monstra (Dicite) in orbẽ esse prouecturus. DIXI.

Panegyris hæc, Anno 1666, fuit à Sodalitate MARIANA Collegij Brunsbergensis Societatis IESU, inscripta Reuerendissimo Clero Varmienfi, Dedicatione sequenti.

Maximum orbis miraculum, DEIPARAM Virginem, sine labe originali conceptam, breui panegyri vobis exhibemus legendam. Qui in absolutissimo hoc diuini fauoris opere nãuim scrutatur, tot monstra fingat oportet, quot artifex monstrorũ antiquitas finxit nunquam. Non potest inter mortales venustissima, nãuo contaminata argui, quin ipsa pulchritudo turpis, informis forma, venustas sine venustate, sanctitas grauissimo scelere se obstrinxisse, portentoso malè sanæ mentis partu concipiat. Sed dedimus hoc illibati ortus Virginei argumentũ, superiori dictione adumbratum. Propositi nostri res modò est, grande MARIANÆ integritatis miraculum, reis vetustæ noxæ natalibus, sine noxa ortum, Vestris consecrare manibus: vt quæ ter maxima Incarnati Numinis prodigia, sacras ad aras toties tractant, MARIANVM quoque Augustissimum gratiæ & naturæ prodigium suã complectantur beneuolentiã. Par alia tanto miraculo dextera reperiri poterat nulla, quàm Thaumaturga, quàm Vestra. Quæ patrandis miraculis iam assueta, hoc etiam non grauatè, vti confidimus, admittet. Nostræ ad hæc obseruantix in Patronos & Benefactores fauentissimos nomina plurima exigebant, vt quibus gratis obsequiorum studio, coram esse non licet, liceret saltem in vicem debitæ gratitu-

dinis, laudibus MARIE esse disertis. Admittite igitur, prodigiosum Sacrae Triados opus ab omni naeuo non purgatum sed præsueruatum. Admittite inquam, [ita supplex orat Sodalitas] orbis Dominam & Patronam, sub fauoris & gratiæ vestrae patrociniū. Quod si cultissimo cæli terræq; miraculo, labentis error calami, aliquam dictionis maculam fortè asperfit, à sacris Vestris manibus, quibus toties ipsa cæli venustas DEVS inest, fiet ornatissimum.

COMITIA REGNI POLORVM

In Nazareth celebrata, Breui Panegyri
exposita.

DEDICATIO.

Sunt terris regnorum Comitia, grauisissimi Procerum, Patriaq; Patrum consessus, amplissimi Equitum & nobilissimorum Ciuum Ordines; sua quoque sunt Polis, altissima Calitum Concilia, sacra Diuinissima Triados Senatusconsulta, magna & a saculis in DEO abscondita Sacramenta. Scilicet nec calum, licet in omnem orbis partem oculatissimum, temere sua precipitat consilia, aut pro arbitrio & affectus impetu, sua condit decreta. Non raro namq; integra euertit Regna, precox consilium, sustulit indeliberato iussu exercitus, retegq; factorum gloriam, plurium annorum meritis comparatam, inopinata & eterna oblitterauit macula. Sanum proinde corpus, non immerito Plutarchus ex sanis dignoscebat consiliis, grauem contra colligebat languorem, si affectus,

non ratio, regeret populos. Quemadmodum Cymmeriis necesse est omnia sepeliri tenebris, latere rerum venustatem, & tot orbis pulcherrima velari decora, si magnus ille celi oculus, illustre sydus, sua non dispenset terris lumina; ita turbis & confusa tumultuum caligine remp. inuolui oportet, ubi lux consiliorum, mentium non fugat tenebras. Ordinatissima Polorum Respublica, idea Regnorum omnium, & Comitiorum recte instituendorum speculum; ut rei humana commodis prospiceret, & pericula salutis publica, in qua mortales ceco Protoparentum ducti consilio, incidimus, auerteret. Comitibus in Nazareth coactis super grauissimo salutis nostrae tractauit negotio. Ut verò consiliorum confusio, quae à multitudinerimeri posset, caueretur, lectissimis viriusq; partis Consiliariis, res vniuersa committitur decernenda. Porro quid unanimi partium consensu sit conclusum, quid pro vindicanda humani nominis libertate, pro restauranda calum inter terramq; amicitia, quid pro inauguratione Augustissima Virginis, in Polorum Terrarumq; Reginam decretum, breui oratione adumbratum, ceu rudem Comitiorum imaginem rerumq; gestarum seriem vobis legendam offerimus. Legite & alta mente reponite consilia, quae Calum Oratore Angelo, & Terra, partium humanarum Patrona Virgine, pro communi mortalium emolumento inuit. Suspiciate Venerabundi profusam Calitum beneuolentiam, quam prodigioso planè amoris inuento, & inaudita amicitiae necessitudine pro Comitibus prolixè sunt testati. Tantum boni, rebus humanis optant, donantq; quantum illi cupere possunt, nos capere non possumus. Exhausto diuinarum opum arario ad reparandas Generis Nostri collapsas fortunas, & redimenda maxima debitorum nomina; tandem ipsae

quoq; Numen, Deum Ter Optimum Maximum, perenni Sacramento, immortalis iure, commodis nostris addixerunt.

Panegyris Allegorica

De B. MARIA Virgine ab Angelo salutata.

Comitia Regni Polorum, cælitum atq; mortalium Concilium, in quo fortunata inauguratione, in Reginam Dominamq; vniuersi, Imperatoria non minus genere quàm virtute Virgo est electa, decreta orbis publica salus, composita perpetuo foedere summorum Principum amicitia, exactus terris, humani nominis infensissimus hostis; comitia inquam, auspice è coelis Magno Oratore feliciter inchoata, feliciore negotiorum tractatione continuata felicissimo mutui partium aduersarum consensus epilogo conclusa; in Nazareth, regia initi Deum inter & Hominem, connubij sede, nominatissima à florum Verisq; gratijs Metropoli celebrata, festiua hodie recohimus veneramurq; memoria. Auditores.

Multis retro sæculis, quin ab ipsis Orbis conditi incunabulis, magnus hic Comitiorum dies, consultantium sæculorum conuentus, diuini humaniq; senatus consultū expectabatur. Oppressa misera seruitute regna, liberi nominis expetebant vindicias; collata diuinæ nobilitatis iura, restaurari oblitteratam tanti stemmatis petebant imaginem: omnia demum quæ o'im sancita polos inter atq; terras steterunt, firmari sacro hocce comitiorum consulto exoptabant. Adest polis submissus Nuntius, cælestis consilij & negotiorum baiulus, diuini connubij paranymphus,

phus, cui, cælū terris conciliandi, & concordī cælitū voto,
 Virginē, imperij vtriusq; Principem deligendi, integerrima
 concessa est potestas. Ingreditur Nazareth altissimis con-
 silijs destinatam comitiorum urbem, ipsā sui nominis glo-
 riā, toto florentissimam orbe. Meritò amānam florum
 patriam dixero, in qua, decoctus humanæ nobilitatis flos,
 iterum à pluuio gratis cælo reffloruit: meritò urbium om-
 nium caput, & Dominam apellauero, in qua, Regiam
 primò fixit sedem DEVS, in terris hospes: meritò Mar-
 tium Bellonæ campum, in quo, calcibus foeminæ pro-
 tritus est hostis, qui superbo ausu, manum in caput ge-
 neris humani extulerat: meritò Regale coronati Princi-
 pis solium, in quo primū cœpit apparere publico & mor-
 talium sensibus vsurpari, nemini hactenus spectata Maie-
 stas. Et iam Polorum Caduceator, Orator Diuinissimæ
 Triados, & Legatus commissa orditur proponere in Co-
 mitiis negotia. Fortunato vt ominor, exordio, quod au-
 spicatur à salute & gratia. Procul hinc dissidentium parti-
 um studia, personata bono publico priuatorum emolu-
 menta, procul factionum monstra, versipellium ingenio-
 rum partus, è Stygijs antris euocata consilia, fraudum
 mendaciorumq; adorata oracula. Gratia comitiorum
 Præses, & Primas est, firmum vinculum animorum, con-
 cordiæ conciliatrix, amorum nutrimentum amicitia pa-
 rens, bonorum omnium communicatrix. Nullus hic odij
 dissidiq; locus esse potest, quem plenitudo gratiæ præoc-
 cupauit: vbi pleno pectore, Cælitum fauores, humana-
 rum partium Patrona, Virgo collegit: nullus euentus
 commune bonum priuatis commodis; vbi de regnorum
 omnium

omnium atq; adeo orbis vniuersi vitæ, consulitur: nullus speciosis factionum consilijs; vbi immortali decreto, à seculis fixa stat publicæ salutis sententia. Quoniam verò optima comitiorum ratio est, altissimo concedere arcano, consilia; ne si publicâ circumferantur aurâ, & per omnium ora volitent, ad longas, & ad aliena vsq; regna exportatas, hostium externorumq; aures deueniant; igitur paucissimorum quoq; stant consilijs inita comitia. Quemadmodum enim vt augusta moles assurgat, alta humo defoditur basis; ita consiliorum momenta, quibus publicæ rei cardo vertitur, & tota ciuium salus innititur, profunda firmare deliberatione & altissimo occultare silentio oportet. Facile subruitur machina, quæ aperto superstat solo: facile conuelluntur consilia, senatusq; consulta quæ popularis auræ permittuntur arbitrio. Principem vitæ sedem cor, è quo in cætera, viuendi vigor propagatur, multis vndiq; fibris, & occultis permeantium spirituum flexibus, natura implicuit. Adeo latentibus omnino consilijs, vitæ beneficium, in vniuersam corporis humani rempublicam, natura dispensat! Qui igitur in ciuili regnorum corpore, media summis, infima medijs, domestica pace vult coherere; qui firma valetudine vigere corporis artus, ritè recteq; statim fungi munijs; qui Principem regni partem, Caput, optat serenum: perspicaces in periculis commotisq; prospiciendis oculos, impavidum ad discrimina petus, promptas ad confligendum manus, stabiles paresq; ferendo patriæ oneri, subditorum pedes; is profecto sana Procerum consilia ignotis vulgo comitijs, ceu latentibus venis, spirituum vitæq; vigorem ad animandos fouendosq;

Reipub.

Reipub. artus dispenſet eſt neceſſe. Ita cū exanime iaceret à lethali vulnere mortale genus, vitæ beatioris ſenſu, ac nobilium gratiæ functionum officijs deſtitutum; occultiffimo nulliq; mortalium cognito conſilio, magno ſcilicet & à ſæculis in D E O abſcondito Sacramento effectum eſt, vt diuini vigor Spiritus ad vniuerſos exanimis corporis artus reduceretur. Eluſa deniq; eſt arcano hoc conſultandi genere, hoſtium exſpectatio: quorū iurata vota erant, quacūq; poſſent fraude & conatu, Cælitum atq; mortalium interturbare amicitiam; impedire priſtinæ ſortem felicitatis, & omni adlaborare operâ, ne collapſa ſempiterno cum dedecore generis noſtri propago, auito reſtitueretur honori. Fefellit inſolentem hoſtium ſpem, cōſilium altiffimo ſemper conditum ſilentio: nec ante publicâ vulgatum famâ, quàm mutuo diuinarum humanarūq; partium conſenſu pro comitijs eſſet confirmatum, & irreuocabili ſtabilitum ſententia; ne vllâ tumultuantium aut refractariorum licentiâ infringi poſſet aut labefactari. Periculofa ſcilicet & penè fatalis conſiliorum peſtis eſt, ſana Procerum ſenſa, æquo librata examine, & ad communis boni rationes, longa deliberatione expenſa, arbitriæ populi licentiæ permittere. Hoc enim uerò eſt excuſſo nauis clauo, amoto nauigationis moderatore, nauim expanſis volitantem velis, fluctibus & ſcopulis committere. Hoc enim uerò eſt furenti inter bellica classica equo laxare habenas, vt militem inter medios hoſtium cuneos mortiq; fauces inferat. Hoc demum eſt poſtquam maximo labore ſublimia crexeris vrbium moenia & arcium præſidia, cuniculis ſub terram deſoſſis momento vno, omnia

in auras explodere. Ita planè honorū omnium luctu acci-
dere posset, si quæ pro aris & focis, pro capite & fortu-
nis vniuersorum, optimi Reipub. Ciues, sinceri Patria Pa-
tres decernerent, effrenata cuiuspiam licentiâ ceu subor-
natis clanculum cuniculis in tumultum abirent. Quantò
melius Diuina Regni Polorum comitia, paucorum con-
credita fuerunt pectori? in quo suam quæq; pars salutem,
tutò ausa est ponere. Quemadmodum olim confœdera-
ti in paterno pectore, infelices filij; vniuis arbitrio, in per-
niciem consensimus; ita meliore sorte in Virginis incor-
ruptæ voluntate, quæ sine fraude, sine dolo, sine priuata
utilitatis studio omnium complectebatur commoda, no-
stram securè deposuimus sententiam; vt illâ nutui Cælitū
obtemperante, nos alienæ referremus præmia obedientiæ,
illâ in perpetua pacis fœdera annuente, nos DE O iun-
geremur; illâ humanæ cum diuina natura connubium
adpromittente, nos nouo gratiæ partu filij adoptaremur;
illâ communi suffragio in Reginam hominum cælitumq;
adscitâ, nos in partem regni admitteremur socij; illa ter-
ris cælisq; imperante, nos misera seruitute redempti, sub
eius præsidio tuti viueremus. Tanti est paucorum sence-
ro pectori publica comittere consilia! Tanti est, quæ o-
mnibus oportet esse communia, non diuulgare omnibus!
quæ olim arbitro orbe & ipsis collaudantibus hostibus
probabuntur, populari non proclamare sententia. Neq;
hâc inutilior altera illa rectæ consultationis ratio est, eiuf-
modi Moderatorem deliberantium circulis præficere, pe-
nes quem & consilia regendi illustris sit prudentia, & con-
ficiendis regnorum comitijs apta indoles magnorumq;
sectator

sectator animus, & deniq; complanandis altercantiū partium studijs non impar autoritas. Multū nimirū refert qua prudentia & moderatione Præsidis, aduersæ partium dissertationes confligant, quā sincero studio consiliorum Moderator in publicam feratur vtilitatē, quanta vi gratiaq; polleat in disceptantium animos, quā scitè dextre q; sinistras in Rempub: mentes ad recti amorem possit flectere, quā præsentī deniq; auxilio tumultuantium animos & effrænatas corrupta libertate voces componere. Quemadmodum enim humano jure sublimius quidpiam est, valere in liberas mentes imperio, nè beatissimū illud sentire quod velis, affini dissolutæ licentiæ vitio, contaminetur; nec amplissimum illud Reipub: theatrum, regnatricis eloquentiæ forum, ac quædam veluti ingeniorum Academia [regnorū Comitā intelligo] in duella animorum, & sententiarum, in odiorum bellorumq; officinam mutetur: ita qui tanti muneris provinciā maturā consulendi regendiq; consulentes prudentiā exæquauit, nā illum humanis celsiorē ingenijs, Angelicæ comparandū dignitati dixerō. Et certē talem eum decebat esse qui cæli terræq; difficillimis conciliandi dissidijs, Numinis suffragio lectus, mensuram tanti Nuntij impleret. Impleueritne verò polis submissus ad cæli terræq; comitia Orator, illustri argumento est sæculis omnibus fastisque in feram vsq; posterorum memoriā commendata, susceptæ expeditionis & felicissimè exantlatæ Prouincia. Ardebat Orbis bellis & litibus? ille pacem intulit, Martioq; mense auspiciatus pacis negotia, Martio nomen Martis ademit. Flectendus erat obstinatus castimonie Sacramento animus in prodigiosæ Maternitatis assensum?

flexit animorum flexanimâ suadâ Orator disertissimus. Summa & Angelicis sublimiora mentibus Myſteria Diuinæ Metamorphoſeos erant explananda? explanauit Diuinorum ſenſuum interpres facundiſſimus. Atq; vt omnia paucis complectar, eâ facundiâ legationis munere functus eſt, vt nullus Oratorum hætenus tam felici & ad rem ap- poſitâ dictionis Metaphorâ ſit vſus, quàm ille VERBUM feliciffima translatione è ſinu Patris in Virginis vterum, è cælis in terram, è Regali folio in animos noſtros inferuit. Iam quod attinet Auguſtiſſimæ Virginis in Reginam Polorum Populorumq; Dominam inaugurationem; ſummâ omniû lætitiâ votorumq; conſpiratione perfecta eſt atq; conſummata. Neq; enim vllus in dubium vocare poterat, eam populis regendis admouendam, quæ Matris prærogatiuâ imperaret Numini; folio Reginam extollendam, cui domesticorum honorum cenſum, multis retro temporibus, Regnatricis Familia, in vicem ſuffragij ſuppeditabat; coronâ regni cæterisq; imperij inſignibus exornandam, cui à primis incunabilis tot Principum & Dynaſtarum venerabundo cultu ſubſternebantur diademata. An non ſupremo Imperatricis dignitatis honori erat admouenda? quæ inſolito ſubmiſſionis teſtimonio inter vilia ancillaris ſortis cognomenta, Regina nomina depoſuit. An non ad jura dicenda populis prouehenda? quæ iam prompto obſequio in Numinis nutus inclinauit ſententiam. Et quæ in Reginam alia legeretur Virgo, ſi non legeretur MARIA? quæ polorum ſiderumq; inſignia mereretur? ſi non mereretur illa, cuius plantas ſupplex adorat Cynthia, cuius corpori maiestatem vndiq; paludamenti loco

impe-

imperatorium sydus explicat, cuius verticem bis sena
cingunt cœlestium gemmarum ornamenta. Quæ digna
imperio, populis grata, cœlis expetita, vniuersis Superûm
hominumq; ordinibus exoptata? si non grata, gratijs
plena; si non digna, D E O proxima; si non exopta-
ta, sæcolorum omnium desiderium, si non expetita, mor-
taliū omnium asylum. Annon videbatur emeruisse di-
es, vt extrema ad festinationem vniuersalis ruinæ, pro-
duceret, libertatem impulsu vltimæ seruitutis fatigaret,
nutantem humanæ rei statum penitus conuelleret, nisi
imperio supponeret socios humeros MARIA? Nihil ad
pacis publicæ negotium poterant humanarum cognatio-
num iura, nihil necessitudines familiarum, nihil vete-
rum Patrum, Maiorumque longa merita, nisi Regia po-
testate sublimis Virgo, noua admitteret humanæ diuinæq;
cognitionis sædera. Infirma totius naturæ vincula erant,
ad spem humanæ tranquillitatis; Supremi discriminis co-
gitatio, perbreues ferias ab interitu persuadebat, nisi Vir-
go ruentibus in præceps populis pectus in præsidium obi-
jceret. In MARIAM igitur omnibus animi votis, lum-
mi infimiq; feruntur ordines, hanc suam regnorumq;
Principem esse volunt; non quod ipsâ Imperij fortunâ
egeat, cui hæreditaria in filio polorum sedes est; sed quod
omnes altissimam terrarum pacem speremus sub Mariæ
patrocinio. Ergo Augusta polorum soli; Regina Vir-
go, triumphalem sedem iam conscende, & dum auitâ
Maiorū gloriâ, Tuâq; virtute sublimis inter acclamations
oculosq; admirantium effulges solio, venerabundam ab
vtraq; parte accipe gratulationem. Rege, Regna, Im-

pera, Princeps, Regina, Imperatrix, Coelitum, terrigenum, inferorumq; . Et quam in Te orbis vterq; communi suffragio personam deposuit, splendide miseris exhibe. Habes ad hoc collectum maxima gratiarum profusione comitatum, qui numero amplius, apparatu diues, insignis cultu. Tua stipat latera, exornat pectus, longe lateq; regiam ostentat Maiestatem. Video iam in confinia effusos coelitum exercitus, qui Te admirantur; video vindare illos syderum exultantium campos, nouâ insolitæ lucis pompâ concertantes. Video oppletas terrestris ordinis occursum vias ad Neo Reginae honoris primitias exhibendas. Quaquaversum perges, subditorum vbiq; calcabis deuotam Tibi ditionem. Nulla non via latè deducto itinere, vestigia regijs plantis aperit : sed omnium patentissimum in Tuorum pectora habes ingressum. Dixi.

EXPEDITIO ROMANA B. STANISLAI KOSTKA

Allegorica Panegyri adumbrata.

Post relatas de stygio cane tergeminas victorias, post præclara magnorum ausum in Austriaci orbis theatro, data specimina ; post calcata patris fratrisq; acerbissima odia : tandem ad triumphale trophæum, quod in Romanis collibus, Dux erexit Ignatius, iter apparat, Victor STANISLAVS. Auditores. Obtentâ nimirum in Austriacis campis victoriâ, ad Romanam atq; Impe-

Imperatoriam triumphantium arcem, cæli monitu, pro-
vehitur. Ut toti spectanda orbi, celsissima victoris vir-
tus effulgeat, Principis in orbe urbis fastigio, eam decet
attolli. Cum inferorum Duce m. Cerberi furias menti-
tum, ter acie exuisset; Romanæ inferorum victrici Petræ,
victoriæ suæ trophæa insculpturus, Romam contendit.
Verum siste Magnanime inferorum Victor Stanislae!
In ipso victoriæ aditu, noua triumphanti incunda sunt
prælia. Ut triumphalem benè gesti prælij lauream cæli
voce Tibi destinata, Romæ occupa; iterum per bella
perq, mille bellorum discrimina est eundum. Bello vi-
ctoria occupanda est, nouoq; conflictu triumphus cele-
brandus. Neq; iam domesticos inter lares, lectulo affi-
xus, cum tricipite certabis Cerbero, sed totâ Germaniâ
atq; Italiâ immensam aduersantium aciem sustinebis.
Compara imperterritum ad instantem pugnam pectus &
quo potissimum stratagemate, suprema belli alea sit ten-
tanda, discute maturè. Quid agit Stanislaus, grauissi-
mum belli molimen, auspicatò exorsurus? Ne difficilli-
mæ expeditioni bellicæ, quæ in longa atq; peregrina
regionum itinera est extrahenda, bellicus desit comme-
atus. accurate annonâ sese præmunit Eucharisticâ. Quis
fortissimum hunc iam superet Achillem? quem verius
leonum medullis pastum dixerim, quando vincentem
Iudæ leonem in militarem sumpsit alimoniam, quâ n fa-
bulosum illum Chironis alumnum, leonino pastum pecto-
re, veteres comminiscuntur Poëta. Ambulabit certe in
fortitudine cibi huius, per terras peregrino sole calentes,
contra hostium omnium incursus impavidus; cui leoni-

nus cibus iste non modò militaris congiarij loco futurus est, sed Dux etiam viarum & militiæ Princeps. Quàm fortunato ausu, magnanimo pectore, in hostem mouebit Stanislaus, cui ad ineundam pugnam cælitus alimonia submittitur? Et iam Bellonæ coelestis cœlorumq; Regina hortatu, vt militiæ Societatis IESV sese accingat, quasi classicum ad pugnam occinitur. Perge diuinissime Heros, cælitus ad prælium inaugurate! Si Polonæ non præuolant Aquilæ in augurium fortunati successus, habes è polis aduenas, candidissimos cygnos, Angelicos spiritus, qui cælico candore, cælestem Militiæ IESV Candidatum, non dubio omine præsagiunt. Ne dubites cœli auxilio, rem prosperè gerendam, quæ capta est non obscuro cæli consilio. Non fallunt sequaces ad Imperia animos, Cælitum promissa. Tàm felicem esse licet, quàm placet esse obsequiosum. Non sunt auxilio præsidioq; inania, quæ veniunt ab astris consilia. Video Auditores; hodie etiamnum, quod multis retro annis accidit, ingenioso pictorum calamo, iconi Herois nostri, turrium quæpiam præsidia, & Angelicas copias cælestem comœtatum secum deuehentes, passim adstrui. Num hæc ipsa suppetiarum cælitus submissarum monumenta, ad immortalem posterorum memoriam consignata crediderim? an fortè familiarem D. STANISLAI cum cælitibus consuetudinem, tàm arcta ligatam Societate, vt eidem mensæ cum Angelis accumbat, & eodem quo vescuntur alimento Angeli, alatur Angelorum amicissimus & intimus Stanislaus? Quicquid piæ commentationis, non minùs ingenioso quàm sincero pictorij operis monumento lubesse possit,

possit, integerrimam deuotis animis facio sentiendi potestatem. Hoc luculenta fide palam asserere ausim, perturrium illa adumbrata præsidia & cælestes phalanges, diuinâ instructas annonâ. Castra Herois nostri, indubio effigiari testimonio. Familiare est gnaris militiæ Ducibus, bellica consilia, alto celare silentio, aut ementitâ ad fraudem facie ita colorare, vt incautum & ad alia intentum hostem inopino ludant stratagemate. Sic magnis ab Austria Heroibus Belgijque Principibus, teste Historicorum cultissimo Strada, sæpe desperata, ad votum tamen cecidit belli alea, dum rei gerendæ feriem lectissimis, & quos longa Sacramenti militaris fides probasset, concredebant. Ita vnus ille Græcorum & Orbis Magnus Alexander, etsi plurimos numeraret copiarum Duces, teste Curtio, paucissimos tamen censebat bellici Senatus consiliarios. Nullis enim patent domesticorum fraudibus consilia, quæ ex arcano prodeunt; & insperato Ducis iussu, diuturna rimandi otia præcidunt. Ad genium & celsam Heroum indolem factus Beatus Stanislaus, vt susceptæ expeditionis arcana latebris inuolueret, lacernâ mendicabuli tectus, prodijt in campum. Quis hoc cultu in hostem mouere crederet? quis sub vili amiculo, regium Codri stratagema suspicaretur? Latet inopiæ apparatu securus, quem ne sol quidem, luce meridiana insequentium oculis potuit detegere. Ita paupere induti lacernâ, virtutem publico æquè ac periculo eximimus. At fucato vestium splendore illustres, facile in prædam spectatores vocamus oculos. Pergit graui vanitatis pondere deposito, exauthoratus seculi miles; vt qui contra fe-

roces Orci impetns pugnam edixerat, nudus cum nudis
luctam ineat. Nihil enim maligni spiritus, docente Ma-
gno Gregorio, proprium in hoc seculo possident. Qui
ergo contra laruatas stygis furias ad certamen properabat;
merito terrena omnia, tanquam corporis indumenta ab-
iecit, ne succumberet; Pergit inauguratus ab astris, sacrae
Militiae Candidatus, prouocante, quae in pectore glisce-
bat, virtute; ardentibus flagrantis animi desiderijs, ceu
euibratis in hostem ignibus, anhelante atque in aethera
subnixo spiritu, ceu ignitis excussis iaculis. Et iam e lon-
ginquo Romana Ignatij Castra, flagrantissimis desiderijs
ceu arcta obsidione vndiq; cingit. Assurgunt interim
aduersa acie, contra obsidionem erecta, alta rupium ca-
cumina, infirmo & male stabili vix superanda vestigio.
Verum non fallit, Stanislaum rupes scandentem, vesti-
gium, qui nunquam reuocando gradu, virtutis tenebat tra-
mitem. Non terret illum, vix oculis metienda, cacumi-
num altitudo, qui aethere tunc altior incedebat. Non
retrahunt anfractuum & mille flexuum maendri, quem
securum de recto tramite reddebat viarum angustia. Nul-
lo nimirum itinere rectius ad virtutum ardua contendi-
mus quam angustissimo. Licentiosa immoderati animi
spatia, confinia sunt vitiorum, virtutumq; praecipitia. Ut
magnis passibus ad virtutis metam eluctemur, licentiam
in deuia exerrandi, angusto tramite iubet circumscribere
Philosophus Romanus. Minus enim periculi est, ubi mi-
nus est libertatis. Qui molli dextera effusum in pericu-
la animum tractat, praecipiti impetu agit in ruinam. Vix
serulae minaces & arcta Moderatorum imperia quandoq;
valent

valent, vbi spatiosa inualuit in scelera, licentia. Viarum igitur & mille difficultatum angustijs, ceu regio virtutis tramite circumseptus Stanislaus, securo passu, immensum gloriæ calcabat iter. Artubus defessus, sed infractus virtute; robore infirmus, sed ipsa robustus infirmitate: stabat sexcentos inter casus, animo supra mortalia caducaque omnia erectus, nec, si fractus illaberetur orbis, opprimendus ruinâ. Ea scilicet est comparati non modo ad pugnam, verum etiam obstinati adprehendendâ victoriam animi vis, ut (quod solenne Annibalis dictum fuisse memorat Liuius) non ante campo excedat, quam aut viuâ obtineat palmam dextrâ, aut inexpugnabili immoriatur ferro. Et verò nullo circumstantium à fronte tergo atque latere, hostium impetu, tenax coepti animus, suam elidi patiebatur constantiam. Urgebat indefesso conatu, grauissimæ expeditionis molem, & victricia per Austriam & Germaniam castra, sensim Romanæ obsidioni propius admovebat. Difficillima & penè desperata putabatur deditio; partim quod ingens belli tempestas è Polonia timeretur, si Stanislao ad Ignatij castra, pateret aditus; partim quod aduersas difficultatum copias non crederetur constanti impetu perrupturus. At nihil intentatum reliquit Stanislaus; quod videbatur ad eorum animos expugnandos facere, penes quos nôrat residere dedendi potestatem: Quoniam verò belli genus erat eiusmodi, quod virtute non armis, animo non dextera, firma in virtutem voluntate, non stricto in hostem ferro gerebatur: innumeras lectissimasque Virtutum copias, quibus obstacula omnia atque impedimenta perumperet, per-

vniuersam Germaniam atq; Italiam circumduxit. Et quid solida longoq; exercitata discrimine virtus, non possit expugnare? Diuino quodam robore valet in arbitratu nostros, teste Paterculo, quos cum nulla minarum aut opum vis flexerit, nutu suo triumphat virtus. Suspendi, differri imperium illius potest, sed eludi & elidi non potest. Premi, periclitari, fluctuare quandoq; solet; sed opprimi, succumbere, naufragari, mergi potest nunquam. Venit tandem hora, quâ sub triumphatricis fascēs, prospera atq; aduersa omnia suas submitunt acies. Atq; hoc sinceræ virtutis robore succinctus Stanislaus, facile vniuersum prosperæ & aduersæ fortunæ, exercitum profligauit. Cuniculorum vice, quos euertendis turrium moeniumq; machinis, militaris supplantat industria, Stanislaus profundissima submissione & seruilibus obsequijs, [quæ immortali venerabitur memoria Dilinga,] machinas difficultatum omnium, ceu opposita votis suis moenia, ex ipsis planè fundamentis disturbauit atq; inexpectato triumpho in auras displosit. Instantissimis adeundæ Societatis desiderijs, nullâ vnquam fractis repulsâ, quasi validissimis balistis contra repagula omnia arietabat; donec tandem arctissima hacce, rogandi, instandi, vrgendiq; obsidione, eò Moderatorum animos flexit, vt Romanam dederent stationem, atq; militandi in castris Ignatij copiam facerent. Quis tum Stanislai animus, quæ animi lætitia, qui lætantis triumphi plaususq; fuerint, difficile est oratione complecti. Iple suas non capiebat vices, neq; satis poterat animum explere gaudio, quod tandem aliquando, post tot discrimina rerum, tandem in tuto se
local.

locasset. Ingens gaudiorum vis est, tunc potissimum, vbi longo conflictu laceffita virtus, victrix aciem tenuerit. Ex æquo ferme, gaudiorum malorumq; diuisi sunt sensus: vt quo acrior animum exstimulauerit ærumnarum perpeffio hōc sublimior vulnere medeatur felicitas. Sed ecce ferreos torques & vincula, ferreus in filium Patrens, minacibus intentat literis, ni Religiosa decedat statione, recens inauthoratus Ignatij miles. Verū ferro potius firmat militare pectus, quā emolliat ad defectionē. Maius Religioso pectori à seruilibus ferri vinculis auctoramentum, affore existimat, quā mutuari se credat, à collecto tot sæculis, domestico splendorum censu. Stabit ille super victrice Romana Inferorum Petra immotus; neq; vllis ferreorum compedum terriculamentis à statione demoueri poterit, donec ad aureos præmiorum torques, in Cœleste Beatorum Capitolum, eius ope assumatur, cuius hortatu difficillimam hanc suscepit finiuitq; expeditionem.

Oblata fuit hæc Panegyris Sodalitati B. MARIÆ Virginis anno 1669 Brunsbergæ: sequenti Prefatione.

EXpeditionem Romanam, Illustris à Natalibus & Virtute Herois, Vobis presento, qui in sublimi fortune fastigio positus, ad vestigia Religiosa sortis calcato sæculo sese demisit. Sodales MARIANI Præcipitantis fortuna casus est, in sublime elatum, inopino subruī motu, at libero virtutis passu, honorum apices calcare, id demum Principem & ad alta natam sapit indolem. Facile est gratiæ præsidio attolli, difficile firmam labentis gratiæ tenere stationem, at difficillimum, cum secunda possis gaudere sorte, contemnere ex alto virtutis genio, fortune celsitudinem. Ea prædictum indole, celsosq;

37

fuerunt asserentibus. Illi parem morum cultum, patrij cognitionem sanguinis, communem dicendi & degendi consuetudinem, à diuersis astris trahi non posse contendebant, & quia non possent, nullum mutux necessitudinis vinculum vnquam futurum statuebant: hi ampliora amicitix iura, liberiores amoris & animorum affectus opponerant, quàm vt patrij soli sinu duntaxat arctarentur. Feruebant doctissimæ lites, sapientum ingenijs & alternantibus disputantium sententijs animatæ: donec vno Solonis ore, ceu ipsius Spientix oraculo, patrios sinus amantium, affectata exanimaretur opinio. Stetit igitur Athenarum tanquam orbis vniuersi iudicio; nullo gentium aut syderum ambitu, circumscripta esse amicitix Sacramenta. Non astra, non astrorum Principem, libero amantium arbitratui dominari, sed potius si sapientum amores sint, ipsis etiam imperaturos syderibus.

Sincero, an sinistro fortè affectu, Græcorum Lycea concluderint, nostra & superiora nostris sæcula necdum deciderunt. Hoc viris sincerè in causa amicitix sentientibus; potissimum autem, eloquentix Parenti, Magnoq; amicitix Mecænati Lelio, indubitatum est, orbis totius amplitudinem angustam esse amantium affectibus. Nulla hinc iura dici posse ab astris, nulla à corporum temperamento, nulla à morum patrijq; ritus dissidijs; quò minùs animis iungantur, quos terræ spatia, populares ritus, siderum diuersitas distraxerunt. Verum vtrum mortalis amicitix iura, Superiorum necessitudini coæquanda sint, nondum Athenis & à Sapientum Athenæis thesis prodijt. Laborauit super hoc argumento orbis Theologicus & altitudine veritatis fessus, recubuit

recubuit solius fidei fultus præsidio. Myſterium omnibus
altius eſt ingenijs, nulli etiam ſubtiliſſimorum Spirituum
perſpicaciæ cognitū, à ſæculis abſconditum in Deo. Scili-
cet amores humanos ad diuini pectoris faſtigia poſſe per-
tingere, & eo quidem pertingere auſu, vt in mutua mor-
talis carnis vincula Deum pertrahant. Pertraxit tamen
victor inuicti pectoris amor, & Maieſtatem ſæculis aſtriſq;
dominantē, pulueri noſtro miſcuit nexu amiciffimo. Sub-
ſcripſimus ſanguine noſtro tantæ amicitiae, quam etiam
calamus Scribæ velociter ſcribentis ad perennem initi fæ-
deris memoriam in Arca fœderis Deipara Virgine con-
ſignauit. Quid dicam? Amicorum legibus exorbitarunt
iura amicitiae? violata ſunt æterna animorum fœdera?
quando diſpare cultu, immenſis diſtractos interuallis, na-
turâ ipſâ diſſitos, amor in arctiſſimæ coniunctionis vincula
compegit? Minimè. Quid poſſit Dominator vniuerſorū
amor, quid vis amantium valeat, nouo hoc amicitiae pro-
totypo didicimus. Effracta ſunt, fateor, obſiſtentis na-
turæ repagula, emoliti rerum diuerſiſſimarum obices, cel-
ſiſſima inſimis ceſſerunt, inſima celliſſimis ſunt æquata,
puluis gemmæ inſtar, diuino inſedit diademati, mortali-
tas æternitati ſe miſcuit, corpus è limbo compactum, an-
gelica ſuperuectum eſt ſolia. Quid ergo? Peſſum iue-
runt ſancita amicitiae? Quod nimirum iurata odia, inti-
mis amoribus ſunt ſtabilia? Minimè. Triumphat Supe-
ros, & ferreas naturæ leges perrupit aureus amor. Nul-
lam huic amicitiae legem ſtatuat Sophocles, non iura mu-
tuæ beneuolentiæ alleget Leliuſ, non boni communionem
Regiæ amicitiae inſtitutor Ariſtoteles, non ſanguinis, pa-
triae,

triæ, consuetudinis vincula, requirat in Lelij dissertationibus, Romani & vniuersi orbis Orator Tullius. Omnibus enim communis amicitia legibus hæc amicitia est soluta, sed omnibus amoris numeris est absolutissima. Sint sanè naturæ interuallis, fortunæ fastigio, honorum censu, opum ornamentis, maximè dispares: limo & puluere progenitus homo, sæculorum & naturæ author Deus: at amoris ingeniosissima indolè; nobile hoc & ignobile, par & impar naturarum; ita coniunctum est, vt quod amicitiaè amplitudinem superare videtur, amplissimas amoris sine lege leges nequaquam superet. Colisit antiquitatis & sapientiaè oraculum Pythagoras, disparia pretio & indolè metalla; argento ferrum, nobili ignobile, pretiosū vili commisit. Tantū tamen abest, vt sortè dissimilia, naturis dissita, dignitate imparia aduersos gignerent sonos: vt potius in argenti amicitia suam mutaret indolè ferrū, & ab argenti coniunctione, ferrum resonaret argento. Discrepat humile vocis murmur, à concinnis & sublimè petentibus modulis: tantum tamen abest, vt dissonis discrepent vocibus, vt potius nil hâc concordî vocum discordia sit gratius, nil hac discordi concinentiū concordia sit iucundius. Laborat Musurgorū Schola in scita concentus gratia, sed nullos auribus vnquā fauentiores dedit modulos, quàm ab ipsa dissidentiū vocū cōtentione & vniformis toni odio petitos.

Sic ad ima vsq; Tartara descendat licet, vox auita, quæ rauco à pomo gutture prodijt: at si amoris cythara, è sublimi montis fastigio resonet, si nouus à polo Apollo septenis concinat Patri vocibus, totus utiq; è canentis ore orbis pendebit attonitus. Sic ferream licet induerit

indolem, obstinatum astris pectus mortale, at candidi su-
 auitate metalli resonabit, vbi dilecto illi, qui non mo-
 dò totus candidus est, sed ipse etiam lucis æternæ candor,
 fuerit coniunctum. Verùm enimverò duorum com-
 plexu animorum, amicus amor totam explet amandi ne-
 cessitudinem; quomodò verò, si hominum, quorum im-
 mensus propè est numerus, familiare ambiat studium,
 quomodo inquam in tantæ turbæ dissidijs, vnanime men-
 tium & studiorum coalescet vinculum? Quomodo ab-
 euntibus in diuersa animis, delicatus amoris nexus non
 rumpetur? Iurauerant in perpetua iura amicitiae, Pilades
 & Orestes, sed duorum numero, totam amoris sphaeram
 definiuerant. Subscripserant æternis amandi legibus,
 animo & sanguine Castor & Pollux, sed tertij nomina
 perenni odio eiurauerant. Iungebatur Æneæ fidus A-
 chates, sed bina tantum pectora, amica iunxerat fides.
 Deficit vel amplissimum aquis flumen, si innumeris diui-
 datur riuulis. Deficit latè sparsum incendium, si sudes di-
 uidas singulas. Deficiunt etiam regiae cum robore opes,
 vbi numerosior Principum soboles, paterna imperia in
 partes distinxerit. Multitudine & numero, rerum pretia
 decrescunt, & ipsa vilescerent diademata, si augerentur.
 Aurum ferro, pari pretio æquaretur, nisi illud raritas, hoc
 copia distingueret. Sparsus igitur per tot pectora, amo-
 ris igniculus, quomodo non in ipsa deficiat copia, & in
 tanto non minuaturnumero? Circumscripti amoris hoc
 argumentum est non inualidum; at contra ambientem
 cæli terræq; spatia, valet nihil. Neq; omnibus iungi, vt
 omnes amicitiae sensu fruantur, est necesse: iungatur vni
 cate-

cæterorum optimo, pulcherrimo, sapientissimo, animi & corporis dotibus ornatissimo, per quem reliqui amicitiae honore nobilitentur. Sic ab vno cœli Principe Sole lucem cætera astra capiunt, sic à radice vitam rami, à parentibus Filij nobile nomen, ab Oceano flumina hauriunt vndas. Quod si Spiritum corporis concretione liberimum, Deum dicas; ab homine verò cognosci nil posse nisi corporis interuentu: Quod si Deum altissimâ & remotissimâ cœlorum domo hospitantem, & luteas nostras despicientem casas obtendas: quod si Maiestatem & amorē non benè conuenire, nec in vna sede morari opponas, quod si amicorum omnia debere esse communia obijcias; nulla verò inter eos mutua officiorum & amorum posse esse studia, quorum alteri summa sit sapientia, alteri ofusus caligine intellectus, illi inuicta nulliusq; opis indiga dextera, huic infirmum & puluere exiguo leuius robur, illi longè latèq; sequentium & latera stipantium clientum corona, huic nil præter seipsum suppetat, quin & ipse suus non sit, sed alterius totus. Quod si tales inter, tam dispares tam dissimiles, nullum posse esse animorum studium asseras, maximum & si nullum ego aio futurū. Corpus enim assumat Deus, & similem nobis per omnia factum aduerter, nihilq; quod ad sinceræ amicitiae nomina spectet, desiderabis. Nam corpore indutus, & oculis cerni & datis vtrinq; dexteris ceu familiaris amicus noster saluari poterit. Sanguinis & sortis nostræ notâ insignitus, dedecori utiq; non ducet lutea corporis nostri ergastula. Totus ad amoris leges factus, utiq; metuedo Maiestatis nomine non terrebit amantes. Totum sese

liberalissimo pectore nobis impertitus, utiq; amicorum faciet omnia communia. Nihil igitur ex vniuersæ amicitiae legibus afferri potest, quod corporis interuentu ingeniosissimus Amor complanare non possit. Sed ecce cæli Nuncius, Amoris diuini Caduceator Angelus, fæderis ineundi de quo differimus, acturus negotium, Arcam fæderis, Virginem cœlo terræq; charissimam conuenit. Tractatur agente pro terris Virgine, pro cœlis procurante Angelo, de magno, ineffabili, incomprehensibili, Deum inter & hominem ineundæ amicitiae Sacramento. A salute, quæ amoris & amicitiae solet esse prodromus, negotium contrahendæ necessitudinis auspicatur. Magnâ verborum gratiâ quid aliud quàm beneuolentiam captat & amicitiam? Tanta dicendi vi, tanto argumentorum pondere disertus cœli Orator in rem nostram perorat, ut iam commoueri ab eius sermone Virginis animus incipiat. Stupet propositos cum Deo ineundæ amicitiae fauores, & oblata tantæ necessitudinis vincula non respuit quidē, sed ut magis prouocet amantem, indignam se summi Principis cognatione censet. At da verbum, da dexteram paciscenti Deo, Virgo: supplicat en plantis tuis, quæ astra calcant, aduoluta Adæ progenies. Prospicit e cœlestis Palatii limine Amicus amor, & auream amicitiae torquē quā se tibi nobisq; deuinciat, tuo gestit injicere collo. Submitte humile diuinissimo vinculo caput, & Deum vteromancipa Virginali. Quid sit Auditores? Submittit Ancilla vinculis caput, & Princeps ab ancilla vinculatur. Fit Virgo Deipara, Deus homo, cælum terræ iungitur, ima
 summis

summis neſtuntur. Concluditur in Arca foederis magnum & à ſæculis abſconditum in Deo, Amicitiae Sacramentum.

AQVILA à FVLGINE IMMVNIS

S E V

DEIPARA VIRGO, à Noxa Originali intacta,

Breui Panegyri celebrata.

Dicta in MARIANO Oratorio Hoſiani Collegij Brunsbergensis Societatis Iſſy, Anno ſalutis humanæ 1669. Decemb. 15.

¶ Vm fatali Proto-parentum crimine, ceu in-
Deuitabili fulminis ictu, mortalium genus,
 occidimus; & vna duntaxat proſtratae ſtir-
 pis, intaminata proles Virgo inter commu-
 nes ruinas ſtetit inconcuſſa; quaſi Reginam
 volucrum Aquilam, ſolam cæteros inter alites, illæſum à
 triſulco irati Iouis fulmine ſeruaſſe caput, ſuſpicimus & ad-
 miramur vniuerſi. Auditores. Fama eſt Pœtis diuul-
 gata, Principem pennatarum animantium aquilam, Ma-
 ximo illuſæ Antiquitatis Numini, tantâ fuiſſe obſtrictam
 amicitia, vt dum vindices ſclerum ignes, in cæterorum
 capita, iratus Iupiter vibraret, ſoli pepercerit Aquilæ: vt-
 pote, quam, & incorruptæ familiaritatis prærogatiua, &
 imperatorij honoris nomina, communi jure poſtulabant
 immunem. Umbra hæc eſt, (ſi vatum fide, luculen-
 tam licet adumbrare veritatem) integerrimæ ab hære-
 ditaria culpa Virginis. Quæ orbis cœlitumq; faſtigia,
 merito ſubmiſſionis ſuperuecta, & diuini conſors honoris;

suffragante Maternæ dignitatis prærogatiua, adscita; tan-
 quam Regina ætheris, æthereique dominatrix Imperij
 Aquila, supra humana terrarum consortia, longissimo se-
 se extulit interuallo. Excepimus nos interim, æterna
 Labe & irreparabili damno lethalem fulminis aleam,
 confœderati in rebelli Patris pectore Filij. Illa altiore
 Numinis consilio & gratia, [quid enim supremo, nullisq;
 legibus adstricto humanarum rerum Arbitro non lice-
 at?] à communi mortalium concilio & conspiratione e-
 xempta, non modò à decretorio fulminis telo fuit intacta,
 verùm etiam à tetro grassantis flammæ odore ne leuiter
 afflata. Quod dum ego sincero erga immaculatum in-
 tegerrimæ Virginis ortum obsequio, planum vobis face-
 re, exili dictione contendo: Vos sub grandis argumen-
 ti dignitate fatiscentem dictionem, pietatis & beneuolen-
 tiæ, in Matrem purissimam studio subleuate. Nolo hic
 memoriâ relegere, dulce illud in tenui malum, malorum
 certè omnium pessimum inq; paruo licet, maximum: à
 quo tam fertilem, copiosamq; in communem interitum
 materiem, vindex coelum collegit; vt, quot nostrum o-
 mnium sternendis ceruicibus satis forent fulmina, abundè
 ultore solis iustitiæ radio inde excoxerit. Nolo etiam
 stygium illum fulminis auiti fabrum, Tænariorum Magi-
 strum Cyclopum, Vulcanum, Enceladumue, retexere;
 quem ingenioso commento, ob præcipitem ab astris rui-
 nam, grauitè pede faucium cecinerunt Pœtæ: an ideo for-
 san serpentem, ab orco prodijisse ad technas eudendi ful-
 minis, cum male sanis non posset pedibus? vel potius pe-
 ctori innixum serpsisse, vt toto corde illum in mortalium
 perni-

perniciem grassari constaret? Nolo deniq; terribilem illum totoq; orbe reboantem excussi fulminis fragorem, consternatis mentibus iterum reuocare. Nam tinnit adhuc in omnium auribus atq; animis, repercussi à refractario posterorum pectore, echo fulminis, minis longè latèque in sera vsq; tempora intentatis. Hoc tantum ex unanimi orthodoxi orbis sententia & diuino summi Antistitis Oraculo assero sentioq;, Virginem illibatam, cæteris omnibus ad cædentis ictum fulminis exterritis atq; corruentibus, solam gratiæ præseruantis adminiculo ceu alarum remigio, pericula omnia superuectam, ibi sedem fixisse vbi tum mortalibus sedes nulla erat. Ardebat rebellis orbis, vindice communis sceleris incendio, & graueolente pestiferæ exhalationis odore, quem contagiosa pomi lues diffundebat, omnem circum afflabat regionem. Sola terris sublimior, consortio criminis & supplicij exempta Virgo, tetrum grassantis in omnes flammæ odorem, nec corpore nec animo sensit leuissimè. Verum est nec diffiteor. Comuni mortalium carne fuit prognata, generis humani socia & hæres, indiuiduo necessitudinis & cognationis vinculo, omnibus nobis obstricta, Sed voluntate saniore & diuinarum partium studio discrepabat ab omnibus. Neq; eadem semper est stirpis & virtutis necessitas. Sæpè obscuris natalibus, illustris prodijt animus. Sæpè angustis Laribus, augusta virtus imperatorijs fascibus est adlecta. Ramis duntaxat ineuitabilem patriæ stirpis virtutem, natura posuit, vt degenerare non liceat à primæua radicis indole, quæ vel amarum vel dulcem surculis transcribit genium. Alia longè multumq; dispar
 obti-

obtigit Partheniæ menti, diuinæ puritatis capacissimæ ;
 ortus felicitas ; vt nimirum è spinis prodiret rosa, è tene-
 bris lux splenderet, è terra sentibus & tribulis obnoxia,
 innocua Vitæ Arbor pullularet. At quomodo carnis ne-
 cessitudine, parentibus noxa vetere corruptis ptoxima Vir-
 go, à grassante sine discrimine in omnes telo, non fuit cor-
 repta ? Typum rei formo, vos lineamenta notate. Erexe-
 rat nos, altissimi montis instar, ellatus atq; rebellis contra
 coelitum imperia animus, & cæca dominandi libidine ab-
 repta, etiam fasces diuinos insana captabat ambitione :
 Diceres [quod ingeniosi de Gigantæo fastu commini-
 scuntur Pœtæ] machinas machinis montesq; montibus
 ab humana temeritate superstrui, vt ad Diuinitatis fastigia
 execrando ausu eluctaretur. Aberat tum procul (ita æ-
 terna Coelitum sententia sanxerat) ab ambitioso, perduel-
 li, refractario fastus aususq; nostri consilio, religiosissima
 diuini nutus obseruatrici Virgo. Dumq; nos refractarias
 in venenato pomi epulo mentes ceu montes gigantæos cōtra
 sidera, siderumq; Princeps Numen erigeremus ; illa humi-
 lis vallis fastigia, profunda animi demissione tenebat. Er-
 go dum vindex mortalium arrogantia Deus, triflu'ca quæ
 ipsi cuderamus fulmina, è nubibus excuteret, quidni al-
 tos ferirent fulmina montes ? Illa verò cū studio submis-
 si animi ab ambitioso Diuini Nominis consilio procul se
 distraxisset, procul quoq; à vindice humanæ temeritatis
 fulmine aberat. Ita verum est illud. Procul à Ioue,
 procul à fulmine. Vt vt igitur paterna maternaq; ortus
 lege nobis fuit cognata, noxæ tamen societate non fuit
 contaminata. Neq; mirum cuiquam videri debet, filiam
 super-

superstitem extitisse, dum Mater extingueretur fulmine; immunem à telo seruata prolem, dum communi incendio inuoluerentur parentes. Contigit id quidem raro diuinioris consilij prodigio, sed quod alias non infrequenti naturæ euentu accidere, Meteorologis est indubitatum. Sic valida fulmineæ flammæ vis, teste Naturalium peritissimo Plinio, non semel ferreos enses liquauit, innoxia enim thecâ. Sic non rarò in cineres vertit quercina, cæteraq; id genus durissima liquorum receptacula, etiam ferreis circum-solidata munimentis, nullâ interim liquoribus illatâ iniuriâ. Sic quandoq; defauijt in alterum, quin alteri proximum corriperet. Fuit hæc altissima Imperatricis alitum omnium Aquilæ prærogatiua, quæ tonante in perduelle hominum genus coelo, nubes iaculi fulminei latibulum, perniciosissimo gratiæ volatu superuecta, in Sole candoris & puritatis fede, tabernaculum posuerat. Mens est arcanioris naturæ peritorum, Lauro eam immunitatem, naturæ dono obuennisse, vt ceu publica victoriæ tessera, etiam contra excaescentis cœli fulmina, illæsa triumphet. Ita Tiberium Cæsarem teste Suetonio, Lauro caput induisse accepimus, vt qui hostium tela, ferro armatus non timebat, lauro munitus, etiam cœli minas non expauesceret. Nobis ea laureæ ferendæ prærogatiua iam olim erepta est, dum turpissima clade victi, in alto paradisi otio occubuimus. Extulit victricia hæc laureati verticis insignia, triumphatrix stygij serpentis Aquila: quibus coronata, sereno vultu, immanes illas fulminantis cœli tempestates sustinebat. Iam verò quis cætera imperatorij huius Alitis amplissima decora, virtutum le-

Altissima ornamenta, gratiarum donorumq; maxima prodigia, oratione recensere, nedum celebrare valeat? Quis niueum pennarum candorem, illibatæ inquam virginitatis insignia; quis acutissimum oculorum obrutum, exporrectam aio ad altissima Diuinitatis mysteria, mentis aciem; quis perniciosissimam volandi vim, expeditissimam intelligo intellectûs indolem, dicendo, non dico, laudando, complecti possit? Videtis vt irretorto oculo in meridiano solis fulgore hæreat suspensa? hæc MARIÆ primo ortus sui momento, in ardentissimos Numinis amores defixæ species est. Videtis vt rerum humanarum fastigio altior, inter sidera sedem figat? hæc Deiparæ recens natæ prima fuerunt incunabula. Videtis vt expansis alis; quâ Oriens atq; Occidens patent, omnem latè subiectam regionem contegat? hæc Virginis immaculatè conceptæ, amplissima toto orbe est gloria. Videtis vt grandis hæc magnarū alarū aquila plena plumis & varietate, medullâ Cedri ferat eamq; transportet in terram Chanaan? Hæc DEIPARÆ Deū cœlo ad humanæ consortia naturæ detrahentis, i libata est castimonia. Videtis deniq; vt circumfusæ populorum turbæ, Reginam ætheris, Imperatricem cœlorum, terrarum Dominam, flexo vbiq; adorent poplite? hæc vnanimis & publica Orbis orthodoxi erga Virginem illibatam est veneratio. Quæ cum ita sint, assurge iam in plausus & gaudia, prostrata olim vindice auiti criminis fulmine, moesta posteritas. Erige quo potes conatu, iterum in bella, fractas paterno crimine vires. Prima licet belli alea infausto ceciderit euentu, iam sub auspicijs triumphatricis de tortuoso colubro Aquilæ, desperare

rare de victoria non potes. Victoriæ præfaga & præ-
 nuntia est Aquila. Hâc auspiciatò affulgente, Romanos
 rerum dominos gentemq; togatam, ad imperij & victo-
 riarum fastigia gradum fecisse, scribente Liuius accepimus.
 Hac auspice Marianus Imperator & Basilius Macedo te-
 ste Zonara, ad supremos Regiæ fortunæ apices aspirarunt:
 quorum alter soli expositus, dum ab Aquilæ aduolantis
 vmbra est tectus, in vmbra Regiam serenitatem, & in So-
 le regium solium non vanè est ominatus; alter ab impe-
 ratoria ane etiamnum in fascijs salutatus, paulò post in im-
 perij fascibus Imperator est adoratus. Nos sub vmbra
 Partheniæ Aquilæ longè latèq; expansa; & indubitata cō-
 tra hostes præfidia, & certa exoptatæ victoriæ trophæa,
 multò luculentiorè possumus sperare argumento. Ar-
 ma circumspicimus? dabit Aquila armigera Tonantis.
 Classicum expectamus? iam in altum subleuata, non de-
 generes prouocat pullos: iam tubæ instar elangit, litto-
 ra voce replens sub utroq; iacentia Phæbo. Versipellis
 illius colubri technas & robur pertimescimus? Hac Duce
 & Auspice rebelles septemcipitis Laruæ cernices teremus.
 Victoriæ ominatrix aquila est, cuius fauore & auspicio, su-
 perba illa terræ monstra iam olim vindice Iouis fulmine ce-
 ciderunt. Tibi verò Augustæ salutis publicæ Matri, Trium-
 phatrici tortuosæ hydræ Aquilæ, ob signa furiasq; Tenarias,
 fatali imperio inter illibatas ortus primitias, pressas & op-
 pressas, Stygius Draco sub Virgineis p'antis in perpetuos
 sternatur triumphos. Vna demum exstitisti, Dominatrix
 cælitum terrigenumq; Virgo, cui ludus esset ille, qui o-
 mnibus ludit, velut tesseriis, delusor orbis serpens. Ce-

cidit tantæ Emulæ Alitis impar, olim sæculorū pauor, nunc
vnius in illibato tuo ortu momenti ludibrium; Si tamen
ille habuit, quò vltteriùs in vltimo Orci sinu prolabe-
retur. Stetisti in rebeli Draconis stygij capite, Viatrix,
cuius plantis nunquam grauius, credo, alias sensit onus.
Habes infra te, quidquid vniuersas gentes populosq; su-
pra esse videbatur. Quodsi quoq; deuota illibato tuo
Nomini pectora, triumphalibus tuis plantis subiecta esse
pateris (quod omnium nostrum vota vnicè efflagitant)
nunquam nos altiore reponi fastigio censebimus, quàm si
sub plantis tuis infimos vltimosq; Clientes, recenseas.

Allegorica Panegyris de VIRGINE DEIPARA ab Angelo Salutata.

*Sub allegoria Aurora, Angelum; Solis, Verbum Incarnatum;
Celi, MARIAM Virginem indicantis.*

Dicta In Oratorio Sodalitatis MARIANÆ, Brunopolitano.
Anno à partu Virgineo 1667. Martij 25.

P Rodromum solis, lucis Antesignanum, diei
primitias, cœli purpuram, Auroram nouam
& insolitam hodie prodijisse aduerto, dum
aureo circumfufum lumine Angelum, au-
gustum cœli Principem, Magnum ter Ma-
ximi Nuttium & Legatum, in cella vel cœlo potius
MARIANO affulfilfe contemplor. Auditores. Rubet
cœli MARIANI facies, pudore verecunda, ad Ange-
licæ conspectum Auroræ; rubet inquam roseo rubenti-
um genarum suffusa lumine Virgo, & auream exoptæ
diei

diei horam iam aduenisse, satis luculento rubentis Auroræ docet argumento. Procul auitæ calamitatis longæua nox, procul Maiorum lacrymæ, filiorum confusæ lamentis, iam foelix bonæ diei auspiciū, Ave, sub primum illucescentis Auroræ crepusculum insonuit; iam ad Auroræ ortum, pleni gratijs MARIANI rorant cœli, iam florida à cœlesti rore Nazareth, vernantia hororum sidera explicat, rosarum gemmas protrudit, argentea liliūm decora parturit; atque inter eam pulchram florum coronam, florentisq; aulæ Maiestatem, ipsum florum Principem, è MARIANI cœli beneficio promittit. Suspiciate interim, dum Magnus cœli oculus Sol sese aperiat, nec stellæ diffugiant, suspiciate Virginei cœli longè latèq; se explicantem astrorum apparatus. Splendet nebulæ omnis expers, multa conspicuus luce, innumeris decorum distinctus ornamentis, Olympus MARIANVS. Fulgurant aurea virtutum sidera, gemmæ gratiarum scintillant, gratiosi diuinæ pulchritudinis ocelli, toto promicant æthere. Oculatissima, sine oculo, excubat sensuum custodia; vigilem cœli Phosphorum rectè dixeris. Sine æstu, flammescit Virgineæ decus pudicitæ; Booten brumâ ardentem meriritò putaueris. Lucet sine die, submissi splendor animi, Cinthiam noctu lucentem, non incongruè appellaueris. Coruscat serenum augustæ charitatis iubar, & nulli apparet; Solem nube velantem sua lumina bene credideris. Irradiat clarissimis virtutum gemmis, magni animi palatium & angustis Nazareti occulitur laribus; cœlum caliginosa nocte obductum non immeritò

credideris. Magnum pulchritudinis & splendoris theatrum, in orbe, MARIA: sed adhuc sine publici & oculorum applausibus. Quamquam quid de orbis conscientia & oculorum applausu laboret, quæ in solius pectoris abdito, suæ virtutis crexit theatrum, actore animo, Deo spectatore. Sua sunt gemmis pretia, sunt pretiosis metallis congeniti splendores, etiam dum altis terræ visceribus conduntur. Vile & fucatum est, quod ab oculorum iudicio mendicamus pretium. Sui apparatûs conscientiam magnus Olympus MARIANVS, cur apparere ambiat, insincero & mille fucis corrupto publici oculo? Decrescunt rerum dignitates, & augusta fastigia suâ penè exuuntur magnitudine, ubi de minorum favore laborauerint. Veniet dies, qui clausum MARIANÆ virtutis theatrum aperiet, qui occultam Virginæ landis scenam deteget: quando nimirum ipse astorum Princeps, coeliq̃ue Imperator Phæbus, non alio sublimis fulgebit solio, quam Virginis utero, Mariæ sinu, coelo MARIANO. Tunc rectè factorum pulchritudo, sibi vni olim conscia, vniuersorum spectatores & encomiastas merebitur oculos, tum ingentes æquoris diuitiæ, exiguis inclusæ conchis, lucem publicam aspicient, tunc cæco terrarum specu abstrusæ auri opes, sub solis aspectum prodibunt, tunc Virginei splendor Olympi, nullâ insciæ noctis aut inuidæ nebulae umbrâ obfuscabitur. Verùm miseret me tui, ô infelix Hæbrea tellus! hœc infelicior dicenda, quô benigniori polo & faustioribus subiecta es syderibus. Hem! quam altæ noctis tenebras, quam rigidæ hyemis frigora tibi incum.

incumbere, est necesse: quæ ad sexcentas illustrissimi ætheris faces, apertis oculis vides nihil; cuius pietas, media inter coelestium ignium incendia, frigore emoritur. Ita planè Cimmerijs sepeliri tenebris orbis solet, dum stellantes gemmæ sua decora produnt clariùs. Ita gelidior terras solet stringere bruma, dum gemmei illi ignes ardent illustriùs. Nos Auditores, fausta poli MARIANI sidera tum respiciebant: nobis hoc cœlorum regnū appropinquabat, etiam dum multis distarem seculis, & non modò toto aberrarem cœlo, sed ipsa quoque aberramus terrâ. Nobis aureum hunc cœli fornicem extruxit fabricator cœlorum Deus, vt protectrice MARIA securi viueremus. Nobis coeleste hoc paludamentum, vt pellem Deus extendit: vt quos tunicis pelliceis vestitos, paradiso excluderat, MARIE paludamento tectos, cœlo reciperet. Quemadmodum verò, toto orbe expansum cœli paludamentum, innumeris fulget stellarum ornamentis: ita multò pluribus ornatam gratijs MARIAM cogitare fas est. Immenis propè interuallis, à terrarum complexu, coelestis ille orbis se distrahit, at celsior MARIE terras superuehens est altitudo. Coelestes illi astrorum cardines perenni motu se circumagunt; at celerior MARIE in virtutis stadio decurrentis vigor est. Altissima illa cœlorum regna, astris ceu oculis, montium & mentium fastus despiciunt; planetis ceu plantis, mortalia omnia subiiciunt; at altior Virginis, sublunaria omnia, ipsamque lunam calcantis est sublimitas. Cui amabo MARIANVM hoc cœlorum regnum assimilabo? exiguo sinapis grano?

no? orbe toto maius est. Thesauri diuitijs? possidet illum, in quo thesauri omnes sapientiæ & scientiæ Dei sunt absconditi. Virginum pudicitia? Angelicos spiritus castimoniæ integritate longè antecellit. Regijs nuptijs? Diuinam humanæ naturam æterno iunxit connubio. Pretiosis negotianti margaritis? plures hominum cum Deo vniones gratiæ opibus pretiosissimas protulit quam cælum numeret stellas, terra & pontus habeat margaritas. Iacienti bonum in agros semen? tulit sine semine granum, florem sine germine, sine plantula vitæ arborem. Sagenæ missæ in mare? ex MARIÆ genealogia piscariam nexuit ac deduxit lineam Deus, teste D. Petro Dam. lineæ Diuinum Verbum quasi hamum per incarnationem adstrinxit, hamo autem MARIANAM carnem, velut escam innexuit; vt leuiathan illectus ad carnem, ferrum Diuini Numinis sublentiret, homines verò quasi pisces maris, diuino hoc capti pabulo, ex abyssi profundo ad litus æternæ felicitatis extraherentur. O cælum nominibus omnibus pulcherrimum, nullo non laudis argumento ornatissimum! Si duodena illa Principum fiderum ornamenta requiras, explicat regiam duodecim stellarum coronam. Si motrices cœlorum Intelligentias desideres, affulsit magni baiulus consilij Angelus, atque vt in salutis publicæ vota MARIANVS verteretur Olympus, eadem motrice laboratum est intelligentiâ. Si vmbra, si placidos spirantis auræ Zephyros anheles, iam is cælum aspirauit & obumbravit spiritus, qui leni blandientis auræ sibilo fessa recreat pectora, & languentes laborum æstu animos

animos, diuini vmbra fauoris refocillat. Sed iam ab vmbra ad imminentis diei lucem nos excitat prominentis Phœbi oculus. Iam

vigil nitido patefecit ab ortu

Purpureas Aurora fores, & plena rosarum

Atria; diffugiunt stella, quarum agmina cogit

Lucifer, & cali statione nouissimus exit.

Affulsit tandem post diuturnæ atq; inueteratæ calamitatis noctem, diei exoptatæ diuinissimum iubar, orbis inferi & superi amoenissimus oculus, Maximum cœli MARIANI sidus & siderum omnium Princeps Sol DEVUS. Affulsit inquam, sed Maiestatis splendorem, ne caligantes orbis oculos perstringat, temperaturus, sub Virgineam candidamque se recepit nubem. Clauditur magnus cœli terræque oculus, angustis latebris, inferitur exiguo annulo Sol, septuaginta elegantiarum gemmâ pulchrior, hæret vteri latere abditum lumen, quod nullæ possunt occulere tenebræ; delitescit mortalitatis nostræ cinere coopertus ignis, quem in terram venit mittere Virgineam Sol igne amoris flagrantissimus. Iam verò ingressus cursus sui stadium, quàm celeri motu Iudææ montana Sol noster supergreditur, vt noctem illam auiti criminis dispellat. Prospicit inter materni vteri nebulas Phosphorus diei Ioannes, & solis præsentiam imminere sentiens, celeri prosilit motu, abeundum minori sideri ratus, vbi maius illuxit. Muneris sui memor vt solem præcurrat Phosphorus, ad currendam viam exultat. Pingitur gestientis vultûs gratiâ sterilis terra Elisabeth, & florum fructu antè arida, gratiosissimum,

quin ipsam florum gratiam Ioannem parturit. Resonat
 suavis calorū concentus, qui olim Iobo fuit auditus, &
 alternantibus lætantis terræ choris, Vox clamantis in no-
 ua prorumpit gaudia. Non latet sub opaca nube Sol no-
 ster, etsi appareat nemini. Vultus Maiestatem lucisq; ra-
 dios abscondit, sed radiorum vice spargit beneficia. Cœ-
 lo affixus, aurum optimum in sterilibus terræ visceribus ex-
 coquit & à congenitæ labis scoria perpurgat. Agit hoc
 in sterili Elisabeth solo, quod posthac in pleno sentibus &
 tribulis orbe est acturus. Prorumpet non multò post,
 prorumpet in publicum Sol noster, & meridianam lucem
 media nocte faciet splendescere. Tum primam vitæ no-
 stræ diem ante diem auspicabimur, tum noctem sine nocte
 agemus lætissimam, tum Aurorâ Angelis, Sole Christo,
 cœlo MARIÂ, renascentis orbis natalem celebrabimus,

Oratio In Laudem S. CATHARINÆ

D E

*Quinquaginta Philosophis & Maximino Imperatore
 triumphantis.*

Imbelle Philosophorum fuisse ingenium est ne-
 cesse, quod tenellæ Virgini victas cessit acies,
 Quamquam nunquam nobiliorem retulistis sa-
 pientiæ palmam ô Philosophi, quam dum in-
 scitiæ notam, flammis corpori vestro inussit Ma-
 ximinus! Pulchrum erat dedecus, gloriosa labe,
 doctissima ignorantia, Fæminæ vni esse imparem dispu-
 tando; quæ, quibus sauciabat telis vestra ingenia, iisdem
 insanas curabat mentes. Habent hoc orthodoxæ sapi-
 entię

entia spicula, ut quorum victa prosternunt ingenia, animos ad veritatem euehant victores. Nullis nimirum in Christianae veritatis praelio datur victoria, nisi victis. nulli triumphare conceditur, nisi subiugato: qui armis & castris passus est se exui; qui ex acie profligatus, captiva in fidei obsequium colla, ultro submisit. Sed videte magni certaminis inuictam Amazonem D. Catharinam. Videte immaturam aetatem in virtute adulta; imbellem pectus martij generosius Heroibus. Videte Ducem sine armis armatam; sine Castris & exercitu, magna virtutum agmina explicantem; videte innumeris munitam contra Maximinum praesidijs; & solam. Rara pugnae species, peregrina militandi ratio, inuisa castrorum facies: ubi contra irae ferociam mite pugnabit ingenium, contra speciosam turpitudinem intemnerata dimicabit pudicitia; contra errorum noctem veritatis splendor decertabit. Non hanc mitis animi aciem noscet Maximinus, quem impotens mentis furor, in meridiana veritatis luce excæcauit. Non hoc illibati pudoris robur superabit eneruatus Caesar, quem insana voluptatum libido ante pugnam prostravit. Non haec sapientiae spicula versutus observabit Philosophus, quem caeca Deorum idola, Cymerijs involuerunt tenebris. Deligat furoris sui theatrum Alexandriam, furibundus Imperator; explicet amentiae suae castra toto orientis imperio; accersat publico edicto, vniuersam ad Deorum sacrificia Aegyptum: tota haec Caesaris furoris scena, in victoriam mitissimae Virgini aperitur. Bene conditoris gloriam celeberrimam Alexandriam, pugnae designat, non alia e-

nim vrbs tantæ Virginis nomini suffectura erat, cuius vir-
 tutum amplitudo, non vrbs unius, sed orbis totius spa-
 tia exæquat. Confluat huc artifex fabularum Ori-
 ens, vt festam errorum noctem celebret: dabit melio-
 rem diem pientissima veri Numinis Cultrix D. Catharina,
 facietque inaudito stratagematis prodigio, vt caligino-
 sus errorum Oriens occidat, & occidens orthodoxa ve-
 ritas oriatur. Felices incorruptæ sapientiæ Philosophos!
 quos sine partu pariet pudicissima Virgo; cùm illos an-
 tè non tam in lucem quàm tenebras, sæcunda errorum
 Mater Ægyptus edidisset. At frustra nomini suo osten-
 tando Alexandriam aperit Maximinus, quàm prudenti-
 us clausisset suæ occultandæ ignomiæ. Et optaret ille
 quidem suo cinere, & incineratæ Alexandria tumulo tan-
 tum sepeliri claudiq; scelus; nisi victrices Virginis lauri
 è foecundo illo candidi roris imbre, perpetuò renascerentur,
 non modò ad immortalem Virginis gloriam conseruan-
 dam, verùm etiam ad perennem Tyranni immanitatem
 contestandam. Prospicit ex alta obliuione inglorius te-
 nebrio, sola celebris immanitate, & in pompam triumphæ
 nostræ rediuius, sub triumphata delitescit purpura.
 Quemadmodum deformes larvæ & horrida visu mon-
 stra, pulchra spectacula solent exornare, ita quauis lar-
 uâ monstroque foedior Maximinus, scenam Virginei tri-
 umphi sua condecorat turpitudine. Adest Virgineæ
 pugnæ, copiosa sacrificantium multitudine cinctus; in-
 ter omnes quæ immolabantur animantium victimas,
 ipse solus immanissima bellua. Adest aureo sublimis
 solio, sed animi superbia, toruoque arroganter superci-

lio magis elatus. Frontem impudens & seuera exasperavit Maestas, oculos non minùs inflammatus furor, quàm insanus libidinis æstus accendit. circumstat insolenti strepitu armis instructum satellitium, fremit supersticiosa Mystarum cohors, omnes dispari studio & officio tenentur, sed pari omnes furore in Catharinæ exitum conspirant. Adest quoq; præuiso certamini impavida Herois, sola virtute contra sexcentos furoris, amorisq; insani impetus munita. conflagunt vtrinque diversissima hostium agmina. Bellona nostra superstitiosas aras, sacrilegis contaminatas victimis redarguit, sacros honores delubris exhibitos detestatur, ipsumque Maximinum tanquam summum inter tot scelera scelus imperterrita execratur. Alio stratagemate vtendum ratus Cæsar improbissimus: iras intra blanda vultûs lenocinia abscondit. Vt Marti Virgineo, acerrimo impetu se opponat, opponit nullo; maximas se exerturum vires, contra illibatum pectus opinans, si aut omnes contineat, aut exerat minimas. Quos igitur ad Religiosam severitatem obtutus virgo pijsimè atrox composuerat, & ad castigandam scelesti Principis impietatem vibrauerat: ille amœnis & fallacem blanditiam ementitis oculis reprimebat. Quos hæc asperos monitus iaciebat, ille sermone blandissimo retundebat. Quæ foedi sceleris vituperia, Virgo in scelestum vibrabat, ille encomio venustissimi corporis in Virginem refringebat. Certabatur vtrinque acri telorum agmine, sed acerrimè certabat Maximinus, quia blandissimè. Cecidere tamen irrito conatu, acerrima Tyrani sine acrimonia lenocinia:

tantumq; vanus potuit sine viribus amor, quantum len-
 nis imperium in leonis valet magnanimum pectus. Ni-
 hil totius orientis Regna, imbellis foeminae pectus fle-
 sciebant, quam ad coelorum sceptrum Deus destinauerat: nihil
 ingentes opum thesauri, totaque Imperatoris opulentia
 vano auri fulgore oculos sapientissimae Virginis perstrin-
 gebant, utpote quibus mixtus cineri splendor luce me-
 ridiana clarius apparebat. Nihil deniq; Caesarei gloria
 diadematis, augusti magnificentia solij, inconcussam pul-
 sabant mentem; quae totam orbis vastitatem puncto vno
 definiuerat. Maius ac amplius Catharinae pectus erat,
 quam ut Orbis totius imperia illud explerent. Altiora
 fastigia occupauerat, celsissima Virginis virtus, quam
 ut humi repentes Tyranni blanditiae eo pertingerent.
 Perstitit illa, ceu rupes Marpesia, ad omnes impotentis-
 simi hostis assultus; neq; quicquam illibatum integritatis
 decus corrupit olitor. Quemadmodum tot amnes, tan-
 tum supernae deiectionum imbrium, tanta medicorum
 vis fontium non mutant saporem maris, nec remittunt
 quidem: ita aduersarum impetus voluptatum, non ver-
 tunt magnae mentis cogitationes. Habet nimirum id
 adulta animi virtus, ut si diuturna cum blando hoste ri-
 xa ferueat, callum per iniurias obducatur; ne vnquam a pes-
 simo bono emolliatur. Quanta vero voluptati quan-
 toque gaudio superis immortalibus censetis fuisse, collu-
 stantis Virginis cum impio Tyranno palastram. Fu-
 it procul dubio tam rarum in orbe spectaculum, quod
 in admirationem etiam empyreos Spiritus coelis euoca-
 uit. Gratam Principum oculis scenam aperit, qui in-
 trepi-

trepidus irruentem terram venabulo excepit; qui interitus Leonis incursum pertulit. tantòq; spectaculum est gratius, quantò id nobilior fecit. Sed non sunt ista humanæ leuitatis oblectamenta, quæ possint ter Maximi Numinis vultum in se vertere. Ecce spectaculum dignum (Romanus olim dixerat sapiens) ad quod respiciat intentus operi suo Deus. Ecce par Deo dignum Animus fortis cum blanda fortuna compositus. Non video, quid habeat in terris Conditor cœlorum pulchrius, dum conuertit in mortales mentem: quàm vt spectet animum nostrum, siue inter publicas Orbis ruinas erectum, siue inter euanescentis illecebras voluptatis, immotum. Stetit inuictissima Bellona nostra contra contagiosas lenocinantis Tyranni blanditias, inconcussa; stetit altissimo orbe altior, dum oblatos Imperij fasces contemptu calcauit; stetit augustis superior capitibus, dum fastuosa Maximini diademata minimi aestimauit. Cecidit verò tenellæ Virgini impar Tyrannus, virginei decoris telo necdum intentato faucius. Neque modo ad Virginei Martis victoriam satis erat semel triumphatum cecidisse hostem; bis victus est, qui semel duntaxat pugnavit. Tanta hostis erat ignauia! tanta dimicantis Virginis fortitudo! occubuit primum vilis illa Caesaris anima, non ferro hostiliq; dextera; sed vt in Maximino maximam disceremus vecordiam, à flore Virginei vultus occubuit. Quanta Maximini qui Imperia vincere debuerat infirmitas! quando imbellis formæ flosculus, omnes Imperatorij pectoris vires elisit. Occubuit deinde proprio oculorum vulnere turpiter faucius, quibus

quibus dum alienæ prædator inhiat virtuti, suam ipse e-
 necat. Quanquam quæ virtus reperiri poterat apud
 eum, qui Orientem sceleribus impleuerat, totoque nisu
 in id vnum incumbibat, vt turpe facinus de Imperato-
 re triumpharet. Huc eius munificæ spectabant opum
 pollicitationes, huc Cyprij ignes vesano collucentes pe-
 ctore, vt patrando crimini nefariam præferrent facem.
 Sed frustra blando certamine, Virginis animum Tyran-
 nus experitur, quem ad duriores luctam ferrum euo-
 cat. Frustra blandientis fortunæ risu, eius virtutem pe-
 riclitatur, quæ rotarum & ignium pericula, sereno ri-
 debit vultu. Ignaua ingenia, felicitatis intemperantiæ
 subiacent: at calamitates terroresque mortalium, subiun-
 gum mittere, hoc magni pectoris proprium est, hæc
 Catharinæ genuina virtus. Pudet congrédi cum hoste
 vinci parato. Qui enim sine periculo vincitur, vinci-
 tur sine gloria. Ignominiam Athleta reputat, cum in-
 feriore componi. Languida indoles & in somnum itu-
 ra, aut in vigiliam somno simillimam, inertibus neſti-
 tur elementis: generosi spiritus duriores fato opus habent.
 Fortissima igitur calamitatum agmina, rotarum flam-
 mæque aciem, Catharina sibi parem adſciſcit. Et iam
 è cœco carceris antro educta prodiſ; non alio quàm
 licſtorum comitatu ſtipata. Sat tamen contra ferri flam-
 mæq; vires munita, dum virtutum longè lateque ſtipan-
 tium agmine cingitur. Quanquam neq; in profundif-
 ſimi antri tenebris, à publico Catharina aberat: non e-
 nim poterat latere, quæ in ſuæ virtutis ſpectaculum, Cœ-
 litum oculos conuerſerat. Sed iam licſtorum turbam,
 inma-

immanium Satellitum phalanges; Tyrannus enocet, iubeat tormenta, cruces, rogos, instrui; expediat virgarum fasces; bouum nerios; & à lacertosissimis hominibus, dirissima immanitate, toto corpore laceretur innocua Virgo: donec hiante passim cute, partim sanguine omnibus manet artubus, partim teterrimo spectaculo luceat: plus Catharinæ virtus perferre quam Tyranni ferocia inferre potest. Corpora quidem exiguo concidunt vulnere, & magnarum virium molem etiam humana dextera impellit: at in alto latet spiritus, nec utiq; ferro erui potest. Non timet impresso vulnere sua explorari præcordia virtus, dum sincero hospitatur animo. Tota vrbs suis penè eutusa sedibus, in tantæ Virginis admiratione defixa obstupescit, sola suam non miratur Catharina fortitudinem, quæ non peregrina, sed domestica semper in eius pectore versabatur. Quid verò impie Tyranne à maxima crudelitate dicte Maximine, quid iam agas? nondum Virginis integritatem, inuictam animi constantiam aduertis? nondum tuæ victtricem amentix pronus veneraris? tanta est (proh dolor!) obstinatio in flagitio mentis cœcitas, tanta vindictæ capiendæ auiditas, ut pari audeat certare robore cum solidissima virtute. Plenus ergo amentix immanissimus latro, Virginem lictorum securibus iubet ceruicem subijcere. Exporrigit illa impavidum collum gladio, lictor candidam ferro prosternit ceruicem, auellitur proh immane facinus, à Virgineo corpore innocuum caput. Non poterat tanta tam magna anima nisi magno exire vulnere. Impar iam & angustum corporis spatium, cum eius ma-

58
gnitudinem amplius non caperet, violentâ ad æternitatem viâ erupit. O felicem Virginæ mentis exitum! non poterat illa meliore ostio stellatam illam adire Patriam, quàm lacteâ effusi roris semitâ. Agite iam quotquot integerrimæ Virginis Cultores adestis, quotquot veræ sapientiæ Magistram ambitis Clientes; discite lenocinantis fortunæ amicos temnere fauores, discite pro virtutis præmio, vitæ pretium liberali offerre pectore, discite non molle Partheniæ virtutis esse documentum.

Quinquaginta Philosophis & Martyribus,
à D. CATHARINA Philosophorum Principe & Magistra, re-
ctè Ratiocinandi Scientiam, edoctis, atq; inter trium-
phales ignes, dum publica doctrinæ specimina
ederent, ad immortalem Philosophiæ
& Martyrij Lauream,
euectis.

*Breue sed perenne suæ Venerationis monumentum ponunt
Brunopolitani Peripatetici.*

A N N O M D C L X I X.

Diuiniorem Philosophiam in Vobis de Vobis tri-
umphantem Laureis vestris inscribimus, Diui
Philosophi & Martyres. Nolebat aliorum patro-
cinia ambire, princeps humanæ mentis scientia, quàm qui
augustos Orbis vertices, Maximinos, victrice triumphas-
sent sapientiâ. Habet enim hoc sapientiæ dignitas, te-
ste Romano Philosopho, vt superbos dominantium fa-
stus

stus præteruēsta, Philosophantium honori duntaxat as-
 surgat: neq; alijs suas inclinet lauros, quàm quos supra
 populi fastigia, Ratio erexit. Neq; enim illa, utpote
 fastigijs rerum humanarum altior, ementito splendori,
 aut vanis à magno nomine Numinibus sese vnquam sub-
 misit: sed si canente Claudiano, visa est victrices coelis
 submittere laurus, ijs tantùm submitit, quos (iam olim
 docente Græciæ & Antiquitatis Oraculo Solone) virtus
 & scientia pari suffragio nobilitarunt. Non rapitur ni-
 mirum Sapientum oculus, mixto pulueri splendore,
 neque perstringitur rectæ rationis acies [ut Traiano su-
 us dicebat Panegyristes] aureo Maiestatum Imperio.
 Sublimior est Philosophi oculus, quàm ut quicquam cel-
 si, inter humanas celsitudines miretur. Non si fractus
 illabatur orbis, ruinam expauescet sapiens, multis retro
 sæculis vaticinabatur Lyricus: nec, si confligentium po-
 pulorum strage, regna intereant [olim sapiens Philo-
 sophabatur Seneca] mutabit vultum, erecti animi vir.
 Neque tamen sine prælijs aut viuit aut viget Rationale
 studium. Vtut altissimo otio delectatur Philosophia,
 nunquam pacem coluit sine armis. Decertare igitur
 inter feruentes argumentantium conflictus assueta; quo-
 rum patrocinia potius prenaret, quàm qui tanto pro
 veritate feruebant certamine, ut illustris etiam flamma
 coronaret disputantes. Indoles hæc erat dominantis in-
 ter astra, coeli ignes, Sapientiæ: quæ flammarum instar
 eluctatur in altum: neq; alibi sedem figere consuevit,
 quàm vbi popularibus animis imperuium & ineluctabi-
 le est fastigium! Quoties in arenam igitur prodit, Di-

ſputatrix ſcientia, quo reſpiciat alio? quàm ubi facem, diſputationi in triumphum præfert, victrix medios inter ignes Philoſophia, ſcientiâ & virtute, quàm flammis illuſtrior. Admittite quocirca, Auguſto Nomini veſtro aſſurgentem venerabundo cultu Philoſophiam, Cæſarum, igniumq; Victores Philoſophi. Scimus ſpinarum & aculeorum cognomento, rationalem traduci facultatem, ſed cum rolæ ſitis, Virgineo ſatæ cruore, ſpinarum obſequia, in vicem cuſtodie admittetis. Si verò victrices laurus veſtras, tripudijs & plauſibus celebrari dignamini, Organum & inſtrumentum eſt Logica, quam triumphis veſtris celebrandis deuouemus. Si deniq; ſcientiarum altiorum clauis, communi ſuffragio audit Philoſophia, Veſtris manibus clauim hanc tradimus, vt ſcientiarum arcana, intimosq; diuinarum facultatū adyta nobis referetis.

Aurum Carmeli Diuinis Eliæ ignibus à ſeculi ſcoria excoctum Lydioq; lapidi Chriſto, virtutibus & miraculis probatum.

S E V

Panegyris de S. Maria Magdalena de Pazzis Sacri Carmelitarum Ordinis Virgine Religioſiſſima.

Ex nomine de Pazzis alluditur ad aurum in Hebræo.

Post tot illibatæ caſtimoniae decora, poſt tot infracta Martyrum inuictorumq; Heroum ſpectora, poſt tot Orthodoxæ Reipublicæ ſummos Antiſtites, ſacroſque Purpurati Senatus Patres, poſt innumeros non minùs virtute

cute, quàm literis conspicuos Ascetas, quos Religiosissima Carmelitarum Familia magno rei Catholicæ emolumento orbi protulit; adhuc auita vetustissimi Ordinis virtus, tot sæculorum spatio non elanguit, inter iniquas temporum rerumque vices conflictata non succubuit, inter illabentium Regnorum ruinas non corruit, inter decumanas tumultuantis sæculi tempestates non est periclitata. Stetit inconcussa sacri montis moles, mentis Legisque primæuæ semper duraturæ ceu gentilitia Carmelitarum tessera. Stetit præcellus Carmelus Religiosæ perfectionis vertice ad sidera usque exporrecto; intaminati nominis amplitudine famæque ambitu, terras omnes populosque longè lateque complexus, radicibus caleacti fastus & protriti personati honoris, adeò altè in terram actis, ut nulla aduersantium vis eas conuellere, nulla licentioris vitæ insolentia labefactare, nulla iniquæ fortis iniuria potuerit perturbare. Dedit hætenus peramænum Carmeli solum vberè partu, vernantia florum sidera, candida Virginum lilia, purpuratas proprio cruore Martyrum rosas, dedit florum Principes, coronata sapientiæ & sanctitatis capita. Et iam ne quid opum ditissimo Carmelo aureoque monti deesse videretur, dedit post tot sæculorum interualla, raro naturæ prodigio, maximo cœlorum fauore, vniuersi orbis solatio, Aurum donorum omnium facile primum, munerum omnium longè acceptissimum. Aurum inquam quod splendeat in aris, Diuûm exornet Basilicas, egenorum subleuet inopiam, collapsas reparet mortalium fortunas, Aurum, quod Superos flectat ad clementiam, cœlitum fauores specioso

mercetur pretio, quod publico Ecclesiæ ærario illatum, omnium commoda diuite censu exæquet. Verùm quod illud auri genus, quas tantas opes publico orbis bono natas, placandis superis, ditandisq; mortalibus suppare intelligitis? Aurum est Auditores, è Sacri Carmeli montis visceribus erutum, diuinis Magni Patriarchæ & Principis Prophetarum Eliæ ignibus excoctum, artifice Spiritus Sancti gratia eleganter expolitum, Thaumaturgâ Sanctissimæ Triados dexterâ in absolutissimam sanctitatis Ideam atq; pulcherrimam virtutum omnium Imaginem elaboratum. Aurum hoc optimum, non aliud quàm Sanctissimam iuxta ac Religiosissimam Virginem, Sacræ Carmelitarum Familiæ non degenerem à præcella Maiorum virtute filiam, D. MARIAM MAGDALENAM de Pazzis intelligo. Illam inquam quam publico oraculo suffragantibus vnanimi voto Romanis Patribus, Maximus Ecclesiæ Antistes Clemens Nonus exornandæ Cælitum coronæ, ceu pretiosum aurum inseruit; vt sublimiore fastigio tantum decus elatum, non modo illustrius terris irradiaret, verùm etiam aureo virtutum splendore coelos ipsos inauraret. Magnus auri splendor; quòd lucem possit addere astris, sed maior virtutis gloria, quòd inter acria difficultatum examina auream prius probauerit indolem, quàm dignum astris accenseretur. Septennis etiamnum Virguncula Diua Magdalena de Pazzis iam pauperum manibus munificam inferebat opem: diceres, iam tum auri indole præditam, quæ tam liberali genio inopum subleuabat egestatem. Nullus certè auri potior vsus est, quàm dum liberali manu spargitur in-

ter egenos. Etiam Diuū aris dicatam sacram fup-
 pellectilem diftrahere fas eſt, dum pauperum datur uſi-
 bus. Alimenta potumq; quæ tenellæ ætati & infirmo ne-
 gabat corpori, paſcendis potandisque addicebat egenis;
 dixerim non immeritò charitatis in proximum flammis
 æſtuantem Magdalenam, in aurum potabile liquatam.
 Quàm facile fuit dexteræ Numinis auream Magdalenæ
 indolem, à teneris & ab ipsis propè incunabulis ad om-
 nem virtutem fingere, quæ ceu fuſile inter ignes aurum,
 nullo labore in omnem virtutis formam fundebatur.
 Aurum à congenitæ terræ labe quam ſcoriam dicunt, ſe-
 cernere eſt neceſſe; vt ſinceram nobilis metalli indolem
 Lidio probet lapidi. Probauit non adulterinam aureæ
 virtutis indolem, Magdalena, quando amore in Deum
 ſuccenſa, à caducis vaniſque ſæculi rebus ceu ſcoria igno-
 bili ad Religioſæ vitæ inſtitutum animum tranſtulit.
 Probauit inquam ſuam Lydio lapidi, Petræ Chriſto, non
 perſonatam amoris fidem, quam religioſo votorum ſœ-
 dere æternū ſtabiliuit. Inhiabant auro huic, quod
 non modò generis ſplendor, ſed natiuæ etiam for-
 mæ commendabat venuſtas, adblandientes procantium
 oculi, expetebatur ad illuſtria Principum connubia, vt
 ad ſeram uſque poſteriorum memoriam, Illuſtriſſima Paz-
 ziorum nomina effulgerent. Promittebantur alta hono-
 rum faſtigia magnis amplisque ſulta opibus, vt è ſubli-
 miore loco corruſcaret illuſtriùs, & ultra natalis ſoli li-
 mites ad peregrinas uſq; exteraſque terras Pazziani No-
 minis diffunderet gloriam. Flectebatur aſſiduus parentum
 precibus, & dum ad molles precum blanditias firmior

auri

auri vis obsisteret, quandoque minarum malleis, & flammis etiam, excandescantium furore cognatorum, ceu succensis in examinatória fornace paleis probabatur aurum. Sed ignibus Diuinis, & Artifice Spiritus Sancti operâ iam in religiosam sacri conubialis annuli formam cesserat, cui demum ceu aureo annulo, gemma septuaginta elegantiarum Christus, perenni votorum nexu est insertus. Delitescere maluit Magdalena inter religiosos parietes, quàm illustri effulgere connubio, & euanescentem propagati Nominis vmbra inter posterorum fastos emendicare. Tantum tamen abest, aurum Pazzianum Deo datum donatumque, priuatis hâsisse ignotum latebris, vt potius illustrissimum toto hodie effulserit orbe. Tantum abest religiosis claustris ad perennem obliuionem, Pazziorum nomina tunc fuisse sepulta, vt potius vel inde ad longè distitas & perégrino sole calentes terras emerferint. Coruscat Nobilissima Pazziorum Domus, multis Heroum, Comitum, Principum, Ducum, clara nominibus, fulget amplis meritorum & virtutum non vno in regno ornamentis: collustrauit Italiam, percrebuit Nominis tamâ per Imperium & Germaniam, impleuit Illustrissimis Heroibus, Præsulibus, Ducibus, Poloniam Lithuaniamque, alta vbiq; terrarum fixit gloriæ trophæa. Sed vna Magdalena de Pazzis cum delitescere vellet, cælo terræque, superis & mortalibus, sacra Pazziorum Nomina diuulgauit; cum tenebras quæreret, publicam prodiit in lucem, cum sanguine illustris videri nollet, Sancta toto orbe audiit. Magno quocirca splendoris auiti augmento accidit, vt prænobile hoc aurum à secu

li scoriâ expurgatum Lydioque lapidi Christo probatum,
Religiosis tantisper asseruaret, Laribus. Nullis certè opi-
bus, auaræ mortalium manus magis insidiantur, quàm au-
reis. Prædonum audaciam irritat, qui aurum publico,
sine custode, committit. Deprædari desiderat, qui the-
saurum pulcè portat in via. Nullibi tutius aurum splen-
det, quàm dum delitescit in tenebris, ubi naturâ pul-
chritudinis conscientia securum, testes publici oculos &
auaras manus non formidat. Expallefcit quandoq; &
aurum, teste Cinico, sed magis timore insidiantium ho-
stium, quàm deficientis argumento virtutis. Verùm,
quibus manijs quâue custodiâ Deo Sacratum, & diui-
no amore excoctum aurum seruatum creditis? Excubabat
olim vigil ad Hesperidum hortos, terribilis visu, naribus
ignem spirantibus, immanis toto corpore, formidabilis
irâ Draco: qui cristâ linguisq; tribus præsignis, acutis
dentibus horrendus, custos erat arboris aureæ. Sed non
eludit ingeniosas insidiantis Iasonis fraudes, qui ubi ex-
cubantem belluam conspersit lethei gramine succi, ver-
baq; ter dixit placidos facientia somnos, quæ mare tur-
barum, quæ conceita flumina sistunt, somnus in ignotos
oculos tunc venit, & auro Heros Elonius potitur, spo-
lioque superbo. Adeo nec ab inferis euocata monstra,
terrent ab auri cupidine auaros mortalium animos! Tu-
tiore præsidio aureæ de Pazzis opes sunt reconditæ, quan-
do ad altissimum Carmeli montem Religiosa Virgo cue-
cta, procul à rerum humanarum consortio, procul à sex-
centis seculi periculis, illibatæ Castimonix thesaurum ex-
tulit. Quæ hostium vis ad præcelli Carmeli fastigium

eluctetur, quis dolus reconditas inibi auri opes depopuletur? Quas non stygiæ quidem draconis flammæ, sed igneus totus auriferi montis custos Elias, tutissimo præsidio seruauit illæsas, atq; ab humana auaritia intaminatas. Beatum tam vigili excubitore Carmelum, beatum tantarum opum custodiâ excubitorem! cuius à tot sæculorum spatio sollicitè omnem in partem excubantes oculos, necdum vis lethæa fatali somno consopiuir. Quod scelus sacrum hunc tentet adire montem, cuius Custos, vindices scelerum ignes, ad nutum, cælis euocat? Quod crimen in Sacrosancta Montis adita sese insinuet, vbi centum luminibus cinctum caput, & flammis formidabile pectus, velut ex altissima specula longè latèq; circumspicit. Securè igitur prænobile hoc aurum, Superis, religiosi foederis munificentia, donatum; in Carmelo ceu in Sacra noui foederis Arca est seruatum. Placent Superis aureæ Carmeli diuitiæ, quas sollicito sæpè explorant oculo & percrebra lustrant apparitione. Quanta auri fames! quæ antea mortalia cogebat pectora, modò etiam Superos ad sui amorem euocat. Quorsum enim panem quotidiana Cælitum præsentia? quorsum huc, illuc, vltro citroque commeantium sollicita inuisendi studia! nisi auro hoc Cœlites quoque traherentur. Adeo vel Superum intaminatos animos, sancta potiundi huius auri incessit auaritia! Quanto verò aurum hoc, in sublimi Carmelitani Montis vertice repositum, cælesti circumfufum lumine resplendet? crediderim hæc Magdalena esse cælitus illapsa, diuina reuelationum lumina. Quemadmodum Imperatorium illud cœli sidus, dum in tersam
auri

auri faciem flectit radios, natiuam magis accendit metalli lucem, & congenitos adauget splendores: ita dum fiderum Coelitumque Princeps Christus in tersissimam Magdalenæ mentem, omnis maculæ expertem, diuina vibrabat lumina; magis magisq; cælestem illum collustrabat animum, & ad altissima maximaque diuinorum sensuum eleuabat Sacramenta. Quantas verò à cælesti lumine Aurum hoc quàm ingentes conceperit flammæ, quas multæ non exstinguerent aquæ, sat Magdalenæ flagrantissima in Deum charitas edocuit. Tanta scilicet amoris diuini vi urebatur Sanctissima Virgo, vt non modò animo sed ipso etiam corpore colliquefcere videretur. Et diffluxisset certè inter tanta amoris incendia à mortali corpore animus, nisi linteis aquâ frigidâ imbutis, depascentium vis flammarum tantisper fuisset sopita. Quòd verò inter examinarios aduersitatum & morborum ignes, Aurum hoc clariùs emicaret; Magdalenæ illustrior inter aduersa virtus erat. Quanto Stygij hostis impetu, constans eius sectandæ Sanctimonix studium premebatur! sed pressum, nō oppressum, validiore surgebat conatu. Quantis tentationum fluctibus iactabatur? sed illæsum semper caput extulit vndis. Quàm feris rugientium leonum rictibus quinquennij spatio petebatur? sed vacuis semper immanium belluarum faucibus. Cernitis verò vt Cælitum animos oculosq; in aurei splendoris admirationem die noctuque rapiat? hæc Magdalenæ familiaris cum cœlitibus consuetudo est. Ornatur ab ipsa Coelitim Regina peplo, pascitur annonâ Eucharisticâ ipso ministrante Summo Sacerdote Christo, instruitur cœli-

illis destinatis & submissis Magistris : & cùm sublimem
humilitatis doctrinam expeteret, à minimæ Societatis
IESV Sanctissimo Patriarcha Ignatio, humilitatem edo-
cta est. Cernitis vt terrena concreione liberum hoc au-
rum, ad sidera vsq̃ue aureos vibret radios! hæc Magda-
lenæ de Pazzis consumatæ virtutis celsitudo est. Cerni-
tis denique vt fatali quodam expallescit colore aurum,
sed illico meliori luce donatum, ipsa sidera immortali
vincat lumine? hæc Magdalenæ transcripta astris virtus,
cen sol inter minora effulsit sidera. Quantum decoris,
quantumq̃ue ornamenti, ardentibus illis Pyropis fide-
rumq̃ue gemmis accessisse credimus? dum aurum hoc
inter astra repositum longè lateq̃; toto resplenduit coelo.
Coruscabant olim insolito fulgore Solymæ montes, dum
sol in aureos refulsit clypeos: quidni beatos illos æter-
nitatis montes insolito coruscasse fulgore crediderim?
quando Sol Christus in aureum hunc militantis Ecclesiæ
clypeum, immenso diuinitatis refulsit lumine. Vilius
argentum est auro, virtutibus aurum: Magdalenæ vir-
tus fuluo pretiosior metallo, ipsam siderum lucem im-
mortali auxit splendore; vt non tam ornata à sideribus,
quàm ipsa ornasse sidera videatur. Auro templa micant,
radiatq̃ue altaribus aurum: Magdalena de Pazzis, tem-
plorum nitox, altarium decus, vniuersæ est ornamentum
Ecclesiæ. Aurum quisquis habet. Superos mercatur &
astra, captiuosq̃; tenet sub ditione Deos. Quisquis Ma-
gdalenæ præsidio gaudet, Coelitum tutus est ope, & qua-
si aureo pignore, obsidem Superum tenet clementiam.
Aurum pacciuat, nec bello spernitur aurum: aurum pu-
gna-

gnaces mittit in arma viros. Magdalena de Pazzis, Paccis Nomen & Omen habet. Quidni iam aureos imbres coelum in terram depluat? quod tam copiosam auri materiam è Carmeli auriferis venis baiulo solis radio attraxit? Auratos Rodijs imbres nascente Minerua indulgisse Iouem perhibent canente Pœta, sed veriùs, mutato iam fabulosi Numinis nomine, hodie dixerim, aureis indulgentiarum gratijs coelum irrorasse, quando Summus Ecclesiæ Antistes aureas Magdalena opes in Orbis vniuersi emolumentum liberali nozarum veniâ hodie dispensat. Aurea iterum rediisse sæcula gaudete mortales! quando tam nobile Carmelus parturit aurum, quod feliciore metamorphosi ferreâ æneamq; temporum necessitatem, in aureâ ætatis faciem commutabit, quàm fabulosa olim Mydæ virga personato auri fulgore omnia superinduit. Neq; iam Superi ad mortalium vota supplicesque manus, ferreo poterunt obdurescere pectore; quibus tam nobile auri munus hodie porreximus. Munus certè naturâ & gratiâ cultissimum; dignum quod æthereo figatur tholo, dignum, quod ad publicæ gratitudinis aras perenne populorum omnium Anathema pendeat, dignû quod Deus ipse ceu gratum amoris diuini pignus, nostræque obseruantia monumentum, è pectore gestet suspensum. Exardescet forsan in iras sceleribus nostris pro-uocatus Deus? apprimemus irato pectori flexanimum auri munus. Trifulca fortè in sceleratos volet vibrare fulmina? aureum munus dexteræ inferemus. Ardebit ignibus coruscus æther? placabimus auro. Bellis regna scindentur! pacem exorabimus auro. Pro populo-

rum incolumitate supplicabimus? exhibebimus anathema aureum. Persuadere dona & dijs fama est, doctissimi Euripidis ferebatur sententia. Munera quid possint testatur ferrea turris, quam victor fuluo Iupiter imbre subit. ingeniosa fuit vetustatis comimentatio. Finxit nimirum Magistra fabularum antiquitas ingenioso Ænigmatē, Danaen superstizioso Numini post tentata mille gratiarum stratagemata, tandem inito foedere conciliatam, vbi personatus auro amor apparuit. At apage fabulas! Sanctius hodie ominari publicis mortalium votis fas est ex auro quod sacramus cœlitibus munere. Laborauit hactenus bellatrix Lithuania diuturno placandi Numinis studio; sed ferrea semper pulsauit precibus astra. Supplices populus tetendit Cœlitibus manus; sed in terga populi, ferrea etiamnum desæuijt cœlitum dextra. Subiectis Prouincijs acres indixerunt inediae Sacri Antistites; sed fame etiamnum optatæ pacis; & concordis charitatis caritate, exhaustæ laborarunt Prouinciæ. Statas precandi horas & Solennia Ecclesiarum Sacrificia toties iterauimus; sed puniendi finem necdum sensimus, etsi nulum faceremus finem poenitendi. Sed melius nunc omen in auro est, non vanè vaticinari licet, vbi è sacri Carmeli Montis Munificentia tam pretiosum munus, amplissima Diuæ Magdalenæ merita Superis hodie præsentarunt. Munera credite iam olim placabant hominesq; Deosq;, placatur donis Iupiter ipse datis. Quid verò aureum non expugnet munus? quas non perrumpat acies? quas non flectat iras? quos fluctus non componat? Aurum per medios ire Satellites, & perrumpere amat castra

Ira potentius ferro: Nil igitur non aureis Magdalenz
 meritis, ceu aureis hastis expugnabimus, nullaque vis
 tam munita votis obsistet nostris, quam aurea de Paz-
 zis arma non cogent ad deditionem. Subegit Græci-
 am Philippus Macedo, innumeras gentes populosque sub
 iuga victor misit, nunquam ferme, teste Curtio, cum
 hoste congressus, quin palmam referret, nullam etiam
 aditu inaccessam, fortissimis ciuium vallatam mœnijs,
 annonæ commeatu opulentam, ducis consilio paritèr, ac
 militum robore munitam urbem aggressus, quàm victor
 non ingrederetur. Sed quo armorum genere quâ Missi-
 lium globorumq; grandine, quo consilij bellici stratage-
 mate, victricia ubiq; circumtulit arma Philippus? Non
 Philippus, sed Philippi aurum, Græciam subegit; popula-
 ri canebat paraniâ triumphata Græcia. Auratò cornu
 multas non viribus vrbes pulsauit Macedo. Tanti est
 non plumbeas, sed aureas in hostem iacere glandes! tan-
 ti est non ferro hostium pectus, sed manus auro oppu-
 gnare! Quid iam præsidij quid roboris attrita bellicis
 tumultibus Orthodoxa regna sperare audeant, dum
 fortissimam de Pazzis Ducem, inuictam militantis Eccle-
 siæ Amazonem, aurea ope quæ belli neruus dicitur, sibi
 succurrentem conspiciunt, nemo est qui non aduertat.
 Quot inuictarum virtutum agmina educit in aciem, quot
 heroicorum facinorum instruit exercitum, quot supera-
 tarum difficultatum victrices Cohortes explicat: tot va-
 lidissima præsidia & auxiliares suppetias labentibus suf-
 ficit regnis, collapsis mortalium suppeditat fortunis.
 Gaude iam tanto tuo tam excellenti bono vetustissima

iuxta

iuxta ac Religiosissima Carmelitarum Familia ! gaude
 tam nobili fructu, non minus beate quam locuples Car-
 mele. Tu vetustate originis, omnium Princeps es Or-
 dinum, religiosi nominis fastigio, Mons in vertice mon-
 tium ; sanctimonix celsitudine, astris par ; profunditate
 humilitatis, submisissimus : vernantibus virtutum floribus,
 illibatæ castimonix lilijs, purpuratis fidei rosis, Elysijs
 formosior campis ; & raris optimi auri opibus, Hesper-
 idum hortis locupletior. Euomat ad depopulandas vr-
 bes, flammæ, Vesuvius ; iacet saxorum grandinem, fera-
 lesq; cineres ad opprimendos mortales Ætna ; Carme-
 lus omnium commodo natus, aurum pretiosissimum in
 tanta orbis vniuersi egestate protulit. Beatas tuas au-
 rifer Carmele venas, è quibus tam nobile aurum pla-
 candis Superis, ditandis mortalibus prodijt ! Beatos San-
 ctissimi tui Patriarchæ Principis Prophetarum ignes ! qui
 à sæculi scoria Pazzianum excoxerunt aurum. Beatif-
 simum deniq; ô Diua Virgo aureum tuum cor, cui gem-
 meum pectoris sui cor Christus, velut gemmam aureo
 annulo inseruit. Quis tùm Magdalenam à Christi cha-
 ritate separauerit ? Quis Christum à castissimis Magdale-
 næ amoribus seiunxerit ? quos idem animorum, amo-
 rum & morum nexus indissolubili cordium societate con-
 iunxerat. Gaude quocirca, iterum atq; iterum gemina-
 tis plaudo vocibus, gaude tuo tam excellenti bono Be-
 atissima Carmelitarum Religio ! gaude quoq; non mi-
 nore lætandi argumento diues, Sacra ad quam venera-
 bundi hodie confluximus, Coelitum omnium honori nun-
 cupata, dedicataque Basilica. Tuo gremio hoc decus
 aure-

aureum deponimus, cui iam pridem dicata est corona
Sanctorum omnium. Ad tuas aras hoc aureum ana-
thema Deo Ter Optimo Maximo appendimus, ad quas
coelites vniuersi, sua fixerunt trophæa. Tuo ærario au-
reum hoc pretium includimus, vt supplicantem pro no-
bis coeli militiam hoc quasi militum stipendio ad auxi-
liares nobis suppetias ferendas promptius excites. Tuo
thesauro has auri gazas addimus, vt debitorum suorum
nomina mortales hoc pretio apud Superos redimant.
Tuo denique gazophilacio has auri merces inferimus,
vt sacra auri huius fame illecti mortales promptiore post-
hac studio Sacras Tuas Ædes coelitem omnium honori
dicatas, venerabundi colant atque frequentent.

Panegyris de S. FRANCISCO BORGIA

*Duce Gandiæ, Pro-Rege Catalaunia, ac post spretos seculi ho-
nores Religioso Societatis IESV, eiusq. Generali Tertio.*

*Dum Vil-
nae solenni
Processione
Imago illig
in templum
Academi-
cum infer-
retur.*

Principem Ducatus Basilicam, Magnus Dux
Gandiæ hodie ingreditur. Auditores. Qui
Polono Lithuanoque orbi auxiliares Socie-
tatis copias, contra hæresum insultus, ab Vr-
be orbis vniuersi Arce olim submisit, hodie
ab astris ipse, ceu magnum rei Orthodoxæ præsidium, ad
munitissimam hanc fidei & literarum Regiam descendit.
Assurrexerunt aduenienti Hospiti, diuino planè euentu,
erecta in altum noua Basilicæ huius tecta, diceret è ru-
deribus & squallore, ad pristinum nitorem redanimata;
vbi eum senserunt aduenire Hospitem, qui vitam olim
literis

*Ipsc in Po-
loniam &
Lituaniã,
Soci: IESV
contra hæ-
reses misit.
Eo tempore
eccliam quod
hostilis flãm
ma absum-
pserat tem-
plo imposi-
tum.*

literis, fidei uigorem, Spiritum pietati, societatem Lithuaniae donauerat. Assurrexerunt inquam, debito honoris cultu, Principi ac Mœcenati suo gratulabunda; & in sublime erecta, quasi alta elataq; voce, effusa in Hospitis occursum, Vrbi perorant, eum hodie restauratis sacrorum Larium tectis succedere domesticum, qui olim longo terrarum intervallo dissitus, iacentem per Poloniam Lithuaniamq; fidei ac morum Maiestatem, succollantibus sociorum humeris erexerat. Stabat haec Diuorum Penatum Basilica, barbari Martis ferro, saeuientisque Vulcani flammis deformata; tecto, ceu diademate decusso, triste atq; luctuosum Urbis stabat spectaculum, Bellici vulneris cicatrix, tot annorum spatio nondum obducta. Sed en, postquam tergeminis Coelium honoribus & Diuorum diademate redimitus, Sanctus ac Religiosissimus Dux, Societatis nostrae Parens affulsit, quasi ipsa quoq; Basilica laetitiae sensu tangeretur, exiliit inter publicos coeli, terraeque applausus, festino uultu, turritumq; tectum, ceu caput, in sublime extulit. Exiliit inquam, Ioannes in sua Basilica, ceu olim materno clausus in utero: caputq; Basilicae, quod Moschus sauior Herode Tyrannus decusserat, iterum mutilato imposuit corpori & ambitioso fastigij culmine, sideribus ipsis propè inseruit: Diceres aurem apposuisse resonantibus toto coelo D. FRANCISCI triumphis aut certè militantem Ecclesiam triumphanti, mutua associasse gaudia. Ita ad communis laetitiae consensum, ipsa ornatiùs prodierunt templa, & publicae Prouinciarum hilaritati, augusta, tectorum fronte amoenius^{ar} riserunt, quasi bonum suum & reducem

*Templum
S. Ioannis
sacrum.*

reducem sacrorum nitorem in D. Borgiæ aduentu interpretari viderentur. Date locum Diuo Principi, Hospitalis Sacræ Basilicæ Penates. Atratum hunc, pullumq; adhuc à communi patriæ funere squallorem, quem fumosa parietum facies præferebat, ipse splendoribus Sanctorum, quibus toto conspicuus orbe effulsit, deterget, atq; in augustam superioris æui transformabit Maiestatem. Tangitur etiam nū veteri illo, quo Poloniæ commoda complectebatur studio, & ingenti illa animi amplitudine, qua societatis fasces, ubiq; terrarum moderabatur, adhuc omnium prospicit emolumentis. Felicem hodie Poloniam Lithuaniamq; tanto hospite, à quo non vano omine sibi polliceri audeat, fortunatos domi militiæq; successus; regni Optimatum concordiam, populorum ac Prouinciarum exoptatam pacem, hostium & rebellium subditorum debellationem. Neq; enim paucioribus Comitum gratiarum copijs, beneficiorum hinc inde latera stipantibus affeclis, victoriarum & triumphorum pompâ longè latèq; antecedente, Prorex & Dux aduenisse, & suis quondam fascibus parentem Prouinciam obire est censendus, quàm cum olim auxiliarijs Sociorum suppetijs obiuerit, obitam muniuerit, munitam conseruauerit. Amplissimis eam cumulauit beneficijs mortalis, & iam immortalis, nullum benefaciendi & benefacta accumulandi finem, suæ liberalissimus Dux ponet munificentia. Non sterilesunt grandes Diuorum Principum animæ, etiam si multiplici benefactorum partu, magnâ nominis gloriâ, totum orbem quasi numeroso virtutis exercitu impleuerint. Nulla à coelis inauthoratæ virtutis mensura est, quæ nec

ætatum serie, aut gestorum annalibus, nec regnorum
 vastitate, auidam rectè agendi mentem, & nunquam ex-
 haustos ad benefacta spiritus patitur concludi. Breue
 vitæ & virtutis curriculum natura indulfit, sed immen-
 sum gloriæ spatium extendit. Quo factum est, vt alij
 infidam saxorum memoriam, contumacem ferri indolem
 alij, alij incorruptam annalium fidem, ad perennem fa-
 ctorum gloriæ, obsequiosæ artis imperio coegerint, vt
 scilicet, dum in mortali corpore desijissent viuere, viue-
 rent adhuc in mortalium animis, & quem inuida fata
 eripuissent spiritum, redderet inanime metallum. Non-
 dum igitur superioris æui sæculo, stetit terminata, par
 immortalibus mortalium commodis, amplissima Diui
 Principis beneuolentia. Quæ sicut nascentis in Lithuania
 Societatis, literarum ac pietatis iecit fundamenta, ita ea-
 dem auspice atq; coelitus patrocinate, solidata; læti ho-
 die conspiciamus: vt celeberrimum literarum Lyceum,
 scientiarum omniū vniuersitatem, totius Lithuaniae splen-
 dorem summa omnium vtilitate & gloria sustineant. Mul-
 tum profectò, diuina literarum Præses, doctarumq; men-
 tium Imperatrix Pallas, Diuo Principi atq; Musarum Ma-
 ximo Moecenati debes, sub cuius fortunatissimis auspicijs
 & ductu, augustam hanc Lithuaniae Metropolim, Magni
 Ducatus meditullium, cor vniuersæ Prouinciæ insedisti;
 vt quemadmodum è cordis sinu, ceu vitæ meditullio, fi-
 nitima & dissita corporis membra, spiritum atq; vigorem
 deriuant: ita tu sapientiæ & eruditionis nobiliore vitam
 in longè latèq; circumfusus vastissimi corporis artus, è me-
 diterraneo Sapientiæ Athenæo dispensares. Agnosce vene-
 rabunda,

rabunda, Diuum Musarum Parentem Minerua Lituana, &
 cuius paterno pectore atq; consilio, obstetricante Societa-
 tis opera, gloriosius in Lituanum orbem ad immortalem
 prodijsti lucem, quàm olim è fabulosi Numinis cerebro di-
 ceris prognata. Non alia te nascentem hîc excepit tellus,
 quàm antiquissima Ducum sedes, cor amorq; Lithuaniae,
 Vilna. Sed neq; decebat nascentem alijs, quàm Ducum
 incunabulis excipi, vtpotè quæ nō alio Parente, quàm Ma-
 gno Candiae Duce prodijt in Lithuaniam. Occupasti
 hospitale solum, peruetustam Ducum Regiam, vt sciremus
 iam tum loci suffragium in auspicijs fuisse. Et decebat
 sanè Magistram Regum Ducumq; institutricem Sapien-
 tiam, non alia, quàm eminentissimâ Ducatus sede conspi-
 ci; inter Principum trophæa, doctas miscere lauribus; in-
 ter Martis arma, Palladis figere hastas. Sed maius eti-
 amnum decore hoc, decus tuum ornatissima Pallas cen-
 seo, quòd Ducum incunabulis honorata, etiam ciuium
 amores & vniuersorum complexum, in Metropoli, cor-
 de Lithuaniae, occupaueris. Quanta igitur quàm am-
 pla nominis sui parte superstes degit, de Lechicis Lithua-
 nisq; rebus plurimum optimèq; meritis Sanctus Franci-
 scus Borgia. Patebunt tot immortalis illius nomini tro-
 phæa, per secuturas posterorum ætates, quot ex eiusdem
 diuinijs consilij oraculo & consensu, per Poloniarum
 & Lithuaniae subiectas ditiones, literarum Athenæa assur-
 rexerunt. Non binis inclyta Herculis colossis perennat
 optimi Ducis ac Pro-regis arctata amplitudo, sed viuunt vi-
 uetq; immortalis, tot eruditis impressa animis, tot erecta
 gymnasijs, tot celebrata cathedris, tot consecrata fanis

& aris; quot eiusdem annuente imperio, in Prussia, Mazouia, Russia, Lithuania, Maiore Minoreq; Polonia, summi infimiq; tot Prouinciarum & Populorum ordines, eruditionem in gymnasijs, pietatem in Marianis coetibus, fidei agnitionem in priuatis publicisq; congressibus, licentioris vitæ meliorem frugem ab Ecclesiasticis Cathedralis, religiosi instituti amorem à Magistrorum cohortatione, & intaminatæ vitæ exemplis; ad publicum regni decus & ornamentum, ad perennem propriæ salutis collegerunt beatitatem. Cuncta hæc per omnes fusæ beneficentiæ argumenta, ad te demum authorem redeunt Dux Sanctissime. Omnia per singulos dispersa, eruditionis pariter ac pietatis momenta, quoniam à te profluxerunt, in tuæ gloriæ amplitudine colligi est necesse. Atq; ita Oceano æquasti tuæ copiam virtutis, vt & intra capacem pectoris tui curam, Prouinciarum salutem contineres, & tandem recurreret ad cumulum, quicquid ex immenso zeli tui Oceano prodijt. Tua nostraq; est, quam Lithuania inuexisti, pietas & eruditio, & eò quidem magis nostra, quia Tua: tuis scilicet auspicijs, erecta, propagata, confirmata. Habes vesticales immortalis Tuo nomini literas, & æternâ habebis obstrictas gratitudine. Quis verò oratione complectatur, quanta animo ipse possideat decora, quantoq; virtutum apparatu, ac domestico gloriæ censu affulgeat, qui tanta alienis ornamentis impendit commoda? Neq; enim angustam curtamq; domi suæ supellectilem esse oportet, quæ Prouinciarum exæquauerit vota, impleuerit commoda; aut domesticæ luci deesse fulgorem, quæ publi-

cum

cum serenauerit, & communes regnorum dispulerit tenebras. Ita nec Sol terrarum oculus, cæli illustrissimum sidus, minùs natiui possidet splendoris, quàm subiectis impertiatur terris. Nec fluminum parens Oceanus, minùs vndarum suo colligit ambitu, quàm circumquaq; dispersis flexibus, in continentis vsus diffundat. Sunt scilicet sua rebus, liberaliore naturæ indole indita pretia, quàm in alienas dispensata vires. Qui magnorum igitur commodorum Oceanum in Polonas Lithuanasq; terras exundat, quantis ipse bonorum ornamentis affluat est necesse! Illud illustri ornamento sufficiat, ad discernendam virtutum illius & sanctimonix copiam, quòd altissimo gloriæ impetu, terras eluctata; ad immortales cælitum honores, è diuino orthodoxæ reipub: Oraculo eualerit. Et meritò quidem, inauthorata à coelis eius sanctimonia ad venerationem sui orbem posuit in genibus: quem ille iam antea victori substravit animo, substratoq; ad supremos religiosæ vitæ apices gloriòse incessit. Meritò terrarum imperia nomini illius religiosissimo assurgunt, qui calcatis Pro-regis Ducisq; insignibus supra omne id, quòd in regnorum laudibus supremum est, se extulit. Meritò deniq; ex vnanimi Purpurati Senatûs Comitio Magnus Sanctusq; inter cælites audiat, qui luculento sinceræ sanctitatis & magnitudinis indicio, non Pro-Rex Catalaunix, non Dux Gandix, non Marchio Lombaix, sed Franciscus Peccator insigniri & consignari voluit. Nullo scilicet illustriore vestigio dignoscitur sanctitas, quàm calcati fastûs tramite. Quemadmodum enim fucato eumentis gloriæ colore, virtutis Maiestas

non

non indiget: ita illam sola demissio, genuinâ adumbrat
 imagine. Quantis ille passibus in suimet contemptum
 ibat, postquam in Imperatoria Augustæ forma fucum
 humanæ venustatis deprehendisset. Facile tum erat per-
 spicaci vanitatis oculo, dissimulare purpurati Senatûs
 Ducumque mitras, postquam evanescentem nitorem in
 pulvere Isabellæ legisset adumbratum. In eminentissi-
 mo virtutum fastigio constitutus, infra infame illud A-
 postolici Collegij probrum tantam sternebat sanctitatem.
 Cùm ad Societatis clauum Supremus Moderator sederet,
 procubuit ad plantas Proditoris. Cùm, quâ Oriens, quâ
 Occidens patet, imperatoria potestate, pæne innumeris præ-
 esset sociorum domicilijs, ipse inter Stygis abdita habita-
 bat demissione. Miram demissionis indolem! vt alta cæ-
 lorum petas fastigia, imis Orci recessibus delitescere! vt
 astra teneas, inferos occupare! Hoc enim uerò est tene-
 bris lucem adipisci, latebris mereri publicum, infima se-
 de, ipsos gloriæ apices transcendere! Iam immanium
 belluarum cognomento, cultissimas suas reprehendebat
 virtutes, iam tussientis sputa inter altum profundæ noctis
 silentium, obstinatiores tolerantia suæ taciturnitate exci-
 piebat, iam abiecta viliaq; culinæ obsequia apud Hispa-
 niarum Maiestates, summæ gloriæ locò referebat. Nil
 deniq; non agebat, exquisito ingeniosæ demissionis stra-
 tagemate, quod honorem omnem demissioni cogeret ad
 deditionem. Cùm, magno comitatu, virtutum agmina,
 duceret à latere, semper tamen latere ubiq; locorum vo-
 luit. Verùm quo magis illustrissima virtutum decora te-
 nebris velabat, hōc clariùs promicabant publicum; non

secus

fecus ac cæli stellantes gemmulæ, quæ inter atræ noctis caliginem illustrius suam produnt oculis claritatem. Scilicet vt vmbre magnitudo, prodit molem corporis; ita virtutis Maiestatem quæsitæ lucis absentia. Neq; satis erat constanti victoria densa honorû agmina propulsare, nisi etiam corporis castrum Principi subiugaret animo. Si victûs igitur parsimoniam considerem, nil ex lancibus præter victoriam sui delibabat; quoties extendisset manum, toties eo id facere animo videbatur, vt cupiditati negaret. quô factum est vt opulentio rem corporis formã eouf; inediâ affligerit; vt tandem arida & circumpendente cute exhaustum & emaciatû circumuolueret corpusculum. Adeo crebris verò ictibus, ampla aperiebat corpusculi vulnera, vt quasi dolori patentem referaret aditum. Adeo spontaneis illud circummuniebat supplicijs, quasi omnem delitijs aditum intercludere vellet. Faciebat nimirum id Sanctissimus vir, thesauri munien di solitudine cautus, cuius custodiæ vt vigiles poneret excubias, sæpe corpus obibat pænis, nodosisque flagellis ad vigiliarum officium commonebat. O pulcherimum fortitudinis campum, quo cùm corporis vires frangeret, infractum animi robur firmabat: vt purpureum virtutum decus tolerantia, amœniûs floreret, flagellorum spinis Rosam hanc circumsepiebat. Cætera verò illius virtutum ornamenta, numero plurima, factis admiranda, sententiarum pondere grauissima, illustrissima splendore, quis aut dictione recensere, aut debito dictionis cultu exornare valeat? Dicamne barbarâ furentis cuiuspiam audaciâ in Pro-Regis pectus stri-

Etum mucronem sola iniuriæ obliuione retusum? ab-
 sinthio condita edulia vsq; ad delitias irritasse sui a-
 marore auidissimam aduersorum mentem, cui in cru-
 ciatum delitias, in delitias cruciatum mira vertebat me-
 tamorphosis. Dicamne in sui oppugnationem ex æe-
 ris coeliq; inclementia, alterna frigoris æstusq; acie,
 quasi militarem quendam conflasse exercitium, cui pro
 certamine inuictam suam obijceret tolerantiam? Di-
 cam ad alienos nutus ita comparatum tanti Herois pe-
 ctus, vt Laici hominis arbitratui ad amussim se addi-
 ceret? Dicam eousq; oculatam intaminatamq; per-
 coluisse mentem, vt cum perennibus supplicijs acrius te-
 nuissimas horreret noxas, bis tamen diem reatibus dice-
 ret in die, diuino supplex tribunali? Aut Seraphico
 diuinitatis commercio ita perfruitum, vt ad aras quasi
 ipsa litaret pietas, precationi tanquam corpore & sen-
 sibus solutus, insisteret? Numini Eucharistico quasi
 domesticus & ab ædibus familiaris, perpetuus adesset
 cultor? Dicam cælestium insinctu oraculorum sapius
 edoctum animum? vt & cogitatione cominus legeret
 dissita, & abdita penitiori rimaret, mente, & quod be-
 neficij maximi vice refero, Societatis nostræ Alumnis,
 æuiternam, si perdurarent, felicitatem, disceret adpro-
 missam. Cumulatè hæc omnia dictione persequi nec
 orationis dignitas factis impar sustinet, nec pretio lite-
 rarum illustrior virtutum splendor patitur. Illud solatij
 Dux & Parens Societatis Sanctissime inter com-
 munes coelitem ac mortalium plausus capio, quod pu-
 blica orbis gaudia sint suppletura, quæ desunt dictio-
 nis

nis tenuitati. Hoc ad extremum, omnium voto supplex
oro precorq; , vt sicut sub Tuis auspicijs, Minima Iesv
Societas, Colonias in Poloniam Lithuaniamque tradu-
xit, ita Te coelitus patrocinate suis semper indefessa
fungatur laborib; ad perennem omnium beatitatem.

O R A T I O

De Institutione Sanctissimæ Eucharistiæ.

Stratagema sub specie Conuiuij

Luctaturus ad præcelſi montis fastigia,
E inuictus dolorum & amorum Achilles
Christus; epulo vires antè instaurat Ar-
duam atq; prædifficilem cum mortalibus lu-
ctam initurus, tanto robore pectus ad arma
communit, quanto ipse pollet Deus. Seu vi-
cturus seu vincendus in formidolosa dolorum & mor-
tis acie, non deseret fidissimus Dux milites; quo-
rum pectora æterno occupauit foedere: Quod vt im-
mortali sanciret Sacramento, diuino ad perennem mi-
rabiliū memoriam exarauit sanguine. Ne metuas ve-
rò infractè periculis Heros Diuine, Inuictissime Bella-
tor, aut longa protrahendi prælij tempora, aut arctam
obsidionis necessitatem. Annona siquidem copiā desti-
tui non poteris, postquam Martij panis comneatum tam
liberaliter inter tuos diuisti com milites. Nemo quo-
que insultus hostium, inimicas Stygis phalanges aut ad-
uersas orbis cohortes metuūt; quem cibus fortium, vi-
ctor cæli terræq; panis ad bella roborauit. Antè orbis
illabatur & terrarum nutabit moles, quam animo ille

concidat, quem ad prælia erigit solidatq; suo pane Deus. Nemo quoq; in Christi Castris, latebras insidiarum, inter occulta consiliorum Sacramenta metuat. Suaui licet Panis involucro, quod multorum fomentum consuevit esse malorum, bellicæ artis stratagema tegatur: dolo tenebrarum nihilominus obnoxium non est, quod Sol ipse, ipsaq; palliauit Veritas. Candidis licet occultitur nubibus, cæli Oculus; spargit tamen vel occulto meatu, sinceræ veritatis radios, quibus abdita pectorum dum minimè apparet, collustrat maximè, Ludit suæ artis methodo amor Deus. Vulgari foedere amicitiam cum hominibus sanciturus, dulci ambrosia, pectora demulcet. O mortales! si Panis potiusq; pretio, humanos non conciliat amores Deus, quo tandem doli genere, mortalia irretiet corda? Scio Hæbreos Pontifices, Vrbe, & si fieri possit, etiam orbe vniuerso, vrgere Eucharistici Ducis excessum, vt amplior sceleri pateat locus, pulsa virtute. Et dissimilaturus quidem crimina, longanimitis & patiens Deus, sub veli abdita tantisper transiuit. Tanquam maximi in amore excessus reus, proscribendus; ipse vltro exul, omnium se eripuit oculis; peregrino velatus amiculo. Hostium tamen conspectui duntaxat sublatus, Amoris tecta subiit & incolit domesticus. Vita mortali priuandus, ipse sibi adimit sensus, & tanquam è viuis migrasset, expalluit; mortuo quàm viuo similior. Non alio tamen quàm nostri telo amoris confossus, exanguis, pallorem mortis induit.

Apagè verò infamis è Christi castris transfuga, Apostolici Senatus probrum, dealbatum foris monimen-


tum

tum, plenum intus auaritiæ furtiq; exsuccis ossibus. Antè Ducem Eucharisticum in perduelli foedoq; tumulasti pectore; quàm Iudæa illum perimeret Tyrannis. Quàm ipse hostibus crudelior, tot authorem vitæ sauciasti vulneribus, quot argenteis nummorum confodisti spiculis. At tu animorum nostrorum victor & incola Christe; cœptum ne destiteris prosequi stratagema. Adorna nouum triumphatoris in panis rota vehiculum, & corda subiectorum ceu triumphale inuehere Capitolium. Etiam rebellium triumphabis pectora, vbi bellum tuum esse conuiuuiū lautitijs instructum didicerint. Nul- lum amicitiae vinculum suauius, magisq; sociale quàm Cereris. Par ferme auri & panis, sacra fames, mortali- um plerumq; subegit mentes etiam ad fidei deditiōē. Miro hoc Diuini astus adinuento, arces & castra, omni- um scilicet animos, solus sine milite sine armis occupat. Candidus tamen etiam in astu totus est, quia ipso orna- uit dolum candore. Procul nihilominus vult esse sen- suum experimenta, veritati explorandæ. Fallax morta- ium sensus est, etiam sub specie & innocentia candoris. Sub mellis nectare, virus latere solet. Sub pulchritudinis forma, criminum larvæ, virtuti insidiantur. Omni ergo erroris periculo nos exeniptura veritas, oculorum fidem, è suorum militum castris proscripsit. Panem excucula- tus Saxoniae epulo credidit & pannica fide veram Ger- maniae fidem pæne extinxit. Stigmate notatus Gallia- rum Apostata, vmbatilem duntaxat notam ceu cassum nucleo putamen putauit, vt nucleum orthodoxæ ve- ritatis, Gallicanis subtraheret Ecclesijs. Nobis quibus

sincerior à velato Sole affulsit veritas, indice diuinæ fidei radio; sicuti ex solæ sapiunt delitiæ, quas arduo cælorum fastigio repositas, fide prælibamus: ita alias nulas in cælesti hoc epulo æstimamus, quàm quas ipse deliciarum fons condiuit & suo probauit palato Deus. At erubescant ij, qui à communione vitæ & calidissimis Diuini amoris dapibus, non tantùm vitali calore non incalescunt, verùm etiã immedicabili torpore animi emoriuntur. Ita transfuga è diuino Conuiuio Iscariotes, in amentiam ab amoris poculo prolapsus; ab igne consumente, lethali frigore correptus, vndiq; ignes & faces ex aulis Pontificum collegit. Verùm mira antiperistasi, vehementiùs vas contumeliæ stringi cœpit, donec congelatâ, quàm lautius hausit, iniquitatis aquâ, tanto dissilijt impetu, vt ipsa corporis animæq; vincula disruperit. Sic vitæ proditor, mortis mercator, salutis remedio, necem sibi consciuit, atq; à maximis opibus ad extremam reductus est egestatem. Hoc scilicet est ingrata mente capere beneficia, vt post accepta fias egentior. Compensaturus tantam improbi animi labem, munerum suorum largitor Christus, ipse sibi gratias agit, ipse hymnum in liberalitatis suæ encomium occinit.

Et decebat sanè Panegyristam suarum laudum
agere Deum, in cuius enarrandis encomijs,
omnis deficit & conticescit
oratio.

P A N E G Y R I S
De Oratione Christi in Horto Gethsemani.
CHRISTVS Florum Princeps.

 Xpleto epulo, Hortum ingreditur, florum
 Princeps Principumq; flos Christus. Et quò
 aliò veris æterni amœnitas, Elysiorum glo-
 ria pratorum, cœlestium hortorum purpu-
 ratus decor concederet? quàm vbi vernæ
 pulchritudinis, ridentium prati syderum,
 genuinum est theatrum. Decebat minores inter flores;
 Principem vernantium terræ optimatum, in florido
 horti folio tantisper delitiani. Et adest quidem, Apo-
 stolicorum Senatu Triumvirorum stipata, nunquam
 marcentis Paradisi amænissima Maiestas. Coronam Prin-
 cipis nostri floridam non immeritò lectissimos recens
 plantatæ Ecclesiæ flores, Apostolicos Proceres dixerim.
 Sed hem! quæ vna nocte, siue ad ardentium faces igni-
 um, siue ad Hæbreorum tyrannidem, tanquam deco-
 tricem nouellorum florum pruinam, pene emarcuit!
 Verùm vtvt sit, adest terno Discipulorum pignore, tan-
 quam è recens gemmantis Ecclesiæ, ceu vitis, floribus,
 contexto ornatus diademate. Sed abijs amissus, Augu-
 sto vertici, floridam coronam tantisper detraxit; vt in-
 ter quietis noctisq; silentia; quibus Regia cum curis
 diademata ponere solent Cæsares, & ipse prægrandes
 mentis curas & maxima orbis negotia, oratione fultu-
 rus, liberum animum, sibi Deoq; impenderet. Nihil etc-
 nim nostræ cum summo Numine consuetudini inter-
 esse

esse oportet, ipsi nos, sine nobis accedamus necesse est, ut totos nos astris & Cœlitibus dicemus. Verum enimvero tenax floris nostri terra, tantum abest, ut eum à sui complexu dimiserit, ut potius humo affusum reclinemq; , familiaribus strinxerit brachijs. Terræ ergo affixus mœstissimus Seruator, solum nouellæ Ecclesiæ, in sæcundam florum Matrem, diuini cruoris semente consecrat, atq; seipsum Regem florum consito implantat paradiso. Cresce ô pulcherrimum hodie sati Paradisi decus, cresce immortalis arbor vitæ, perennis felicitatis fructus, humano generi latura. Implanta florum sator, Angelicæ integritatis candida lilia; videbis olim candidiores lilijs prodire Virginum mentes. Intere purpureas innocui cruoris Rosas, spectabis olim augustiorem rosis pullulare Matyrum Heroumq; sanguinem: Infige cœlestium violarum decora; cernes pulchriora violis, inuiolata religiosarum mentium exurgere germina. Immitte deniq; sacratæ tuo sanguine glebæ, reliquam vernæ amœnitatis pulcherriam turbam, ut amore iam iam te languentem florum Regem, florido stipet fulciatq; obsequio. Crescite iam artifice terræ cœlorumq; manu sata germina, crescite inquam in vberem fructuum segetem, quando nouellis plantis rigandis, cælum liberali calice irrorat, cœlestesq; affundit imbres. Quin & ipse florum sator Christus, commissa terræ semina diuino ad vbertatem humectat sanguine. Terræ creditus Gorgonis cruor, horrida monstra terribilesq; visu larvas peperit. Dabit monstrorum domitores, septemcipitum victores larnarum, Ecclesiæ gleba, ferti.

fertilissimo Christi sanguine culta irrigataq; ? At vnde recens confito horto; nobiliq; sementi, infelix illud sterileq; accessit lolium? quod noctis vnus spatium ceu terræ sanies putridumq; peccantis soli vlcus est enatum, Proh quàm pestilens aura à virulento fungo spargitur; vt fatali illius halitu afflatus flos noster, protinus marceat concidatq; , inter carpentium militum & perfidi Olitoris proditorisq; manus. Agnosco vestrum Hebræi Pontifices consilij partum, quo vrentes hæ vrticæ sunt effusæ. Cingite nihilominus regio sanguine satam Romanam aculeatæ fustibus gladijsque spinæ. Terat contrahatq; crebris ictibus ferrea militum manus, fragrantissimum cæli terræq; florem, dabit ille inuictæ patientiæ, fortitudinis, clementiæ, & sexcentarum virtutum gratissimos odores, in quorum fragrantiam Coelites ac Mortales, trahente doloris pariter ac amoris affectu curremus.

O R A T I O

De Spinea CHRISTI Coronatione.

Honor Honorc illus.

Post iniqua illa versipellium Pontificum, tribunalia, post luctuosum sanguinis naufragium, ad infamem columnæ scopulum, post iteratas accusationum & contumeliarum vires; tandem Præses Romanus insigne Regnatricis Maiestatis Sceptrum, Christo inserit: non vt Regem Iudæorum denuntiet, sed Regi Regum illudat, Leuem arundinem, sceptri vice offert, satis illustri leuitatis suæ testimonio: qui populari aurâ, huc illuc se fle-

M

cti,

Et, instar arundinis vento agitatae patiebatur. Quan-
 quam saxo duriorum eum non immerito appellauerim,
 cuius pectus ad conspectum viri dolorum, magis ob-
 durnit. Porrigit, inauthorato patientiae & dolorum
 Principi, Ignominiosum leuis sceptri decoramentum,
 graue sceleris nostri pondus, suavis facilisq; iugi Chri-
 sti argumentum. Respondet sceptro, diadematis ratio.
 Illud ludicra & probrosa adumbravit arundo; hoc cru-
 deles spinæ & ferrea militum dextera formarunt. Le-
 ue & hoc coronarium dedecus dicerem, nisi & sceni-
 ca & sentosa hæc Maiestas, adoratum coelo terræque
 verticem grauissimo sauciaret dolore, palmariq; contem-
 ptu ad ioculare illusi Regis solium deprimeret. Leue
 tamen diadema est; quia gemmarum auriq; pondere
 è subditorum fortunis conflato, non grauescit. Imperat
 vili sentibusque aspero redimitus ornamento Rex no-
 ster: vt nos aureâ gemmeaque decori coronâ, perenni
 beatitatis potiamur regno. Erubescat tamen, quisquis
 leuium fluxarumq; sectator voluptatum, sub spinoso
 Imperatoris capite, imperialia delitiosi regni ambit fa-
 stigia. Mollibus rosis, floridoque stratum tramite iter,
 ne quærite delicijs innutriti mortales. Via Regia Chri-
 stus, spinis strata est, sentibus, angustum, ad Regni ho-
 nores, callem indicat. At quanta vestra est immanissi-
 mi milites in mitissimum Seruatorem crudelitas! quibus
 satis non erat, orbis fulcrum, coeli Athlantem, terræ
 baiulum, validissimis virgarum ictibus arietare vt im-
 mobilem, in ruinam premeretis; nisi etiam speciosâ per-
 sonati honoris scenâ, Maiestatem in ludibrij theatro ex-
 hibe-

hiberetis. Ferenda fortè foret crudelitas, si fortitudinem infirmitate, tolerantiam cruciatibus, quasi commissa acie impeteret : at e mentitæ venerationis specie virtutem ridere, laruato cultu ludere authoritatem, hoc utique est inaugurari Regem, ut facias mancipium, colere Maiestatem ut eandem prostituas, honorem honore contemnere, venerationem veneratione elidere. Regia insignia, ioculari suffragio, nato coelorum Principi obtrusistis, ut adimeretis Hebræi imperij solium. Regem adorastis, ut regno eijceretis. Diadema infixistis, ut ad formam serui deprimeretis. Sed agnoscit personatum clementiæ ingenium, vel ipsa aculeatæ asperæque indolis spina : quæ acri aculeorum stimulo coacta pungere Dei verticem, simulatæ vestræ exprobrat clementiæ. Minus illa pungit sentibus, quàm vos adscititij honoris studio debitum Numinis honorem confodiatis. Illa quasi aperto Marte arcem sacri verticis, dolore oppugnat, sensum ubique excubantem vulneribus sauciat; vos fraudulentæ cultus stratagemate, ipsum dehonorastis honorem, ipsam reddidistis gloriam ingloriam. O poli annularis gemma, ô Dei & hominum vnio Christe! itane spineo infereris annulo? Habet coelestem annulum Coeli oculus gemmaque; Sol, habent aureos suos orbes, cætera coeli sidera, sola gemmarum pretiosissima, vnionû nobilissima vnio Christus, sentibus innectitur, spinis includitur. An fortè mirando hoc noui nexus symbolo, summa imis, imaque summis nectenda, auitum mortalium puluerem Deo sociandum, diuina adumbrat sapientia? Quicquid sit, cingite Rosam spinæ, vallate

vepres Liliū, circumdate hortum conclusum sentes,
 custodite inuentum in agro thesaurum horridæ sepes.
 At aduertite illibatæ mentes, florida Sponsi vestri insi-
 gnia: aculeis non delitijs plena sunt, dolorum sentibus,
 non voluptatum sensibus abundant. Pari vos diade-
 matis æmulatione teneri est necesse, si paria integrita-
 tis præmia delectant. Non est virtutis vilius, & vel ma-
 ximè, illibatæ molle documentum, etiam cæcutientis
 seculi Philosophus olim edixit. Quantò vaniore nisu ad
 intaminati palmam pudoris illi contendunt, qui flori-
 dos deliciarum gradus scandunt, vt spinosæ pudicitiae
 sublimia occupent fastigia. Horret sentibus, pudicissimus
 Sponsus mentium, & quo calle ad intemeratæ virtutis
 culmina sit enitendum, spinosi capitis vertex, ceu regiae
 rectissimæque prodromus viæ præmonstat. Pergite im-
 belles animæ ad præclarissimæ virtutis apicem, excu-
 tite desides cursores teporem, cui exstimulando, acre ad-
 dit calcar, stimulatix desidiæ vestræ spina. Inscribe
 casta nomina, candido Virginum albo, en calamus
 spina vobis format: format eadem quoque gladium,
 quo Virginum hostem, voluptatem confodiat. Can-
 dida virtutis huius trophæa sunt, sed cruentis constant
 pugnis. Te hic compello, sentibus spinisque cruentate
 Virginum Sponse *IE SV*! adapta inimicos illecebris ve-
 pres in arma telaque tutandæ pudicitiae: effinge in ca-
 stiores Cyprio spiculatore arcum flexilem, quam ma-
 nu præfers arundinem, quo candida tuorum signorum
 phalanx instructa, gloriosam de hoste amicissimo scili-
 cet seipso reportet victoriam: Occinat verò in Virgi-
 neis

neis tuis Castris palinodiam lyricus, qui olim modu-
labatur nec iaculis nec arcu, vitæ egere integritatem.
Parthenium hodie inter difficillia pudicitiae certamina,
melos resonat.

*Integer vitæ scelerisq; purus,
Indiget Christi iaculis & arcu,
Et venenatis grāvida sagittis.
Fusce pharetra.*

ORATIO PER ANTITHETA De CHRISTI Passione.

LVctuosum die hodierna nobis proponitur
spectaculum, Auditores. Cœlitræque Im-
perator, naturæ mortalis atque immortalis
Author, regum terror, fulmen Cæsarum, De-
us ter Optimus Maximusque in probrosam
contumeliarum scenam educitur. Videte multis vulne-
ribus liuidum, qui magnus è coelis descendit Medicus.
Cernite sputis & squallore deformatum! qui candor est
lucis æternæ. Intuemini Vrbe & Orbe proscriptum,
qui cœli terræque hæres est. Considerate flagellatum,
qui æterno supplicio addicit impios. Aduertite spinis
coronatum, qui beatos coronat cœlites. Contemple-
mini sub infami crucis mole fatiscentem, qui cœlorum
& terrarum pondera, infractus supportat Atlas. Aspi-
cite Deum Hominem in cruce distentum, qui homini
Deum in cœlis coniungit. Adeste tam luctuoso specta-
culo lacrymis ô cœli terræque oculi vniuersi! Adeste

M;

cordium

cordium delitio, amorum amanti, sanguineis rubicundo
malis, ô cœlitum atque mortalium pectora ! Ego ob-
mutescenti Verbo, balbutienti adero lingua, non qui-
dem vt Orator eum defendam, quem omnes hodie con-
demnant Iudices, sed quia patienti Verbo, nulla re nos
rectius posse compati existimo, quàm linguæ officio.
Postquã in cœnaculo lautitijs vacasset Deus conuiuia, pla-
cet & in Horto delitias quærere. Sed inuenit spinas suas
Rosa, inuenit sua spicula Amor; reperit suos luctus gau-
dium vniuersi. Non sine ingenti doloris sensu, auulsus
à Discipulis montis supercilium, pacis arboribus consi-
tum, ascendit; inclinato corpore pronus Patrem ora-
turus. Auellitur à chara suorum Triade optimus Iesus,
qui perenni vinculo, Sacrosanctæ illi iungitur Trinitati.
Præcelsi montis fastigium occupat cœlis altior, qui o-
mnium hodie teretur pedibus. Pacis cliuam ambit, qui
ad formidolosam exposcitur pugnam. Pronus terræ al-
liditur, qui hodie pro causa nostra erectus stare debebat.
Verùm quæ tantorum causa mysteriorum ? Responder
sanguine exaratis literis Verbum incarnatum, & cum in
causa sua hodie vix sit locuturum, vocis loco, sanguineo
eloquentiæ flumine cupit esse disertum. Cur igitur à
discipulis sit diuisus, cur in præalti Montis cacumine,
cur in pacis theatro, cur humo affixus, tot linguis lo-
quitur, quot cruentis Coelum & terram, Deum & ho-
mines inclamat vocibus. Ecce quem terna Pontificum
Regum, Cæsarum tribunalia hodie reiiciunt, in vmbra-
tili à tribus Discipulis auulsione, meam ipse præuenio
reiectionem. Ecce qui sublimes fastuum mentes, super-
ba

ba iudico supercilia deprimant, in alti montis supercilio
 humo allidor: ecce qui pacificæ ramos oliuæ, ortho-
 dæ Christianorum arcæ inferam, iam Oliueti montem
 sedulus lustro, si quem optatæ pacis ramum decerpam.
 His perenne Patris Verbum sanguineis vocibus ad nos
 perorat, postquam obstinatum suæ linguæ silentium in-
 dixisset, usque ad Crucis Cathedram seruandū. Irrum-
 punt interea hortum furentium agmina militum, scele-
 rum antesignano Iudâ. Præfert tenebrio facem ut solē
 videant, accendit nocturnos ignes, ut diem intueantur,
 adest lucernâ Diogenes, ut hominē Deum inueniant. Re-
 periunt tandem in tenebris lucem, in nocte diem, in hor-
 to florem campi, sub dio Deum. Reperiunt, inquam, ut
 amittant; tenent, ne habeant; comprehendunt, ne ca-
 piant; vincula iniiciunt, ut libertatem perdant; ducunt
 cauto tramite, ut aberent; ingrediuntur Hierosolymam,
 nē, coelestem ingrediantur Hierusalem. Quò quò
 pergitis errorum cohors? itane à tramite deflectitis, qui
 rectissimam viam præ manibus habetis? itane ad mor-
 tis supplicia properatis, qui perennem ducitis vitam? ita-
 ne mendaciorum tribunalia aditis, cum præsto sit vo-
 bis veritas. Sistite præcipites furia, sistite amentes ani-
 mæ. Verum quid inanibus eos detineam verbis, qui
 Verbū tenent Incarnatum. Nihil soluta dicendi faculta-
 tem curant, postquam tanto studio ligando Verbo se
 addixerunt: Rapitur igitur innocentissimus agnus ad
 cruentam victimam, pura hostia ad impios Sacerdotes,
 ouis ad lupos, omnium criminum innocens ad æternæ
 mortis reos. Nisi & ipse Deus, reus dici amet, post-
 quam

quam se nobis tanto obstrinxisset amore, Quid verò iam pro amoris captiuo, charitatis reo, apud sacra Pontificum fastigia, mea perorabit lingua? defendam beneuolam omnibus humanitatem, an Iudicium barbariem, accusabo? experte peccati integritatem tuebor, an iniquitatem militum arguam? pro DEO loquar? an contra homines agam? tutissimum firmabo in Iudicio, an causa imbelles infringam? potentissimo robur argumentorum addam, an infirmitatem hominum arguam? viuorum atque mortuorum Iudici patrocinaror, an omni ope destitutos oppugnabo? Non vult integritatem suam defendi Christus, vbi Iudex æquitatis insignia, iustitiæ tesseram, vestem Pontificiam lacerauit: non vult rationum momentis suam stabiliri causam, vbi ferri pondere opprimitur innocentia. Non vult pro se perorari, vbi æterno Verbo ferreâ manu imponitur silentium. Dicam tamen & vel inter ferri minas, stygios non expauescam Rhadamanthos. O iniquissima Iudicum tribunalia! ô criminum sedes! ô iuris diuini atque humani exitium! ô veritatis pernicies! ô mendaciorum Patres! itane ferro etiam innocentiam corrumpi finitis, quam nonnisi, pro auri pretio iniquissimi prostituunt? itane superimpositis reo vestibus causam examinatis, cui omnia detrahenda forent, vt penitus veritatem inspiceretis? itane vultum & oculos reo obtegitis, quem cognoscere Iudices debetis? Spectas hæc ô æquissima rerum vindex Nemesis, neque impias Iudicum sedes flammis vlticibus inuoluis? Spectatis id astrorum Principes addictissimi Regi vestro asseclæ, neque;

neq; latera vestra pro Domino opponitis? Spectatis id orbis vniuersi incolæ, neq; pectorum tutelâ caput vestrum propugnatis? Sed non patitur innocentia suam patientissimus Dominus alieno subsidio defendi, qui propria non vult se tueri virtute. Non patitur coelestes cohortes sibi patrocinari, qui vltro se potestati tenebrarum obiecit prædam. Desertus igitur ab omnibus, cæli terræq; ope destitutus, tandem & proprijs quibus innocentia tuebatur vestibus, denudatur. Adeo nostri causâ, omni sese abdicat aliorum patrocinio Christus, vt ab omnibus desertus, neminem ipse deserat, à cunctis derelictus, vniuersos suscipiat: omnibus spoliatus, cunctos gloriæ luce ceu vestimento induat. Nudatur ergo ille, cuius oculis nuda & aperta sunt omnia. nudatur vestibus, qui cælum ornat sideribus, terram pingit floribus. nudatur vestibus, qui Regum capita ornat diademate, dextris sceptrâ inferit, Purpurâ Augustos Principum circumdat humeros. nudatur charitas quæ multitudinem operit peccatorum, exiuitur innocentia, quæ reos criminibus absoluit: spoliatur thesaurus, qui ditat egenos: diripitur ærarium, quo vniuersa mortalium victitat Respublica. Neq; satis est spoliari diuitias, denudari Maiestatem, nisi quoq; marmoreæ adstringatur columnæ petra diuinissima. Quis hic iam fulminantes flagellorum ictus, armata verberum agmina, inordinatos cædentium ordines, oratione recenseat? Non patiuntur se oratorum numeris adstringi, qui omnem cædendo numerum excesserunt. Naufragari in sanguineo hoc oceano, & ad infamem marmoris scopulum allidi orati-

N
Continuationem huius sensus vide folio 98 ulterius onē est

uerforum Iudex, arguitur seductionis, sapientia; blasphemia, Religio. Aspicite Religiosissimæ mentes, Regem vestrum adeò palmari salutatum ignominia. Intuemini faciem sanguine purpuream, contemplemini vultum illum, oculorum nostrorum vnicum delitium, tumore liuescentem. Heu crudele barbarumq; & omni immanitate funestius nefas! sed in hoc nouo Tragædiæ genere, nouum aliquem vobis exhiberi chorum desideratis? non deest profectò. Adsunt piæ Diui discipuli lacrymæ, quibus amarè sua deflet crimina; adsunt querellæ, quibus immanissimā execrandæ Iudæorum turbæ ferociam accusat, & Saluatoris sui dolores, vulnere rimas, suis notat lacrymarum guttulis. O dulcem fletus tui beatissime Apostole amaritudinem! ô verè mel suauissimum, & fauos de Petra euocatos! Fleuisti amarè; sed pretioso lacrymarum tuarum fluuio, non solum deformes eluisti maculas, sed etiam vultum Saluatoris tui suauissimum fædo sputorum imbre squallentem, crebris colaphorum fulminibus intumescens abluisti. Nolo hic commemorare reliqua in somnis insolentiæ in summam Maiestatem ludibria; nolo enumerare infinita cruciatuum genera, quæ nox suis inuoluit tenebris, quæ conscij parietes, lugubri, texerunt silentio. Adest omni nocte tristior dies; adest ille dies, quo Illustrissimus cœli terræq; Sol, vt vilissimus tenebrio, in apertam lucem rapitur; quò, repetito concilio, extremæ mortis reus, author vitæ conclamatur. Sugillatur Deus vt nequissimus impostor, sistitur Prætori, multorum criminum nomina, vno malefactoris vocabulo in compen-


dium vocantur. Grande profectò maleficium, languen-
 tes solidare, immundis lepram tollere, corporibus Dæ-
 monia, animis scelera, hominibus ærumnas abigere.
 Quid hîc Auditores, iam fore existimatis? Quid Præ-
 torem egisse putatis? fortè innocentissimum & nullius
 vnquam criminis participem absoluisse non vanè cen-
 setis? fortè vitæ authorem, vitâ donasse, non minùs piè
 quàm iustè creditis? cognoscite iam quâso rem tragi-
 cam, & non solùm inspectantibus, verùm etiam audi-
 entibus luctuosissimam. Videri voluit misericors, qui
 reuerà fuit crudelis; videri voluit iustus, qui reuerà fu-
 it iniquissimus; videri voluit innocens, qui ipsam con-
 demnauit innocentiam. Virgis igitur, non iam ciuem
 Romanum; [quod scelus erat] sed ipsius Dei nobilissi-
 mam prolem cædi iubet. Preh quanta in furente Iu-
 dice timenda immanitas, si in misere tante specta-
 tur crudelitas! Armantur non minùs scelere, quàm cru-
 deli scorpionum, virgarum, nernorumq; apparatu dex-
 teræ; spoliatur virginei eius humeri tegumentis, qui
 omnia immenso sui luminis splendore tegit vestitq;. Nu-
 datur ille, qui informis terræ nuditatem, suauis florum
 palliauit amænitate. Tunditur, flagellatur, cœlorum
 Princeps, terrarum Dominator; cuius vnus dexteram,
 Cæsarum sceptrum, Regum Diademata, Imperatorum tro-
 phæa expauescunt. Succumbit plagis, vniuersorum Do-
 minus, ne nos vilissimi succumberemus vermiculi. Fa-
 tigatur in cruento opere, mutuo succedentis cohortis
 lacertosa ferocia; scelera accumulatur sceleribus, toto
 corpore vnum vulnus innumeris tegitur vulneribus.

Delserunt

*Continuationem huius sensus vide folio 104.
 ulterius*

ipse Iudæis crudelior, Romanis iniquior, scenam hanc doloris & furoris instruxi, ego clauos suggeffi malleum dextræ inserui: ego cædentes animauī, ego spinas & tribulos maledicta terra genui, genitos collegi, collectos in coronam texui, textos capiti impressi. Ego vincula suppeditauī, cū marmoreæ alligaretur columnæ: ego duro stringebam nexu: ego flagella subministraui, dextram ad flagellandum impulī, ictus ictibus addidi, & cum ferientis dextra lassesceret, lassæ vires nouas addidi, ego per tribunalia circumduxi, conuitia commentus sum, acusaui, condemnaui: ego Iudæ faces parauī, paratas accendi, accensas prætuli: ego in horto sanguineum sudorem elicui, qui in paradyso cum Adamo potum vetitum decerpsi; ego dolorum causa, malorum omnium seges, materies & argumentum tragædiæ vniuersæ. Sed qui tibi causa extiti patiendi moriendique, ô salutis nostræ Reparator Optime: Tu mihi quoq; sis efficax vitæ immortalis remediū, vt qui Te malefactoris mortis tradidi, Tu me Tuis beneficijs, vitæ addas sempiternæ.

P A N E G Y R I S De Passione CHRISTI.


 Ost testamentum charitatis, post relictas hæredibus in diuinissimo epulo diuitias, tandem ingrata Vrbe excessit, salutis nostræ Via Christus, & hortum ad plantandam Vitæ arborem ingreditur; vbi pacem, cælum inter & terram conciliaturus, Montē Oliueti, ceu genuinum pacis theatrum occupat. Sed cito heu

tò heu, ah nimis citò, nefandus proditor Authorem
 pacis infecutus, belli feralia vincula, nostro pacificatori
 iniicit. Festinat in venenata oscula, sceleratus pacis si-
 mulator; & initam ad epulas concordiam, belluino di-
 laniat dente: explicat hostilia in basium labra, & chari-
 tatis tesserâ, iurata denuntiat prælia. Quò ruis effrena-
 ta licentia? quò ferrum, catenas, vincula expedis? Ni-
 mis cæca es, si in innocentia cum facibus peccatum quæ-
 ris? nimis prodiga es, si ideo Deum quæris, vt inuen-
 tum prodas! O infelicem proditorem, qui pacis Prin-
 cipem amoris pignore prodidit! ô iniquissimum mer-
 catorem, qui inexhaustum ararium tam vili vendidit
 pretio? Rapuit densa furoris manus mitissimum Prin-
 cipem, insiliit in mansuetissimum agnum, plusquam fe-
 rina Iudæorum rabies, anteuolat manûs manum, ictus
 ictum, violentia excipit violentiam; vellitur, contundi-
 tur, quâ ferro, quâ pugnis, quâ vinculis, inter incondi-
 tas voces, inter conuictorum plaustra: in mitissimum
 sæuitur Patrem, iactatur nobilissimus terræ hospes, il-
 luditur Maiestas, adstringitur immensitas, gloria procul-
 catur. Tenet eum paricidalis petulantia, qui tenet om-
 nia, stringit manus miraculorum officinas, captiuat in
 peccatis suis, qui peccatum non fecit. O extremam
 ingratitudinem! munificentissimum Patrem, catenarum
 stringere amplexibus, & eum qui se naturæ nostræ mi-
 raculosè illigauit, iniuriolo religare ferro. Ingens profe-
 ctò theatrum! libertatis vindex, reuinctis post tergum
 brachijs! grande oculorum pabulum, Pater filiorum lu-
 dibrium! Deus apud homines miser! Accusatur vni-
 uerso.

onem est necesse, adeò decumanis maiores furunt flagellorum tempestates. O furor cædentium! ô patientis amor! vtri in triumphalem colossus marmorea moles assurgat, dicite spectatores Angeli, dicite Auditores mortales. Plus perferre amor noster potest quàm furor inferre. Vicit ergo amor, vincenti triumphatrix pyramis perenne erigit victoriæ monumentum. Nec defunt victricia triumphatori contra furorem insignia, vel à spinoso diademe, & leui arundine petita. Sic nimirum triumphare eum decet, qui vincit furorem amor, dolorem patientia. Adeste iam effusæ astris Coelitus cateruæ, & inauguratum coelorum Principem promptis adorate studijs. Adeste moesta mortalium agmina & adoratum orbi caput, Regem dolorum vnanimi colite obsequio. Discite verò cellæ in terris mentes, magnæ orbis animæ, augusta capita, Maiestatem vestram ita subiectis proponere populis, vt humanæ sitis memores infirmitatis. Ecce Rex noster Christus & virorum nouissimus! ecce ornatus diademe, & spinis coronatus! ecce sceptro insignis, & populi ludibrium! ecce Deus & Homo! vtinam ô cæca Hierosolyma, mixta hæc Maiestatì opprobria, iunctam gloriæ ignominiam, Regem seruo vnitum nosceres; nè vtiquam eum latronibus accenderes, vrbe ei jceres, & infami affigeres patibulo. Verum egredere iam, egredere vrbe sceleribus oppletâ, plenitudo sanctitatis; eripe te ex hostium consortio; & tuorum subi pectora amicorum. Suppone trabali ponderi fractos doloribus humeros infractæ Atlas; conscende extremum vitæ nostræ, mortis tuæ theatrum. Laberis iterum atq; iterum sub
grauif-

grauiſſima Crucis mole inuicte amor. Sed ſtetiſſes reor
 ſub trabali pondere erectus, niſi te ſuperimpoſita Cru-
 ci peccata noſtra in ruinam depreſſiſſent. Adeò vel DE-
 VM ipſum moles peccati in terram deprimit, quem im-
 menſa cœli terræq; pondera non fatigant. Eluctatur ta-
 men ad celliſſimi montis an altiſſimæ mentis ſaſtigia,
 humilliſſimus aſpectu, moribus deſpectiſſimus IEſVS. Elu-
 ctatur, inquam & beatam vitæ coronidem impoſiturus,
 maledicto affigitur ligno. O duram, inconcinnam, qua-
 drimembrem illam manuum ac pedum periodum, quam
 ferreus ille & obtuſus exarauit clauorum calamus,
 in ſalutis noſtræ conſuſionem. O dextram fulmi-
 ne non calamo ornatam! ô miram diuinæ ſuſpenſionis
 figuram! Quid agis ſceleſta, impia, barbara, infanda
 militum phalanx? itanè agere non ante ceſſas, quàm pa-
 ti deſinat DEVS? itanè eum ad infame patibulum ſuſtu-
 liſti, qui ad regni Cœleſtis ſolia noſ eſt euecturus? itanè
 manus illas perforas, quæ cœli fores reſerant: cruci af-
 figis, quæ nos ſtygi mancipatos in libertatem aſſerunt:
 ſanguine euacuas, quæ maria implent, è cœlo rores &
 nubibus pluuiam educunt? itanè pedes clauis configis,
 qui ſalutis publicæ cauſâ tot regna, tot diuerſiſſimas po-
 pulis & moribus vrbes peragrarunt: qui tot lectiſſimis
 virtutum veſtigijs iter ad aſtra ſignarunt? itanè demum
 & in mortuo crudelitatis tuæ argumenta deſcripſiſti non
 modò ſanguineo, vt furorem tuum imprimeres, ſed &
 aqueo, vt iniquitatem tuam adumbrares, caractere.
 Verum quid ego Iudæorum accuſem furorem, quid
 militum Romanorum damnem iniquitatem. Ego ego
 N2 ipſe

De Continuationem folio ſuo retro

Deserunt tandem vires lictores, non deserit crudelitas, nec desinit antè ferina illa Iudæorum rabies, quàm ipse coelorum Princeps in terris esse desinat. Laborat indefessa crudelitas, quomodo per aliquam honoris speciem, grauiùs virum dolorum fauciet; & certè inuenit, quando per summum dedecus, purpurato in suo cruore Principi, inijcitur paludamentum, arundine dextera, caput sentibus asperatur. Spoliatur suo honore vertex, terebrantur ad oculos vsque tempora, confunditur cæsaries: natant sanguine bina lumina, obducitur cruore facies, in homine toto, totus sepelitur homo. Quid quæso est barbaries, si hæc non est? quid est furor quid rabies, si hanc rabiem si hunc furorem non esse dicitis? Sed finitam fortè hîc lanienam putatis? non equidem ego, qui vltimum adhuc actum, cæteris longè immatissimum vobis Auditores exponam. Nam longiùs progredi, ipsa me terret Iudæorum rabies, ad quorum plusquam barbaram immanitatem, Sol expalluit, terra contremuit, dissilierunt rupes, confusa sunt elementa, vniuersa cohorrui natura, & Authori suo commori cupiens, luctuosissimas instituit exequias. Audite porro, vt inconditæ tumultuantis Urbis voces, infami ligno suffigendâ vrgeant innocentiam, vt vitæ Authori per summam crudelitatem, vitam eripiant. Adeste tam acerbæ amoris nostri tragediæ; adeste quâ lacrymarû, quâ amoris officio, & suprema morienti Deo, obsequia impendite. Iam enim IESVS latroni posthabitus, ferali trabe pressus, è nefanda Vrbe, Caluariæ cliuû petit, atque ad supremam scandit lanienam, Sequimini non degeneres ab

Optimi

Optimi Parentis vestigijs filij, sequimini si vita salutisque vobis curæ & cordi est; sequimini non rediturum amplius mortalem ad filios Patrem, & crucem peccatis generis nostri oneratam, auxiliaribus subleuate humeris. Sequimini & in extensa Humanitatis membrana, Diuinæ charitatis elaboratam intueamini imaginem. Actum est; iam cruci affigitur IESVS, vitæ sator, in mortis lignum agitur: in quo & parricidarum dimensurus nequitiam, & amicos strictis brachiorum clausurus amplexibus, diuinissimas extendit manus. Contraherem hic orationis meæ spatia, nisi me amara sitibundo fonti propinata pocula detinerent. Potatur igitur felle; qui torrente voluptatis, suos potat electos: potatur aceto, qui deliciarum omnium mare est inexhaustum. O humanæ voluptatis illecebras! ô gaudiorum nostrorum mella amarissimo felle condita! Sic sic te nobilissimum terræ hospitem, voluptates nostræ tractant? sic te orbis nostri conuiuiam mortales excipiunt delitiæ? Hoc est mensæ nostræ nectar, hæc est tua dulcissime IESV, non tam felle quam præuaricatorum animis vitiata potio! Sentis quàm candido feramur erga te affectu, qui in adeo corrupto poculo, corruptam animorum degustasti sinceritatem. Quàm dispar à tuo calice, humanæ amaror nequitiae! quàm dissimilis illi, quem in omni dulcore temperatum, sitientibus propinasti desiderijs! Admittis nihilominus afflicto palato tam triste merum nequitiae: partim vt probrum vitiatæ per Adamum immortalitatis aboleatur, partim vt vniuersæ amaritudines, in tui oris dulcedine, eliquatæ exsugantur. Post admotum di-

uinissimo ori poculum, heu quale poculum, omnis amaritudinis plenum ! dum nullum iam nouis vulneribus in se recipiendis locum superesse aduerteret, ad videndam laceri corporis arcam, ad peragendas hominibus gratias, inclinato capite, spiritus oris nostri expirauit, & diffusis toto orbe tenebris vultum suum intuentium oculis subduxit. Flete iam & expauescite cœli sidera, Author lucis vestræ, amara morte occubuit. Rumpite silentium muta rupium saxorumq; ora, æterni Patris eloquentia conticuit. Surgite mortui & mortuam spectate vitam. Viuite sepulchrorum incolæ, quia IESVM monumento recepistis. Audiunt mortui, & ad spectaculum vitæ morientis apertis prodeunt sepulchris. Audiamus & nos Auditores, & exspirante Patre, in vitam Filij exspiremus,

P A N E G Y R I S
DE SANCTO IGNATIO LOIOLA
Patriarcha Societatis I E S V,

Ignatiij Nomen, compendiosa eius Sanctitatis Panegyris.

✠✠✠✠ Ereniorem orbis vniuersi facem, an potius diuinos frigescenti mundo ignes, è cœlo natos, ✠✠
✠✠ **S** ✠✠ Diuum I G N A T I V M hodierna luce appellem, ✠✠
✠✠ ✠✠ ambiguum mihi obscurumq; est, vel ad tantæ lucis splendorem. Quod nimirum astro-
✠✠✠✠ rum Principem cœlestesque ignes contuentibus usu venire solet, vt vacillantes oculi ad scintillantia obscurentur sidera; Id mihi flagrantem diuinioribus radijs

dijs solem, summum nostræ Religiosæ Reipublicæ Patriarcham insipienti sentio euenire : dum beatissimam virtutum illius lucem, altissimamque perfectionis diem, non tantum stabili obtutu excipere non possum, verum etiam in ipsa meridiana luce noctem patior. Tantus est Illustrissimi huius Solis fulgor, vt omnem ingenij perstringat aciem : tanta luminis Maiestas, vt omnem verborum excellat apparatus : tanta ardoris per orbem vtrumq; diffusi vehementia, vt flexanimæ etiam mentium facundiæ vim suo colliquet æstu. Ipsum augustum Sanctissimi Patriarchæ nomen totum igneum & coelesti diuini amoris igne natum ; è splendoribus Sanctorum, Deo renatum Diuum Ignatium testatur : dum scilicet illustria Sanctorum gesta, mente voluendo, è vita Sanctorum ceu quodam sanctitatis partu ad meliorem prodijt lucem. Sua igitur luce quàm diuiniore natalium ignes impertiuntur, cum satis conspicuū sit, vt scilicet conspiciatur, eloquentiæ luminibus haud indiget. Aliunde quæ sita non ambit elogia, qui integerrimas virtutum panegyres, vnico comprehendit nomine. Ipsemet sibi parem potest concinnare laudem, cui omne encomium è conscientia suæ magnitudinis nascitur. Et sanè perorant dignissimè pro Diuo, sua nomina, hoc celsiore quidem dictione, quò compendiosiore. Terminus quidem, isque vnicus panegyricum Ignatij nomen est, sed terminus sine termino. Nescit is verò vocalem è verborum nitore ornatum. Factis non dictis, rebus non verbis, solidam illustrium gestorum elaborat panegyrim. Primam exordij structuram, quàm laboriosis iecit fun-

damentis, quàm difficili condidit opera! non quidem
 in scholastico oratorique, sed militari ac Martio extre-
 mæ illius ad arcem Pampelonensem pugnx puluere.
 Non è tritis vulgatisque Rhetorum fontibus, sed è glo-
 riosis sui corporis vulneribus, velut auspicatissimis me-
 lioris iam eruditionis riuulis, & cœlestis sapientiæ docu-
 mentis, vitæ Sanctioris eruit exordia. Neque ille tum
 longo verborum circuitu, & inani vocum profusione,
 languidam frigidamque vsurpauit exordiendi speciem;
 sed inter martiales fulminum tormentorumque ignes
 accensus, flammeam prorsus & igneam exorsus est, suæ
 Sanctitatis panegyrim. Iaculabatur tum ille missilium
 globorum concitatas grandines, ad mentis interiora;
 non illas quidem, quæ aures tantum inani circumsonant
 strepitu, sed quæ refractariæ quaterent voluntatis repagu-
 la, arcemque animi, Deo cogerent ad deditiorem. Igna-
 ti, Ignati, [ita in se cogitatione detonabat] quousque; tan-
 dem inter ardentes Martis ignes, cœlesti algebis flammâ?
 quousque inter victrices laureas & prostratos hostes, vi-
 ctus ipse prostratusque, supplex iacebis mundo? Vin-
 dicanda aliquando aurea libertas animi, stringendum
 ferrum non in alios, sed in teipsum. Vincendus ipse vi-
 ctor, ipsæque vincendæ victoriæ; vt dum ipsam viceris
 victoriam, in victore te victum, inque victo te victorem
 superes. His ille sua animabat exordia; quæ num ex
 abrupto inchoarit, tam repentina eius & feruida citra o-
 mnium expectationem in alium transmutatio sat mani-
 festè probat. Qui modò arctissima necessitudine in se-
 culi fœdera & castra iurauerat, iam eadem inopino re-
 textit

texit consilio: qui proiectos à Marte titulos vitæ mor-
 tisque stipendio merebatur, iam ipsa censet vilitate vi-
 liores; qui momentaneis mortalis gloriæ trophæis, sua
 insculpebat nomina, iam mendicabuli lacernâ sui me-
 moriam contegit. An non inopina hæc & ex abrupto
 Ignatij exordia? vel si cuipiam forsan, qui perspicaciùs
 Rhetorum sit rimatus arcana, à suiipsius extenuatione
 petita accersitaque videntur, non difficile in id meam
 pertrahet sententiam. Qui enim à Sanctioris vitæ exor-
 dijs, continuò sese omnibus non modò opibus aut ho-
 noribus sed ipso animo exuit, an non à sui extenuatio-
 ne, pulcherrimam nominis sui exorsus est panegyrim?
 qui etiam tenuissimas rerum suarum facultates, licentiæ
 præcidit suæ; qui suspensis ad montis serrati Virginem,
 victribus armis, militaria Ducis insignia, vili commuta-
 uit lacerna, qui deniq; impauido pectore, pedis toleran-
 tiam medicorum ferro subiecit; an non à sui extenuatio-
 ne inchoauit? Sed quorsum tam diuturnas in eius exordijs
 nectō moras? qui muralis machinæ bellico fulmine, ex
 arce Pampelonensi, præcipiti casu in lectum deturbatus;
 iam pridem ibi quasi pro rostris, coram vniuerso totius
 orbis Auditorio, suam melioris vitæ exorsus est propo-
 sitionem. quam implicitamne inuoluerit, an apertam
 præfixerit, libens ingeniosæ Oratorum disceptationi ce-
 do. Hoc in confesso palàm est, in illustrissimo illo, &
 quibusuis ignibus sereniorē nomine, nil nisi clarissimos
 laudum titulos, qui Sanctitatem Patriarchæ immortalī
 posteritati proponunt celebrandam, elucescere. Quid
 enim aliud cœleste hoc ac cuiusdam inter homines Nu-

minis nomen Ignatius, indigitat? quàm perpetuum quoddam amoris diuini incendium, è superioribus illis ac coelestibus progenitum flammis, iisdem educatum ac in omnem enutritum ætatem, iisdem deniq; in coelestes clarescere æternitates. Et sanè qui è martiali illo ac bellico tormentorum igne in Sanctiorem regeneratus est vitam, nonne ex igne natus, nonne Ignatius est? Præliaris illa armorum flamma, Ducem suum corripiens, quod aliud excitaret incendium, quàm quod homines in flammis felici traiectione conuerteret; non eas quidem quæ noctem ac tenebras non satis vincerent, sed quæ beatissimam lucem diemque immortalem, mortali generi aperirent. Tanti proinde fuit, Ignatium inter martiales versari flammis, & plenis tormentis in eū explodi ignes, tanti inquam fuit, ictu muralis saxi illum tangi, vt lapis ille è moenibus præceps velut silex optimus ex animo Ignatij tantum ignem eliceret, quantus orbi ytriq; inflammando abundè sufficeret. Fortunatus saxi illius ictus, qui dum in perniciem Ignatij collimaret, in summam illius delapsus est felicitatem; dum vitam mortalem ei ablaturus videretur, immortalem attulit: vt cælo potius excidisse, aut Numinis ipsius dexterâ in Ignatium crediderim euibratum, qui tam felici perniciq; volatu in cor Ignatij velut præfixum diuino nutui scopum pertigit. Et sanè decebat eum, saxi illius tunctione ceu diuini consilij artifice malleo, in meliorem expoliri atque adaptari formam; qui in principem & fundamentalem speciosissimi ædificij, Societatis IESV, lapidem, destinabatur. Excultus porro & inflamatus

Ignat.

Ignatij animus, dum frequentioribus conceptam flammam suspirijs, velut flabellis quibusdam, magis magisque sufflat; affulget è cælestium ignium natali solo, Diuina Parens, illum qui ignem missurus in terram descenderat, secum deferens. Felicem tunc Ignatij sortem, qui cælicæ flammæ quæ nunquam extinguitur, accessione, suos adauxit sacrauitque ignes; vt mirum non sit, eum to to terrarum orbe, tantum amoris diuini ignem diffundisse, ad quem immensus descenderat ignis. Hoc exstistente Diuinitatis incendio, absumptæ illico sunt minùs sinceri amoris flammulæ, ardentes irarum motus sublatti, extincti pullulantes passionum igniculi, absorptæ denique fumantes etiamnum peccatorum reliquæ. Sileat iam fabulatrix vetustas infames rapti sacrilegio ignis Prometheos, qui è Sacrosanctis illis Diuorum ædibus flammam sublatam animando mortalium intulerunt corpori; liberaliore diuinissimi ignis munere, stellatum illud cœlitum domicilium sese Ignatio exhibuit: vt repositius quàm nomine totus ignitus esset Ignatius. Quo proinde factum est, vt subuehentibus ardentis amoris affectibus, stellatos illos radiantium ignium choros, ipsaq; altissimi siderum Regis solia superuolans, in ipsius Diuinitatis inaccessam penetraret Regiam, qui necdum leuiter literis tinctus, inter elementaria etiamnum caligabat documenta; antè sublimatus Theologus, quàm consumatus Grammaticus. Hinc quoque euenit, vt prostrato ac semiuiuo corpore, flagrantissimus euolaret animus: atque immensum illud beatitatis pelagus largissimo sorberet pectore, quò deinde nusquam ad fucatas conuerteret

teret palatum delicias. Desudent iam anxia sapientum capita, incircumscriptæ illi naturæ indagandæ; Ignatius sanè diuturnos temporum labores, in vnius intuitus collegit compendium: & succinctam diuinarum speculationum summam perrara comparauit felicitate. Neque verò huius luminosissimæ flammæ splendor aut nocturnis occulebatur tenebris; aut flagrantissimus eius ardor exinguebatur vndis: quin potius ipsa noctis adulta caligo, eius exacuebat splendorem, & gelidissimæ vndæ calorem intendebant. Dum nimirū sub alto noctis silentio, inter sepelientes diem tenebras, humi cubans Venetijs delitesceret; in tantum ignis noster splendorem flammamque erupit, vt & sui latebras in lucem extraheret, & frigidum Veneti Principis animum in beneuolentissimam erga se accenderit charitatem. Luce nimirum clariores eæ tenebræ sunt, quibus virtus suam occultit famam. At latere ignem hunc in scholastico literarum puluere, infensæ illæ flammis noctuæ censebant. Erupit irritatus & in maiorem exurrexit lucem, dum irrequieti scholarium turbines, innocuum placidumque contumelijs exagitarent. Animantur scilicet vento flammæ, & hōc firmius roborantur latiùsque serpunt, quō validiùs oppugnantur. Verum enimverò non semper impune igne luditur, inuadit is sæpè temerarias manus, nec minùs vindictâ in hostes quam ardore inflammari solet. Utinam id non didicisset Magistro huius ignis lumine, serò in suam illuminatus perniciem; qui cū conuitiantis gladio linguæ, ignem contra dogma Pythagoræ præsumeret fodere; vlticibus flammis consumptus, dignas

dignas couitiorū luit pœnas. Meritò scilicet voti sui compos factus; vt cū vindici sese victimā deuoueret Vulcano, ni Ignatius ab eo foret plectendus; confligaret expedito incendio, cuius desiderio iam antè flagrasset. Perijt igitur fatali domūs rogo, quē ipse in suæ temeritatis vindictam accenderat. Extinxit vitâ ignes, quos conuicio linguæ excitauerat. Sed spectate iam colluctantes cū vndis flammæ, videte flammescentem in aquis Ignatium, & prodigiosâ iuuenis illius in cæno naufragantis charitate flagrantem: vt castissimis quibus vrebatur salutis alienæ amoribus, impuros illos è vesano pectore elideret æstus, & sacris quas castimoniâ suâ tingeat & lustrabat vndis, contractam Venereæ mentis labem elueret. Iubeat iam superstitiosa Deorum cultrix vetustas, sua in arenâ descendere Numina: Vehatur grassatrix per regna flamma, & cæterorum domitrix elementorum, inter publicos celebretur prouinciarum plausus; alij contrâ, cauam Nili statuâ, rimarum plenam, hac atq; illac diffluentem, vastatori vrbium igni præferant: at personatorum Numinum, ludicra ea fuerunt certaminum spectacula. Certiore fide, altioreq; gloria, flammescens Dei mortaliumq; studio Ignatius, nō modo flammæ è flammis oriri, sed ex ipsis etiam aquis ignes accendi demonstrat. Quemadmodum formosissimi stellarum ignes, è primigenijs aquis emerferunt, orbi collustrando; ita æternitatis felicissimæ sanctissimum lumen Ignatius, suos ignes vndis inflammavit. Sed illarum obscurus ad solem fulgor ac tanquam lucifugus, tenebris indiget vt luceat, Ignatiani autem ignis splendor, in ipsa Diuini solis luce aspectabilis, meridianam illam illustrat æternitatem. Quàm alta nox mortalium animis incumberet, nisi ignis

huius beneficio, diuina terris dies illuxisset! Tibi ea gloria
 reseruabatur fax diuinissima Ignati, vt efficaci tuo incen-
 dio, orbis terrarum vterque, posito vitiorum senio, ad pri-
 mitiue virtutis elegantiam iuuenesceret. Pullato sacrarum
 ædium vultui pristinos redonasti nitores; frigescenti pie-
 tati ac inter Septemtrionalis Hæresis algentissima tempo-
 ra pene extinctæ, cælestes inspirasti æstus, & tenellæ æta-
 tis igniculos, apertis vbiq; pietatis & literarum Athenæis,
 ad publicam regnis lucem impertiendam è cineribus insci-
 tiæ quæ terram propè omnem operuerat, excitasti. Apage
 funestâ illam gentis togatæ facem, quæ caput orbis incen-
 derat, vt funestis cineribus senilem orbis Dominæ deterge-
 ret vultum. Iaceat perpetuo dedecore tumulatus & glo-
 riæ obliuione sepultus, qui incendio Principis Urbis, per-
 ennes infamiæ sibi inussit notas. Ignatius Orbis, rei que
 Orthodoxæ restaurator, prodiga sui luce, non modò terras
 quas atra errorum caligo obduxerat, serenauit, verum etiâ
 frigidæ mortalitatis animos ad cælestiû desideria inflam-
 mauit. Diuinus olim ignis, artifice amoris ingenio, in
 flammescens figuratus linguas, flexanimû ad obdurata
 mortaliû pectora, egit Oratorem & Legatû. Ignatius non
 degeneri diuinissimi ignis partu, in lucem publicam orbi
 datus, totus lingua fuit; & Pœtarum vota supergressus,
 amplius centenis, pendentem ab ipsius ore orbem in Dei
 flexit obsequia. Felicior sanè Orator, illo Gallico elo-
 quentiæ Principe; quòd non aurearum nexu catenarum,
 sed diuiniore facundiæ auro, quod cælestis excoxit ignis,
 & à terrenarum scoria rerum expurgauit, mortalium pe-
 ctora Deo deuinxerit. Miscuit & permiscuit Græciam,
 tonante fulminanteq; inter ardentes affectuum ignes ora-

tione, Pericles. At Ignatius distractum laceratumq; hæresum
 bellis Orbem, suavi æquè ac vehementi dictione, cui robur om-
 ne à moderante animorum nutus Numine inest, composuit, &
 Boreales Vaticanæ potestatis hostes, nec non subditum Orienti
 Occidentiq; populum, sempiterno subiecit Soli. Vidit tum &
 obstupuit orbis inuictos vbique, vbiq; victores lectissimorum
 Sanctissimi Patriarchæ decem virorum labores, Magnis ter-
 rarum Apostolis suppare; quos igneo suo animauerat & genu-
 erat zelo Ignatius. Quæ cum ita sint, quis gloriosissimū Igna-
 tij nomen, absolutam illius Sanctitatis panegyrim neget? quod
 omnem laudum suppellectilem est complexum. Neq; ab elo-
 quentissimo hoc encomiasta multiplices figurarū ornatus quis
 desideret? qui omnibus omnia factus, sexcentas pro mortalium
 æternæ salute induit figuras. Inflammandi erant argentes
 hominum animi? in ignem accensus est. Pungendi? in linguā
 formatus est. Illustrandi? in lucem fusus est. Compescendi? in
 flammea se formauit fulmina. Deliniendi? in gratissimæ lucis
 solatia se mutauit. An translationum ornamenta quis exspectat?
 tam facile ac expeditum hoc ei erat studium, vt nihil è specta-
 bili orbis huius suppellectile, oculis vsurparet, ex quo sublimis-
 simam non faceret ad sidera vsq; translationem. Hinc illas ar-
 dentes affectuum exclamationes vibrabat: O Deus si te homi-
 nes nossent! Quàm sordet mihi terra, dum cælum aspicio! Quid
 verò frequentissimos communicationum vsus referā? testis est
 ipse amplissimus eius animus, cui nihil charius accidere poterat,
 quàm vt prodigo obsequio, omnibus se communicaret. Nihil
 hinc de eius sustentatione dicam, qui suspensam humeris suis, va-
 cillantem orbis machinam, Athlante fortior sustentauit. Nihil
 hinc de eius subiectione; qui etsi curarum illecebris & negotio-
 rum anfractu expeditus, totus hærens origini suæ, inter ambi-
 tiosos illos siderū versaretur choros; iacebat nihilominus celi-
 ssimus ille animus, infima quorumq; minor conditione. Per-
 orauit itaq; facundissimum atq; Tertullianum Ignatij nomen;
 à quo eloquentissimam eius sanctitatis contextam panegyrim,
 etsi mea non satis adumbraverim dictione, illud tamen oratio-
 nis tenuitatem fac ille tuebitur, quod perorante disertissimo No-
 mine, meritò meam oportuerit dicendi succumbere facultatem.

DE SOCIETATE IESV

*Sancto IGNATIO Loiola, fundata, & Paulo Tercio
Summo Pontifice confirmata,
Pœmation.*

Vnde nouus cunctis Romana clangor ab Urbe
Montibus insonuit? cuius solennia tanto
Romulidum celebrauit Atlascum nomine festa?
Ecce procul plausus circumsonuere Molucca,
Brasilicę plage lauro sua tempora cingunt,
Lata per Indiacas volitant modulamina terras.
Nosco vices, harum rerum mihi cognita causa est.
Te Sacra Religio, magnum cui nomen IESV,
Numen & optatos donat cum laude triumphos,
Te celebrat festus populi super athera plausus,
Exere, lata genas pullatos exue vultus,
Testenturq; pios resonantia gaudia plausus:
Te confirmatam dum Tertius ordine Paulus,
Romulidum Pastor famulum dispensat in orbem,
Ingeminant latos calumq; solumq; triumphos,
Magne Parens rerum vastas qui flectis habenas
Orbis, & aeterno collibras omnia natu,
Da precor optatas dicenda in carmina vires.
Nam non auratam pellem de Phasidis ora
Poscimus audaci Minyarum pellere puppi,
Non Laertiaden, Pelida aut gesta furentis
At confirmatum IESV de nomine cætum
Pijeris mens prona flagrat celebrare Camæni,
Est Arx sublimi terris submota recessu,
Tenarijs inimica dolis, ubi struxit in ipso
Vertice Regalem Diuina Præcia sedem
Fatidicos animata sinus, terraq; Polosq;
Iura ferens, legesq; ciens, discrimina ab orbe
Prospicit, & longè venientia fata resoluit;
Huc Diuiprocera reserato cardine cæli,
Augustosq; sibi notos subiungere Penates.

Vna erat Michâel niueo succinctus amictu,
 Illi fidereâ sublimis fronte tiaras
 Purpureâ vittâ, species illustrior astrâ;
 Gestans de cæso spoliis infigne Draconis.
 Pone Stanislaus Lechici laus maxima Sceptri;
 Crudeli cecidit qui ferro victima ad Aras.
 Miratur Proceres Diuina Proncia visos,
 Inuitat solij strato, veniamq; loquendi
 Tranquillus iubet esse notus, inferre tapetas
 Mandat, & auratâ laquearia figere tellus.
 At Michâel Superum Princeps ter poplite flexo
 Tempora & humanam miseratus pectore sortem,
 Innixum solio Diuum sic Numen adorat.
 O Regina potens, qua res terraq; Poli;
 Eternis Regis imperijs; scû tertius alto
 Quod fultus solio Paulus, moderetur habenas
 Sedû Apostolica, tetrumq; vomentia monstra,
 Et coniurata furias pede proterat hydra,
 Hydra tamen stygis artus circumdata succis
 Feruet, & ex Erebo veniens grassatur in orbe
 Horrida, Viua fides vacuas exhalat in auras:
 Et stygis cessere lupi, cessere dolosi
 Insidijs gentes, miscenturq; omnia luctu:
 Ergo Diua Parens, quod si pietate moueri
 Te iuuat, & faciles adhibere precantibus auras,
 Hoc infringe scelus sædamq; auertito pestem
 Hæresis, unanimi regnet concordia mundo.
 Hac Michâel. At Sarmatica de gente sereno
 Ore Stanislaus, patrj quo concidit ensis
 Immemor, illa tamen manet alta mente reposta
 Patria Lechiadum: supplex hûs vocibus vsus
 Ut per Hyperboreos sacratum dogma Penates
 Floreat alma Parens, nec desit cura salutis,
 Hoc serua imperium, Lechicamq; hanc assice gentem.
 Has Diuina Parens ut vocis auribus hausit,
 Vultu quo cælos & tristia corda serenat,
 Annuit, & Dominis Proceres amplectitur vlnis,
 Talia vose mouens. Eadem me cura remordet

O Divi Præceps: sed nunc prænobile fidus
 Me recreat Phœbi radijs à vultibus obflans,
 Ex sociata cohors magno de nomine IESV
 Dese offert nobis, cui Dux Loiola supremus,
 Concitus athereâ tacito sub pectore flammâ
 Enthous iura dabit, qua tertius ordine Paulus
 Sedis apex Latæ commisso sanciat ore,
 Et confirmabit Loiolica Castra Ducemq;
 Obuiat interea, dum Diva Pronœia cessat,
 Ipse Stanislaus vultus demissus honores;
 Pande Gubernatrix diuina, Ignatius ille
 Num de Sarmaticâ spectabit gente nepotes?
 Illi subridens Divina Pronœia satur
 Dulce iubar Lechia, fiet Stanislæ quod optas,
 Sed si tantus amor rerum cognoscere causas,
 Et confirmata sacro de nomine IESV,
 Cernere mens altos, vult Religionis honores,
 Huc ades, & mecum fortunam nosce tuorum
 Lechia Loiola quos exertura nepotes.
 Namq; ter Augusto Patrum de nomine IESV,
 Subdita confirmabit ubi discrimina Paulus
 Tertius, innumeros Lechico de sanguine natos
 Frænabit Loiola Pater, quos nosce coruscâ
 Pectora depictos formis. Stanislaus avaro
 Lumine metitur vultus, depictaq; docto
 Pollice vestigat monimenta futura virorum,
 Lumina dispensat formis, tandemq; notavit
 Gemmam Sarmaticæ Koskæ, mox pendet amato
 Vultu, sic sacra fauet indulgentia forma,
 Post etiam viuam subtraxit in Leone gemmam
 Amplexuq; ligat dextrisq; maritat avaris,
 Voce mouens. Iuuenis fortunatissime Koska
 Nominis in IESV mihi religione tueri
 Te datur, hos oculos sacramq; gerentia pacem
 Ora, animi depicta notis moresq; serena
 Fronte graues s; flore Lechica pars maxima laudis!
 Hinc picturato cælatus Skarga metallo
 Aureus ore flagrat, vigili cui malleus idu

Adstat & Hæreticos non segnis sauciat assus:
 Wuicciusq; micat grandi venerabilis auro,
 Facundam succinctus mentem, cui amulus adstat
 Smigletius doctis certans in imagine librū.
 Grossa Valentinus, Laszczemski proximus illi,
 Bockzaq; cygneū totus spectabilis annis.
 Pone erat Olzemiſki præclarus acumine mentis,
 Lancitiusq; Pater mira virtutis imago.
 Fundebant omnes sacratum pectore zelum.
 Exin magnanimū series ventura nepotum
 Pene locuturas depicto corpore Ceras
 Exerit & longum rapit in sua pectora visum,
 Tantis honor operi! sed post mirabile visu?
 Monſtrat Praſuleis Michæel obtutibus ora,
 Ora cruentatis largè ſtillantia nimbus.
 Picla Stanislaus Patrum de nomine I E S V
 Pectora mille ſupet, genti maſtanda profana,
 Martyrij depicta iubar, victriceq; lauro
 Prodigæ gratatur redimitos tempora crinæ.
 Pingitur hos inter docto celatus in auro
 Martinus Laterna Pater, quem tetra Succorum
 Hæreſis appenſas tabulis iubet ire ſub undas;
 Huic Meczynski adſtat tranſmiſſus pectora telis
 Pectora Martyrij ornatus victrice corona.
 Poſtquam pulſa ſitis viſu, pictaſq; nepotum
 Loiola ſtupere genas, tantiſq; futuris
 Accenſus Michæel auſis, ſic exerit ore.
 O Regina potens Diuina Proncia, noſſi
 Tenarijs mundus quàm ſit conformis habenū.
 Effice, namq; vales, vt confirmata Senatus
 Sedis Apoſtolica, Sacro de nomine I E S V
 Relligio, & confirmato discrimine legum,
 Ocius ignotos calos & findere rectum
 Monſtret iter genti, mendax cui nomen in antris
 Mugit, & hæreticam Domino pede proterat hydra.
 Sic ego, ſic orat totis Eccleſia votis.
 Hæc Michæel, Praſul Stanislausq; petebant.
 Obſiat hiſ Procerum ſacrata Proncia dictis,

Quod

Quod petita dabitur Diis; iam cedat Erinus,
 Conspirent animi, cum cælo sentiat orbis.
 Hac ait, augustoque trahens de crine manipulum
 Solis inexhausta redimitqui tempora luce,
 Fulgurat ex astris, it missile lumen in Urbem,
 Implebant ubi purpurei conclaui Patres,
 Qui confirmandos Sacro discrimine librent
 Nomine de IESU socios. Huc aduolat altum
 Flamma micans, & consultantibus intima sensim
 Corda subit, iussos versans sub pectore motus.
 Nec mora, concordēs (sic confirmatio Patrum
 IESU) conclamant: hinc Tertius ordine Paulus
 Sedis honor latia, folio sic fatur ab alto:
 Approbo, confirmo, Loiolica Castra Ducemque,
 Castra per exhaustos aternatura Triones,
 Clauiger has postquam Petrus bibit ore loquelas,
 Festiuium praeibat epas motisque triumphat
 Clauibus, & plausus vicina per agmina fundit.
 Proruit interea Pietas redimitaque lauro
 Tempora, voce canit; iam cedite, cedite notis
 Degeneres anima, procul haresis agmine toruo
 In putrem Phlegetonia ruat, cunctosque Triones
 Irradia Romana fides, victrixque triumphos
 Exere; iam confirmati de nomine IESU
 Patres ire tuos cogent super aethera fasces.
 Audijt hac Phlegeton totisque expalluit unda,
 Iam trepidant Erebo furia, trux haresis altum
 Ingemit & Stygijs collum succincta catenis,
 Triste supercilium tollit, viridesque totondit
 Fronte gemente comas, crinitaque fontibus hydri
 Inopietas, IESU confirmata agmina Patrum
 Incusat, quatiens infesto lumine pinnas.
 Insultat victis Pietas, & iudice plectro
 Explorat Citharas, cogitque frequentius idem
 Respondere chelym resonantis murmure chordae
 Saltat & è mundo faciem niger exiit aer.



P A N E G Y R I S P A R E N T A L I S

Inter Illustrissimi & Reuerendissimi Do-
mini Domini Georgij Białozor, Smolenscensis primū,
dein Vilnensis Antistitis, nec non Almæ Vniuersitatis
Vilnensis Cancellarij, supremos honores; Illu-
strissimæ Familiæ Białozorianæ paren-
tanti, oblata. Vilnæ, 1671.

10. Martij.

Pertinere ad publicæ gratitudinis nostræ de-
bitum, debitæque obseruantia, erga Illustris-
simum Antistitem & Cancellarium, Offici-
um videbatur; vt cuius profusâ animi be-
nevolentia atque illustribus beneficijs Vil-
nensis literarum Vniuersitas, supra temporū
bellorumq; affuxit calamitates, pristinaq; beatæ pacis
otia auspiciatò adiit, eiusdem sacra Nomina meritaq; in-
ter Diuū sedes (vt piè credimus) iam relata, parentalibus
gratijs, ad perpetui honoris monumentum, coleremus
ac veneraremur. Etsi enim beata Optimi Præfulis fortu-
na, tenuem remunerandi vicem ab impare calamo non
desideret, neque nostra suggerat restituendi facultatem:
nè tamen debitam pietatem ac obseruantiam nostram
exosa ingrati silentij labe obstringamus: malumus im-
becilli gratitudinis conatu cum beneuolentissimi Anti-
stitis munificentia, & amplissimis beneficiorum copijs,
impares configere, & succumbere victi, quàm vincere
& mori ingrati; ingrataque nobiscum sepelire obliuio.

Q

ne,

ne, redditam Mecœnatis beneficentiâ, bonis literis vitam. Verum enimvero quis Te Illustrissime & Reuerendissime Præful (præsentem enim mihi alloqui videor, qui etsi conspectu abes, reuelli tamen mentibus non potes) quis inquam Te ingentibus factis gloriæque celebritate contra temporum iniurias periculaque securè subnixum, dicendo laboret, è sæculorum obliuione vindicare? quem quantacunque facundiæ Maiestate operumque apparatu orbi produxeris, minore tamen ornabis pompa, quàm videre olim mirarique virtutum comitatu prodeuntem assueueramus. Nemo certè tantum effinxerit dicendo, quantus erat zelo animique magnitudine Præful. Nemo tam potens fandi, cuius copia tam larga tamque felix, quæ cum virtutes attrectauerit, non aut circumuenta numero, desperato exitu stupeat, aut obterat magnitudinem, aut splendore perstrieta, tantum caliginis hauriat, quantum nitoris ex operum luce legere tentârat. Scio omnes rerum in præceps euntium insidias euasurum, quem ex infidelis memoriæ sepulchro, superstes post fata virtus eripit, & insepultum Patriæ ostendit, viua, perennis pietatis zeliue effigies. Ergo yt immensum gloriæ iter ad immortalem posterorum famam vsque exporrectum, nunquam lapsuro vestigio teras: à leuis calami viribus, robur non habes necesse adsciscere; quod contra liuorem & occumbentium temporum fata erectis tot illustribus Tuæ in Superos ac potissimum Patientis Numinis, pietatis monumentis, restauratis literarum domicilijs, renouatoq; liberali ope typographico prælo [vt non possimus non Tuam æternitati

nitati exarare imprimereq; munificentiam] fixisti atque
firmasti. Patieris nihilominus, neque fastidies, æternis
licet accumulatus honoribus, factorū Tuorum gloriam,
tenuis facundiæ dictione non tam exornari ad splendo-
rem quàm referri ad posterorum memoriam. Etsi enim
Tibi, Tua audire decora non est necesse, nobis tamen
posterisq; commemorare, est vtilissimum. At vnde or-
diar, dicendiq; initium faciam, innumerâ virtutum me-
ritorumq; copiâ obrutus? Video enim vetustissima
illa Diuorum Præsulum, magnorumq; Ecclesiæ He-
roum sæcula, in Tuo refluuisse pectore; & tot anno-
rum spatijs distractas dispersasq; ingentium animarum
virtutes, in Tuo amplissimi animi sinu collectas. qua-
si opulenti remuneratores calamitatum Superi, luctuo-
sam illam bellorum tempestatem, sacrarum ædium euer-
sionem, depopulationem consecratorum Deo Larium,
& vniuersi Ducatus collapsam prostratamq; sortem,
in Tuo contra hæreses inuicta contraq; scelera arma-
to zelo, iterum erigere & ad priorem extollere fortu-
nam contenderint: vt quemadmodum truculenta Mo-
seli barbaries, Sacris, Diuorumq; Penatibus, ampli-
simas magni Ducatus terras exuit, ita auspiciatissima
Tua ad sacra gubernacula accessione redirent omnia,
& pristina florentis æui auitæq; pietatis imago in tan-
ti Præsulis recuderetur virtutibus. Et certè vidit since-
ro omnium ordinum solatio Vrbs Lithuana, audiuitq;
pro sacris rostris dicentem, flagrantissimū oratione, studi-
oq; salutis publicæ Ecclesiasten; qui altum Sacræ di-
ctionis silentium, belli necessitate imperatum, suâ soluit.

Cathedrisque exegit facundiâ. Vidit testis Tuarum virtutum Vilna, iteratisque est experta vicibus constans pectoris robur, quod contumaci opposuisti hæresi; vidit, & hodie etiamnum communi voce ad sidera usque extollit Tuam in proiectæ sortis homines, semper apertam refertamque liberalitate dexteram: vidit profusa erga religiosas familias Munificentiae studia: suspexit magnorum sectatorem animum, & complanandis altercantium Partium simultatibus parem cum prudentia auctoritatem; suspexit regnatricem animorum eloquentiam, consilio, mentisque nequaquam in diuersa fluctuantis constantiâ roboratam; cuius imperio tantum in liberar mentes & beatissimum sentire quod velis, publicos inter confessus iusto licentiore quandoque iactatum libertate, valebas: ut & minus sincerè publico bono addictos, sacrisque Maiestatibus refragantes, ad recti sensum ac iuratae venerationis memoriam componeres, & suam nihilominus aureæ libertati non detereres gloriam. Desiderare poterat afflicta Patria ut post interdicta diuturnis feriis, hostilique ferro prohibita Ecclesiastarum munia, tandem Chrisostomum quempiam, qui affectu pariter ac oratione ardentibus, congelata inter extinctam à barbarie pietatem pectora accenderet; Tu facundiâ zeloque Chrisostomus, gradum ad exedras ferro antehac barbaro prohibitum, Tua non modò aperuisti dicendi libertate, sed etiam profanatum sacrilega barbarie, Præsul consecrasti. Neue resflorescentibus iterum Lithuanæ Ecclesiæ primordiis, vetera illa pietatis & magni Nominis Numina sacris tiaris illustria deessent, Tu reuocasti tot

sti tot retro seculis pene oblitteratos obliuione Antistites,
& primores illos orthodoxi splendoris, fideique Roma-
næ Athlantes, Tuo redanimasti exemplo. Reddidisti in
cathedra Chrisostomos, exhibuisti abstinentiâ vitæque
austeritate, Basilios; munificentîâ in pauperes, excitasti
Martinus & Nicolaos; intrepidas & pro Ecclesiæ immu-
nitate morti deuotas victimas, repræsentasti Stanislaos,
contra hæreticos & peruicacem Schismatis indolem op-
posuisti constanti zelo Augustinos & Anastasios. Ad
extremum, virtute, meritis, præclarisq; pro Ecclesia
& Republica gestis, Præsulum omnium Lectissimam
exhibuisti imaginem, cuius lineamenta ad tantorum he-
roum normam artifex duxit Tua virtus; nos extempo-
rali parentalis dictionis encomio, dignissimum immor-
talitatis opus, quasi sub vmbra exhibemus.

ELOGIVM PRIMVM
Illustrissimo & Reuerendissimo Præuli
 è Ducum familia per continuam Heroum seriem
 propagata, oriundo.

Vetusta generis Nobilitate
 Maximis Regni & Ducatus Heroibus par,
ILLVSTRISSIMVS ET REVERENDISSIMVS
DOMINVS D. GEORGIVS BIALOZOR.

Ad Magna natus ex Magnis!
 Hic primus fuit ad altas cogitationes sulciendas census,
 Quo ab Illustri animo viles avertit impetus.
 Nemo ad metam Præsulum Principumq; Lithuaniae

Peruenisse eum miretur,
 Qui tam magnifico itinere initia duxit.
 Ita tamen nobilis hæreditatis sortem suam credidit,
 Vt nullis vnquam actionibus eam diminueret,
 Ita velut extraneam habuit, vt domesticam
 Propria conciliaret virtute.
 Vt vt origo maximis Heroum honoribus,
 affinis ei obtigit,
 Virtutis tamen necessitudine
 eam sibi obstrinxit :
 Vt scilicet faceret familiarem,
 Quæ à tot retro Maiorum seculis,
 Ceu peregrina ad se diuerterat.
 Domiciliū Illustrum virorum, sanguine Ducū fundatū,
 Perenni constantis gloriæ basi contra fatorū vices solidū,
 Non sat pulchrum hospitatori animo credidit,
 Nisi alienam apparatus supellectilem,
 Proprijs quoq; exornasset virtutum imaginibus.
 Stabant à fronte, à latere, famosæ Maiorum effigies,
 Dum longè lateq; reductā Bialozoriorum
 Domum ingrederetur ;
 Sed ementitos antiquitatis fumos,
 Famam credidit,
 Nisi sincero rectè factorum splendore
 Caliginosas illuminaret ceras.
 Numerabat Magnas Domūs suæ animas,
 Principem Familiæ stirpem,
 Vetustissimum Woliniæ Ducem, MONDVIDVM,
 Legebat vetustate oblitterata Nomina,
 Facto-

Factorum gloriâ Illustrissima Nomina,
 CHLEBIOS, WIAZIOS, IRZICIOS,
 Superioribus seculis adoratos Principes.
 Videbat potentissimos Maiores in fundamentis positos,
 Non satis tamen contra leuem fortunæ auram
 Tantorum Numinum vestigio se subnixum credebat,
 Nisi stationem firmaret rectè factis.
 Tantarum mentium virtutes hæreditario iure amplexus,
 Mortuorum decora censebat,
 Nisi redituam totius gloriæ effigiem,
 Proprio animaret meritorum vigore.
 Ut verò auitam ætatem æquè ac virtutes
 Non degener delinearet hæres,
 Non superbis Pyramidum monumentis,
 Aut marmorum coacta fide,
 Sed Diuo in pectore,
 Magna operum molitione,
 Præsul & Princeps
 Ad perpetuam orbis & sæculorum memoriam
 exarauit.
 Quis iam superioris æui ingentes illas mentes desideret?
 Quarum magnitudinem & generosos spiritus,
 Generosiore antecelluit zelo Præsul.
 Ad belli decora, militarem animum extulerit
 Vir Marti dicatus
 CASIMIRVS BIAŁOZOR Palatinus Minscensis:
 Præsul noster, Ecclesiæ fasces moderatus
 Etiam victoriâ à domita hæresum criminūq; acie retulit.
 Communium vtilitatum studijs illustris,

STANISLAUS BIAŁOŻOR Castellanus Mscisławiensis

Vitam impenderit Reipub:

Antistes Vilmensis spiritum æternitati consecrauit,

Dum antè publicâ boni curâ,

Probatâ inter immanes bellorum

temporumque conflictus virtute,

Iter,

Triumphaturo beatas inter palmas animo

Strauisset.

Taceo Magna dignitatum Nomina,

Publicæ æstimationis Heroes,

Palatinos Smolenscenses, Thesaurarios M. D. Lithuaniae,

Referendarios, Vexilliferos, Capitaneos &c.

Quos nentiquam extinctos gloriæ quis crediderit,

Dum superstites in Præsulis immortalis memoria,

Perennibus legit descriptos factis.

ELOGIUM SECVNDVM

Illustrissimo & Reuerendissimo Præsuli

boni publici studio & meritis, Episcopalem Insulam

adepto, atq; contra Schisma Ruthenorum & Hæresim

pro fide Orthodoxa generosè zelanti.

CVM inuictò publicæ vtilitatis studio

Victima esset, Aris focusque communibus deuota;

Meritò Smolenscenses & Vilmenses Insulas

In illum congeri decebat:

Vt, qui Ciuias à quæsita Ciuium salute merebatur,

Obtineret Præsulis tiaras.

Diffi-

Difficillimis à bello temporibus
 Sacros Vilenſium falces Præſul adiit.
 Ut ceu nutanti cælo Atlas humeros ſufficeret.
 Cur honoris Præſulei VITTA M ei non deferret
 Princeps Lithuaniae Cathedra?
 A cuius zeloſo ſpiritu VITAM
 Vilna Lithuaniaque erat acceptura.
 Cum ſacras Aras Præſul adiſſet,
 Neminem in iura amicitiae,
 Niſi uſque ad Aras admittebat.
 Dicta pro Roſtris copioſe,
 Glorioſe factis prætergreſſus eſt.
 Fandi vim omnem anteiens vigore faciendi.
 Cum ad magna dictis impelleret,
 Ad maiora factis trahebat.
 Vbi remedium in peruicacem ſclerum genium
 Erat quærendum,
 Nemo eo cauuit accuratiùs.
 Iuſtum & tenacem propoſiti virum
 Senſere cum Schiſmate, proſcriptæ fidei capita
 Subſcribere oportet tanti Præſulis Laudibus,
 etiam proſtigatos à fide hoſtes,
 Sed non aliâ pennâ
 Quàm exilij poenâ.
 Meritò eâ forent mulctandi,
 Fidei Deoque rebelles.
 Ampliſſimam Magni Ducatus Diœceſim
 Ampliore animi zeliq̃ue magnitudine,
 Complexus,

Malè Cathedræ, ceu, Præfulis Cordi metuebat;
 Si viperam sinceret grassari in sinu,
 Ducatûs Metropoli.

Rarus scilicet viperam securis manibus tractauerit,
 In pectore verò sine vitæ discrimine fouerit nemo.
 Abesse igitur viperinum Ministrorum genus voluit,
 Cane peius & angue.

ELOGIVM TERTIVM
 Illustrissimo & Reuerendissimo Antistiti,
 confederationem militum Lituanorum, consilio & elo-
 quentia dissoluenti, & stipendiario vexillo, necessita-
 tibus Patriæ, succurrenti.

D Vm ciuiliū motuum fluctus
 Patriam iactarent tranquillitatem,
 Scopulum opposuit, consilij animique robur;
 Vt illisi dissilirent.
 Maior Hercule Orator,
 Qui concatenatos armatorum nexus
 Felicius dissoluit,
 Quàm Gallicus ille colligauerat.
 Quantum tunc Lithuania dedit tulitque Tullium!
 Quantum orbi demonstrauit Demosthenem!
 Qui linguâ ferrum retudit,
 Constanti animo aurum respuit,
 Quod inuicta vincere poterat pectora.
 Neque modo consilio, incorruptâ in Patriam fide,

Pietate

Pietate ad aras litantē,
 Sed stipendiarij etiam vexilli manu,
 In coelis pariter ac terris
 Pro publica militabat salute.
 Nè ferrum per Patriæ viscera grassaretur,
 Aurum sparsit,
 Ut militares contraheret copias,
 Ecclesiæ & Reipublicæ succenturiatas :
 Ferro, armorum; & auro, animorum expugnator !
 O nobilem Præfulum gemmam !
 O Illustre Ecclesiæ & Patriæ decus !
 Benè gentilitio Tuo stemmati
 Annulum inferuere Maiores,
 Quando tam nobilis gemma gentilitio annulo
 Aliquando erat inferenda.
 Adamantem rectè dixero,
 Superis terrisque, summis infimisque adamatum :
 Adamantem nullo factorum bellorumq; ictu concussum,
 Qui ipsomet formidinis occursum
 Nutriebat fortitudinem ;
 Cui consilij recteque factorum pabulum,
 ipsa erant pericula.
 Nutum Maiestatum tractabat obsequiis,
 Postulata Procerum moderabatur dexteritate ;
 Studia populi consilio & ratione flectebat,
 Dum arbitrum salutis communis ageret.

ELOGIUM QVARTVM

Illustrissimo & Reuerendissimo Antistiti,
 causam Dei & cælitum, negotijs politicis anteferenti,
 & magnanimo zelo, impediendi, ne in Curia Vilnensi,
 Magistratus, Schismaticum in Consulem
 Urbis eligeret.

Causam Dei inter primas curas habebat,
 Exosus illorum genium,
 Qui ingenio valere nolunt
 Quoties industriam cœlis locare oportet.
 Debere oportet Superis,
 Vt vicissim illi debeant;
 Beneficijs obligare pariter & obligari;
 Terras apud Diuos,
 Et in terris tueri ornareque Diuos.
 Sic ille vitæ rationes disponebat,
 Vt non tantum Patriæ, sed etiam Diuis cœlitibus
 Atque ideo tantò magis Patriæ prodesset.
 Multos ad splendida facinora,
 Angustum non dimittit pectus.
 Alios gloriæ euanescentis cupido
 Incurios reddit immortalis.
 Ille sanctiore consilio moderatus vtrumque
 Capacem semper ad magna ferebat animum,
 Et magna orbi æstimata,
 Inter minima nullaque rerum momenta referebat.
 Et non Primas, Primusque Magni Ducatus Princeps
 Meritò audiat?
 Qui primas semper Fidei,

Prin-

Principatum Schismati tribuebat nunquam.

Ne Schisma publica dignitate

Adolesceret in caput Urbis,

Suffocauit, dum adhuc glisceret in consilio.

Ingressus Magistratus confessum,

Dum Schismati pararentur clandestino consilio,

Consulares urbis fasces;

Faces quas ardens Præfulis zelus accenderat,

Delitescenti admouit consilio,

Vt in lucem protraheret.

Puduit in tanta Præfulis luce, consilij conscios,

Puduit ad ardentis zeli ignes

Ambitæ dignitatis famam

Euanuisse in fumum.

Ita ambitiosa Schismatis vota

Cum fumum emerent honoris,

Fumo suffocata sunt.

Immortali splendore dignissimus Præsul,

Qui proditum vetusti fastus astusque Genium

Ad perennem damnauit obscuritatem.

Erexisti tum Magnanime Antistes,

Illustre Romanæ Fidei trophæum;

Sed quod Tuæ stabit æternum gloriæ monumentum.

Mérito maximo Magni Ducatus honore

Te ornârunt Superi,

Qui Tuæ maximè securus es magnitudinis.

Maiores etiam à Te accepit incrementa dignitatis,

Quàm Tibi dederit ornamenta.

Submisit ille se amplissimo gloriæ Tuæ splendori,

R 3

Vt

Ut Te sublimem immortalemque eucheret,
 Sed euectus
 Ipsam extulisti dignitatem illustrius.
 Ut dubium sit,
 An honor Præsulem magis ornârit
 An Præsul honorem.
 Collige etiamnum sub Præsulei Pallij amplitudinem,
 Quos viuis affectu complectebare.
 Fulge in seram vsque posterorum memoriam,
 Sacro ornatus Paludamento,
 Quod Tua Virtus, Merita, præclaraque facta
 Pulcherrimo opere contexuerunt.

ELOGIUM QUINTVM
 Illustrissimo & Reuerendissimo Præsuli,
 Patri Patriæ, & Magni Ducatus Lithuanie
 Restauratori.

Prodidit immortalibus seculis
 Susceptum in humeros Anchisen
 Æneas,
 Baiulus tanti decoris Filius.
 Æneus Æneâque validior,
 Magno præditus pectore Præsul,
 Non modo Patrem,
 Sed communem omnium Parentem, Patriam,
 Baiula virtute,
 Succolantibus magni animi ausibus,
 Ex communi ardentis bello Reipub: incendio,
 Ad

Ad immortalem extulit lucem,

Æneas ille

Ab æneo forsan pectoris robore

Audiuerit:

Aureum à nobiliore animi zelo

Prædicabit posteritas

Antistitem,

Et fortem labentis Patriæ Athlantem.

Ille Parentisvnius Nomine & censu diues,

Aliud nil ex profundo seculorum ærario extulit:

Hic omnem Lithuani Rutheniq; sanguinis vetustatem,

Suo complexus ortu,

Renouauit oblitteratam,

Adauxit meritis,

Stabiliuit immortalitate.

Ille Patrem extra patriam extulit,

Hic Patriam, nè efferretur ad peregrina sceptrâ,

Seruauit.

Sufficere poterat tanto Muneri,

Bialozoriana in Patriam Pietas;

Quæ in communionem sanguinis & Virtutis

Adsciuit

Plurimorum Principum iuncta Pietati Nomina:

Scilicet, si fidem damus

Incorrupto Annalium & Ecclesiastarum calamo,

WISNIEWIECCIOS, OSTROSCIOS, SANGVUSZCIOS, ZBARAS-

CIOS, PACIOS, SAPIEHAS, WOŁŁOWICIOS, HLEBOWICIOS,

ZAWISZAS, TYSZKIEWICIOS, IVDICCIOS, &c.

Quos Bialozorianæ Domui

Sanguinis & gloriæ necessitudo coniunxit.

ELOGIVM SEXTVM

Illustrissimo & Reuerendissimo Præsuli,
 glorioso Maiorum Suorum comitatu vitam mortalem
 ingredienti, & gloriosiore virtutum & meritorum coro-
 nâ, immortalem auspicanti.

QVanto animorum & annorum consensu
 Stipatus Præsul

Æternitatis gloriæque iter ingreditur!

Quanta Antecessorum facinora,

Pompam fecerunt ingredienti!

Adeant, abeantque è terris alij,

Nullo stipati gloriæ comite;

Hunc collata pluribus seculis ornamenta,

Texerunt nascentem,

Abeuntem ostentant æternitati splendide,

Adaucto propriæ virtutis comitatu.

Non est profectò otiosum,

Sanguinis Nobilitas,

Ad expectationem gloriæ, argumentum

Magno gradu terras ingrediuntur,

Maiore gloriæ passu terras deserunt,

Qui nascuntur splendide.

Spem sibi laborare celsitudinis,

Recentium est necessitas:

In paratam honorum fidem venire,

Vetustæ fors est propaginis.

An verò pulchrius sit,

Per summos honorum apices semper incedere:

An

An gloriosius

Ex imo se erigere magno nisu in altum;
Decreuerit æquum Virtutis & Fortunæ suffragium.

Exaggerata gloria est,
Firmos gressus in alto retinere,
Et ex alto ad sublimiora assurgere.
Exaggeratâ gloriâ, maior etiamnum gloriæ laus est;

Non demouisse fastigio,
Fortunæ generisque celsitudinem,
Magnarum stirpium transfuga est,
Qui è sublimi

Descendit in æternitatem, humilis ignaviâ.

Extulit intaminati splendoris titulos,

A rectè factis splendidiores,

Ad seculorum famam,

Corpore non gloria defunctus,

Bene semper virtutis officio functus,

Præsul optimus.

ELOGIUM SEPTIMUM

Illustrissimo & Reuerendissimo Antistiti;

Hostem è Lituania exigenti, & diu optatam pacem reducenti.

Cum magna accepisset à Parentibus,
Maiora reddidit

Communi omnium Matri, Patriæ.

Prælijs lassata Lithuania,

Sub hoc Præsule primùm respirauit.

S.

Ferro

Ferro hostili prostrata,
 Assurrexit ad pacem,
 Sacro Antistitis nixa Fulcro.
 Decumanis bellorum iactata tempestatibus,
 Anchoram melioris spei
 In Pontificio apprehendit Pedit.
 Cesserunt Arma Togæ,
 Ut Præfuleam induit Togam inauguratus Antistes.
 Vbi pedem Lithuanix intulit
 Gentilitio armatus Vro,
 Hostem Ducatu exegit.
 An tot retro sæculorum, robusta Bialozoriana
 Domus pectora
 Expauit hostis?
 An aureo Stemmatis auiti Annulo,
 Concordiæ tessera,
 Cornutis Vri viribus signatâ,
 Pacem & animorum concordiam
 Patriæ desponsauit Præsul?
 Compescuit quispiam ferocientis Maris impetus,
 Deuoto fluctibus annulo,
 Quasi etiam efferata sæuientis Ponti indoles
 Componeretur flexanimo auri munere:
 Maiore tamen virtute
 Turbulentas Patriæ procellas sedauit,
 Pontificio, & Gentilitio ornatus Annulo,
 Felix Lithuanix turbata Caduceator.
 Rebus igitur Ecclesiæ & Patriæ compositis,
 Stabilita animorum vnione,

Proh dolor!
 Ipse Animi Corporisq̃ue Vnionem
 Præmaturò soluit fato.
 Omnibus ingentis animi diuitijs
 Et paribus tantæ indoli virtutibus,
 Gestis Facilisque,
 Præsule & Magni Ducatus Primæ atq̃ue Principe
 dignis,
 In Ecclesiæ Patriæq̃ue commoda dispensatis,
 Terris cineres reddidit,
 Animum sacrauit cœlis,
 Posteris,
 Diuitem virtutum hæreditatem
 Velut testamento transmisit.
 Plorate Ciues, Optimi Parentis obitum,
 Lugete Ecclesiæ, Antistitis abitum,
 Patria SERVATOREM grata recale,
 Prostratum Urbis & Orbis Lithuani Caput,
 Venerabunda adora Lithuania.
 Mœsta Literarum VNIVERSITAS
 CANCELLARII Funera,
 Qua potes venerare pietate.
 Omnes sacrorum Prophanorumq̃ue Ordines,
 Pij Præsulis manibus,
 Bene precemini atq̃ue litate.

ELOGIVM OCTAVVM
 Illustrissimo & Reuerendissimo Præsuli,
 Diuiti Inopum Erario, & communi à fortuna
 damnatorum Asylo.

A Surge Meccœnati Præsuli
 Prostrata à Fortuna Inopia.
 Vt ferrea necessitatis tela sustineres,
 Aureum Præsul pectus opposuit.
 Vt sinistram superares sortem,
 Dextram Præsul submisit
 Liberalitate armatam.
 Raræ fortitudinis specimen ab eo accipe,
 Qui domesticâ conflictantes inopiâ,
 Et pene ad deditionem Virtutis coactos,
 Fami, dubiæque de Virtute Famæ eripuit,
 Geminato triumpho Bellator.
 Tantam gloriæ messem
 Ex sterilibus desertisque pauperum campis
 Collegit.
 Scilicet non fructificant quædam plantæ,
 Teste Plinio,
 Nisi steriles inter arenas,
 Pluribus Posterorum manibus
 Distractæ opes decrescunt,
 Augentur in immensum
 In plurimis Pauperum depositæ dextris.
 Dum seruantur ab vno
 Pereunt omnibus.

Creditæ omnibus,
 Etiam aucto censu durant integræ.
 Dare quàm ferre opes promptior
 Munificentissimus Antistes,
 Omnium, suas censebat vtilitates,
 Aliorum incommoda suis permutabat commodis.
 Alienæ cupidior inopiæ
 Quàm suæ ambitiosus fortunæ;
 Honestioris generis pauperiem
 Ne erubesceret in publico
 Priuata tegebat ope.
 Abundè Laudis se nactum ratus,
 Si semet conscio fuisset meritis.

ELOGIVM NONVM
Illustrissimo & Reuerendissimo Præsuli,
 Religiosorum Patri & Patrono, nec non afflicto-
 rum communi Refugio.

Religiosorum egestatem
 Vti nôrat liberis susceptam votis,
 Ita liberaliore ornabat munificentia.
 Cum è Martis ferro
 Ferream induissent indolem,
 Iniquæ sortis tempora;
 Ipse in auream recudit ætatem,
 Non alia arte quàm liberali.
 Experti Sacri Religiosorum Ordines

Profusam Præfulis & Parentis beneuolentiam,
 Promptiores præuenientis manus,
 Quàm aduentantium pedes
 Quandoque dictitabant.

Addit certè beneficijs pondus, spontanea Liberalitas.
 Quod non nisi demissa fronte extorqueas,
 Beneficij nomen vix meretur.

Quia caro venditum, nimis caro emptum est.
 Neque Liberalitatem destituebat Clementiâ,
 Miserorum querelas tam libenter audiebat,
 Quèm ferebat illibenter.

Cùm omnes paterno complecteretur animo,
 Facile benignis etiam accipiebat auribus.

Non modò erga commoda omnium oculatus,
 Sed etiam auritus.

Dici potuit, erga petentes,
 Aures habuisse in manibus:
 Nec defuisse erga supplices
 Aures in pedibus.

Totus Auritus,
 Optimè apud omnes audiit.

Longiore apud mortales vita dignissimus,
 Nisi ad immortalem Superi euocassent.

PANE.

PANEGYRIS EVCHARISTICA

Illustrissimo & Reuerendissimo Antistiti,
Almæ Vniuersitatis Vilnensis Cancellario, collapsa lite-
rarum domicilia restauranti, atque Academiam Præsulea
authoritate, gratiâ & beneficijs pro-
lixè fouenti.

REuocatâ ab exilio Patriâ quæ inter bar-
bara Moschi Imperia à se exulârat, & Li-
thuanio Orbe quem hostile ferrum bellis la-
cerauerat, ad sensum pacis composito; Il-
lustrissimus & Reuerendissimus Dominus,
Cancellarius Almæ literarum Vniuersitatis Academiæq;
Vilnensis, in partem curarum quibus sacros moderaba-
tur fasces, etiam literariam Lithuani Athenæi Rempu-
blicam, tam benignè clementerque admisit, quàm forti-
ter strenuèque admissam restaurauit, restauratam pro-
mouit, promotam ingentibus ornauit atque condecora-
uit beneficijs. Ita nimirum se ad Præsuleos fasces guber-
nandos, ornandasq; literas dispensabat; vt non minùs illos
præclaris sustentaret factis, quàm has consilio, auctoritate,
liberalibus erigeret impensis. Norât scilicet æquissimus
rerum Arbiter Præsul iuxta ac Cancellarius Illustrissimus;
quanta vi animos moresque subigat licentia, quos cul-
tus literarum non præoccupat; norât ciuilis disciplinæ
rationem obtuso rationis impetu languescere ac pene e-
mori, quàm ingenia literaria exercitatione non vege-
tant; norât denique regnorum authoramentum esse lite-
ras, consiliorum oracula, virtutum basim, dignitatum
splen.

splendorem, publicorum regni munerum animam, ac
 quoddam humano vigore sublimiùs Numen. Quocirca
 bono communi etiam post fata subuenturus, à belli squal-
 lore ac temporum neglectu, humanam diuinamq; vin-
 dicauit eruditionem. Contra contemptum suâ sapiens
 ornauit præsentiam, contra inuidiam muniiuit gratiâ & be-
 neuolentiâ, contra sæculi fastuosi ambitionem extulit au-
 thoritate. Non minùs decorum censebat adire Athænea
 quàm sacras conscendere exedras. Non minùs honori-
 ficum Laureatos effulgere pro pulpitis Vertices, quàm
 Insulata pro rostris perorare Capita. non minùs laureis
 quàm tiaris decorari Ecclesiæ Proceres. Vt perenne suæ
 æstimationis erga literas, in animis nostris erigeret mo-
 numentum, collapsa restaurauit artium honestissimarum
 domicilia. Spectat literaria Iuuentus Munificentia
 Tuæ Illustrissime Cancellarie, in Palladem argumenta,
 quæ literarum vice, parietes Tua restaurati ope exhibēt
 legenda. Spectat inquam grata suo Mecænati Sapiencia,
 dicetq; secuturis posterorum ætatibus, quo affectu fo-
 ueris Musas, quâ beneuolentiâ exules reduxisti ad Patri-
 am sedem literas: commemorabit gesta præclareq; fa-
 cta, quibus auitas Lithuani Athænei immunitates sis tu-
 itus, neque modò inanibus commemorabit verbis, sed
 renouato generosioris animi calore, vegetior ad literas
 nascetur impetus, mentis excutiet socordiam; pectora ad-
 ingeniorum pugnam inflammabit, exhortabitur ad lau-
 reas Peripatheticas iuxta ac Theosophicas. Et iam co-
 piofa laudis Tuæ gloriæque materies, Nobilissima Li-
 thuani, Rutheni, Samogiticiq; sanguinis nominisq; Iuue-
 tus,

tus, de Tua beneuolentia literis animos instruit, virtutibus excolit mores, præclaram ingenij indolem ad Patriæ subsidium Ecclesiæq; ornamentum format; cùmq; diligentia suæ gloriam maturâ iam studiorum messe, retulerit, Tibi Tuoque Nomini gratas necet Laurus, quas barbaro Moschi ferro euulsas, iterum plantasti, consecrastique Præsul ac Cancellarie Academici Athænei meritiissime. Respice iam ab alto, quo beatus, ut piè credimus, degis siderum regno; & exilia extemporalis calami officia, ab affectu æternum Tuo Nomini deuoto profecta, eâ qua olim solebas, complectere beneuolentiâ. Nos Tuis Manibus optimè precati, immortaliliter habemus gratitudine.

PONTIFICIA TIARA

Gentilitijs Regum Ducumq; insignibus exornata, proprioq; Virtutum ac Meritorum splendore illustrata.

A Celsissimo S. R. I. Principe, Illustrissimo ac Reuerendissimo D.

D. MICHAËLE STEPHANO

Comite in Radzieiowice, & in Krylow, Varmienfi Sambienfi, Antislite,

Atq; eidem, Oratorio Pœticoq; cultu, Nomine Collegij Reseliensis Societatis IESV dicata oblataq;.

In Stemma Celsissimi Principis ac Præsulis.

Regius Vmbo nitet, nitet Astro splendida Luna,

Auratis villis Agnus & ipse nitet,

Regia Virgo nitet, domitum quæ subiugat Vrsum,

Et decus Heroum Crux Melitæa nitet,


Præsulis ô quanto resplendent Arma Nitore!

Præsulis at Virtus Pulchrior ipsa nitet.

T

Celsissime

Cellissime Princeps, Illustrissime & Reuerendissime Antistes.


 Pontificiam Tiaram Tuam Serenissimis Regum Principumque insignibus exornatam, ac domestico virtutum Tuarum splendore illustratam; cuius Nomini & Honori potius dedicaremus, quàm cuius Sacro Vertici, Polonæ Romanæque Maiestatis manibus est imposita? Infra gloriæ quidem Tuæ dignitatem, fate-mur eam venerationis apparatu, à tenui facundia nostra esse celebratam, sed in Tui cultum humili procumbenti-que facilè ignoscas eloquentiæ: vtpote, quæ ad Principis ac Præfulis sui fastigium accessit venerabunda. Dum Coelitem Vicaria in terris Numina, Honor ad publicam venerationem extollit, nemo in debitâ Maiestatis obseruantiam, sese composuerit cultiùs, quàm qui humiliùs, nemo Honori assurrexit decentiùs, quàm qui infra Honoris fastigium sese demiserit profundius. Et certè, quis Diuinos sacræ Tiaræ Tuæ honores, satis sublimi extollat encomio? quis sat amplâ exæquet Panegyri, vastissima Regum & Ducum auita decora? quæ in Præsuleæ purpuræ Tuæ splendorem, Sanguinis æquè ac virtutis vinculo sunt conferta? illustrior multò ac augustior sacrorum Fascium materies est, quàm vt angusto dictionis ambitu concludatur. Magis adoranda silentio, tot Heroum, Tecum cognata Maiestas, quàm ymbratili verborum splendore non tam illustranda quàm verius obumbranda. Effulget in ipso dictionis limine

Rena-

Regnatix Serenissima SOBIESCIORVM Domus, quæ cognato Te nobilitat sanguine, in Illustrissima Tua Auia, CATHARINA à Sobieszyn SOBIESKA, Palatini Lublinensis Filia. Resplendet vetustissima Comitum Heroumque genitrix Tarnouiana Familia è qua in Illustrissima Heroïna EUPHROSINA Comitissa à Tarnow, Filia Illustrissimi JOANNIS Comitissæ à Tarnow, Castellani Zarnowicensis, maternum trahis sanguinem, sæpius in Tarnowiorum & Radzieiowiorum Domo, sacro coniugij foedere ad immortalem sociati nominis gloriam coniunctum: tum Serenissimi Regis MICHAELIS Serenissimæ Matri Comitissæ à Tarnow, tum Illustrissimo CONSTANTINO Duci in Wisniowiec & Zbaraz WISNIOWIECKI, Palatino Belzensi, nec non Illustrissimis Ducibus in Ostrog, tum maximis Sarmatiæ & Lithuanix Heroibus ZAMOISCIIS, LVBOMIRSCIIS, LESCINIIS, KAZANOWIIS, FIRLEIOVIIS, RADZIWIŁIIS, SAPIEHIS, ROZRAZEWSCIS, cæterisque compluribus. vt non ex vano verendum sit, quod in coeli Illustrissimum Sidus, oculos intendentibus vltu venit, vt repercussâ acie tenebras è luce colligant; ita è coelo Tuo Gentilitio Serenissimis Regum & Principum Solibus corusco, caliginem in vicem splendoris perstricta referat oratio, labemque inflicte à luce obscuritatis reportet, dum in Tui Honorem, è tanta Heroum gloria dictionis splendorem elaborat. Verum iniquus hic, non Tuus fulgor est, qui intentum in venerationem oculum reuerberet. Gaudet oculi testimonio luculenta Virtus, & Illustria facta, ad cultum inclinant intuentium animos. Non rarò ab Augusto sole visum

firmari sensimus qui laboranti oculo intrepidam firmavit aciem. Talis à Gentilitijs Tuis Armis labitur splendor; scilicet, quem Serenissimum Regnatricis Maieſtatis Scutum, Solis instar vibrat; vibratumq; plenīs radijs, Tuæ circumfundit Tiaræ. Talis à domestica Luna Tua, stellisque Principum auitâ luce signatis, in publicum fulgor spargitur; qui circumfusam vndiq; errorum nocte Varmiam, magno Nominis Tui ac Præsuleæ dignitatis splendore serenat; nouoq; serenitatis prodigio, medias inter Hæresum tenebras, meridianum lucis orthodoxæ Solem in Varmienſi Horizonte exhibet. Talis è placido Agni Tui vultu promicat candoris radius, qui Te non vano omine, Candidatum Varmienſis Agni Pastorem, iam in auito ſtemmate multis retro temporibus præsignauerat; vt non immeritò Tibi pro insignibus, Candorem & Innocentiam Agni præferenti, Varmienſium Agnus conueniat pascendus: vtpotè qui medias inter Hæreses, à seruata Orthodoxæ fidei integritate, semper fuit Candidus, semper floruit Innocens. Neque à florentissimo Proſapia Tuæ campo, in quo Illuſtriſſimi Generis Gloriæq; Hæreditarius Tuus pascitur Agnus, ſterilis virtutum atque meritorum messis reſulget. Tanta est, quæ Nomini Tuo ad immortalitatem alendo abundè ſufficiat. Firma nimirum sunt & immortalia Heroum ſtemmata, quæ virtutis integritate, ſolidiſſima gloriæ baſi conniuntur. Nil adeo breui temporum curſu, Regnorum & Illuſtrium ſtirpium magna Nomina in ruinam præcipitauit, ac deſertus Numinis Virtutisq; cultus. Celeri ab hinc fato, magna rerum & gloriæ momenta ſunt euerſa.

sa. Stant firmiore posterorum & Honorum serie, Familiarum trophæa, stabuntque suspicienda æternitati, quæ sincera validiorque ferro ac moenibus virtus custodit; & contra temporum fortunæque insidiantis vices, amica cælo & æternitati munit innocentia. Habes huius tesseram typumque Innocentiæ, Gentilitium Agnum, qui ab intaminatis Tuis magis candicat moribus, quam nivo fulgeat velleris candore. Accedit huic illustre incorruptæ virtutis & gloriæ testimonium; integerrima seu Fidæi, seu Iustitiæ, seu Pietatis, testis Virgo; Gentilitio Tuo insidens Vrso triumphatrix. quam bellica Maiorum Tuorum facinora, prostratis deuictisque immanissimis Turcarum ac Tartarorum hostibus, ceu indomitæ Vrsis, in perennes suæ victoriæ duxerunt triumphos. Stat victrix Virgo, æternum Martis Vestri trophæum! Triumphat astris genita Altræa, iam domi Vestræ incolæ; nec minores agit triumphos in Præsulis sui pectore, quod Dei Cœlitumque sacro succendit zelo. Cœlitum sede, nec minùs gentilitio Antistitis cœlo, oriunda Virgo, expansis brachijs Varmiam complectitur; tanquam à seruato Romanæ fidei illibato flore amicam Virginem, Tuæque fidissimæ curæ, auspicato nuptiarum Agni omine desponsatam. Fortunata Gentilitij Tui & Varmiensis Agni Societas! Pontificio subarrhata annulo, Regij Martis Scuto, contra fortunæ gloriæque hostes communita, celsissimis denique Principum ac è Cœlo deriuatis lunæ siderumque insignibus, ad immortalem Nominis splendorem exornata! Venerare fortunam ab Agni Candore bono omine faustam, & liberales Po-

li atque Polonarum Maiestatum fauores, in tanto adora
splendore Varmia! Iam tandem post luctuosam illam
vicinarum Prouinciarum ab amico auitæ fidei nexu de-
fectionem, læta capesse solatium; dum amplissimam
Heroum domum, orbis Poloni Imperatorias Maiestates
complexam, in tuorum accessionem gaudiorum, ac Dico-
cesani Agni dotem & ornamentum, secum Illustrissi-
mus Præsul infert. Scilicet non solus is magnifico suæ
gloriæ apparatu, ac longè lateque comitantium virtu-
tum coronâ cinctus, tecta tua subit. Stipant Antistitis
latera, Domestici Nominis Proceres, Prima Lechiæ Nu-
mina, longâ retro ætatum serie celebrata. è quibus pau-
cos indigito recenti etiamnum famâ superstites; ANDRE-
AM RADZIEWSKI, Palatinum Plocensem, Heroem Mar-
tis & Palladis gloriâ, orbis Poloni terminos præterue-
ctum. Cuius capacissimum militare rerum animum,
ipsa prætexta sat edocuit, dum generosis ausibus annos
antegressus, proprio testatus est exemplo, omnem æta-
tem sat adultam esse virtuti; quando rarâ virium for-
titudine Gotico formidandus Leoni, non semel validas
illius repressit fugauitque cohortes; gloriosissimus etiâ
in hostium ore celebratus Achilles. Huius non degene-
rem à præcelsis cogitationibus Filium, STANISLAVM RA-
DZIEWSKI, Castellatum Gostinensem, Curix Regni
Mareschaleum, tantis amoribus prosecuta est Maiestatû
beneuolentia, vt ob tersissimæ laudem eloquentiæ, & su-
blimum consiliorum promptitudinem summis eum de-
stinaret regni dignitatibus, nisi digniorem immortalibus
honoribus censuisset præmiator maturæ in immatura æ-
tate

tate virtutis Olympus. Verùm ætatem suppleturus, rectè factorum gloriam in paterni sanguinis & magni Nominis Hæredem transcripsit; & Sarmatia vniuersa suspexit, STANISLAVM Palatinum Lenciciensem; tantæ apud Polonas Maiestates authoritatis, vt non modò Serenissimus Poloniarum Rex SIGISMVNDVS, eundem sæpiùs cum tota Regia Domo familiariter inuiferet, verùm etiam in illius tanquam magni Athlantis, Patriæque Patris prudentissima consilia, grauem Regiæ gubernationis molè reclinaret, iisdemque fulciret. Hoc Heroe maximo prodijt HIERONYMVS Regni Procancellarius, Lomzensis, Bielscensis, Solecensis, Varecensis &c. Capitanus, Illustrissimus TAVS PARENS, vir summis naturæ dotibus ornatissimus, nulli non fortunæ inuictâ animi fortitudine semper par: in quo sera seculorum memoria mirabitur, raram Herois cum fortuna luctantis Tragædiâ. Qui decumanis fatorum tempestatibus tandem pacatis, communibus Reipublicæ votis ad Portam Othomanicam Orator Magnus destinatus, in publica hac & perardua functione, Orbis Christiani negotium sustinendo agendoque, diem pro Patria & bono Christiano clausit extremum. Magnanimum eius Cor grauiissimis ærumnis exercitum, Hierosolimam tanquam à calamitatum Crucisque fama celeberrimam urbem, transportatum, Patienti Triumphantiq; DEO, ad eiusdem gloriosa triumphalis sepulchri trophæa, in perennem Herois in Polonæ & Orthodoxæ rei expeditione, vitâ & ærumnis gloriosè functi honorem, ceu votiua Natorum gratæque Posteritatis Lampas lucet appensa. Cui æquissimo encomio

somio epigraphen quispiam inscripsit. Inuulnerabile
 est, non quod non feritur, sed quod non læditur. Cine-
 res in Patriæ gremium, Maiestatum Regiam Sedem, Var-
 sauiam illati, in Auito Maiorum Mausolæo, publicâ re-
 gni Procerum pietate litante, sunt repositi. Taceo im-
 mortales alios paterni ac materni sanguinis Tui Maiores,
 qui collecto plurium sæculorum splendore, Principi-
 bus Regni Dignitatibus, Officijsque ornatissimi, longè
 latèque suæ ornamenta gloriæ explicant; atq; Te ingre-
 dientem, Illustrissimâ circumdant coronâ. Illum Meliten-
 sis Martis meritissimum Ducem, complurium bellorum
 gloriâ, Othomanicis viribus formidandum, silentio hic
 præterire nequeo. Scilicet MICHAELEM KORNIAK, qui
 cum victricia Melitensium arma Dux agminum, terra
 marique circumtulisset, & Illustri militaris Nominis fa-
 mâ non modò amplos Candiensium Insularum, Occa-
 niq; tractus impleuisset, verùm etiam Othomanicis
 Imperijs, Martiæ suæ virtutis formidinem & veneratio-
 nem incussisset, tandem è patrio Candia solo, comitan-
 te gestorum gloriâ, & compluribus gloriosissimæ suæ fa-
 milia cognatis, ad Poloni Martis campum sese transu-
 lit, Patriam extra Patriam nactus. quàm dum celebri-
 bus è Turcarum Moschorumque clade relatis victorijs
 Matrem sibi peperit, perenni meritorum iure ad publica
 præmia Honoresque patrios obstrinxit. Ex huius Pro-
 sapia gloriosissimo sanguine Maternam ducis Aviam,
 CATHARINAM de Bialoboki KORNIACIOWNAM Heroinam
 fortunæ animique ornamentis laudatissimam. Fulget à
 victricibus Melitensis Herois huius signis, triumphali
 Crucis

Crucis trophæo, Pontificia Tua Infula, non secus ac pretiosissimo resplendet coronatus hyacintho annulus, aut Imperatorij sideris gemmâ stellatus coruscat Orbis. Crux enim uerò prima Princepsque Cæsarum & Regum Christianorum gloria, ut adoratis orbi verticibus insedit, illico vniuersa orthodoxi orbis diademata, Heroumque insignia, diuinâ nobilitauit Maiestate. Hinc Martijs Ducum Scutis, victrix fortitudo, Regijque splendor Nominis; hinc Gentilitiæ Tuæ stellis redimitæ Cynthiæ, augustior lucis dignitas; hinc domitrici immanis feræ Camillæ impavidū pectus, hinc denique triumphatori Agno, victoriæ Honorumque omen faustissimum. In hoc Crucis Tuæ signo, gentilitia Honorum & Armorum vniuersa coronantur insignia. Quanta verò hinc & quàm illustria encomiorum argumenta Tibi nascuntur CELSISSIME PRINCEPS, quàm copiosa laudum Tuarum seges, quàm diues gloriæ Tuæ messis! Conuolant hæc omnia, & quasi agmine facta, longa præclarissimorum factorum serie, in Præsuleæ Dignitatis Tuæ aggratulationem, Diuinique Honoris venerationem hodie circumstant, flexoque poplite, Magnum Virtute ac Tiara Antistitem adorant. Inserunt sese nullo orationis numero recensenda Illustrissimæ Domus Tuæ decora, & ceu innumeræ stellantis poli gemmæ, venerandum Præsulis adornant diadema. Cui, artifice virtutis Tuæ dextera insertæ, plene Præsuli honoris conferant, an à Præsule dignitatis referant, in sociata mutua lucis Maiestate, difficile est censore dignoscere oculo. Accipe interim CELSISSIME PRINCEPS, ILLUSTRISSE PRÆSVL, exile sinceræ venerationis

tributum, quod ab officiosè concinnatis laudum lenocinijs, alienum esse aduerteres. Populare studium & fauorem, calamus noster non sectatur; vtpotè quem à blandiendi periculo fors religiosa procul remouet. Æqua ratione in Dei encomijs, ac vicariam Dei potestatem sustinentis Præsulis laudibus, Religiosos nos esse decuit, & oportuit. Nihil hic quisquam in tenui dictionis labore reperiet, quod assentatio supra meritum attollat; cum exaggeratæ Tuæ virtuti, ac ad maxima erectæ indoli, nulla par afferri possit encomiorum magnitudo. Admitte igitur Minimæ Societatis IESV sub amplissimo Patrocinio Tuo, Clientes seruosque minimos, & cum minùs nos verbis expressisse, quàm animo paraueramus, legeris: Tu Magnitudinis Tuæ ac Celsitudinis conscius, non minimis nostris laudibus, sed maximis Tuis virtutibus, ac Tuâ CELSISSIME PRINCEPS & PRÆSVL magnitudine Te metire, nostræque tenuitati de Tuæ gloriæ amplitudine adde complementum.

S P L E N D O R T I A R Æ

E Domestica Illustrissimi Præsulis Luce refulgens.

Pvlchrum Gloriæ Decus,
 Quod domesticis partum est laboribus.
 Alieno censu splendores adsciscere,
 Raptis est ditescere opibus.
 Inter noctis tenebras nascuntur sidera;
 Quæ alieno Solis irradiant lumine.

Lucem

Lucem orbi ostentant
De nocte.

Ita nimirum

De alieno aduentitius splendor,
Aut obscuræ, aut dubiæ lucis,
Notam habet.

Regij sideris lux est,
Lux Tuæ Præsul Tiaræ;
Non secus ac Sol, Siderum Princeps,
Proprio coronaris splendore,
Ne coelico Tiaræ splendori desit,
Æ stimatus terris fulgor,
Fulget & ab auro pretiosa.
Sed quod Virtutis labor,
Non sacra collegit fames.

Quod profusus Maiorum sanguis,
Meritis inscripsit,
Vt esset Gloriæ Pretium.

Quod Proemiatrix Regum Dextera,
Tiaris Laureisq̃ue signavit,
Vt fieret Honorum Proemium.

Si Præsulei materiem Diadematis,
Scruteris curiosius,

Domestico ea quoque auro constat,
De aureæ virtutis vellere,
Contexta.

Non hanc peregrina Phrygum manus,
Non dolosa Iasonis ambitio,
Sed innocua Præsulei Agni merita

Virtusque & Sapientia
elaborarunt.

Dignus & hic Agnus
Ob inuictam Maiorum fortitudinem,
Ob calcata Martis Mortisque pericula,
Diui nos Tiaræ capessere Honores,

Qui

Inter mille aduersorum ictus
Inuictus;

Diuini genio Agni præditus,
Ab ipso iniquæ sortis calu,
Ad sublimius gloriæ fastigium,
Summo Urbis & Orbis Antistitis oraculo,
Polonæ Maiestatis votis
Suffragante,
Est prouectus.

Ita Heroum præcellæ Mentis
Fatorum vi nonnunquam premi,
Opprimi possunt nunquam.

ILLVSTRE DECVS TIARÆ;

Gentilitio Illustrissimi Præsulis Agno refulgens,

Illustriorum sub Ioue siderum
Quæ regnat inter Martia pectora
Reginâ libertas, Polumque
Consilio Lechicum Senatus
Supportat Atlas; non sine regio,
(Ceu Sole summo Principe siderum)

Terris

Terris adorato Polonis

Numine; Quis video quis Agnus
 Augusta Tempe candidus incolit?
 Quà pulchra Chloris, diuite gloriæ
 Exornat arua messe, aûumq;
 Et proaûum atq; abauum coronam;
 Ceu purpuratos Elisijs Polis
 Figit pyropos, florida sidera;
 Lunamque stella(que & corusca
 Signa Crucis, Clypeosque plantat;
 Isthic quis Agnus Pascea gloriæ
 Heroum auito sanguine consita,
 Ceu dapsiles herbas, Thasiq;ue
 Nectareas lacrymas reuellit;
 Mixtas acanthis ac violis rosas,
 Sexcenta auita symbola purpure,
 Victoriarum sanguinisque,
 Atq; toge radiantis auro,
 Plantata campo stemmata florido
 Quis carpit Agnus nectareæ Ducum
 Conuiuia mensa? quam Deorum
 Ambrosia dapibus coronant.
 Stat Martialis stemmate nobili
 Chorus Deorum & Numina Lechiæ
 Insculpta ceris stant vetustis,
 Scipiadum magè clara factis.
 Tantas quid inter Dux acies agit?
 Tondere campos aptior & sata,

Agnellus insons? quàm Gradium
 Sarmatia redhibere campo?
 Quin cordis expers, ô timidam pecus!
 Dum Martiarum fulmina glandium
 Rauco per obiectos fragore
 Massagetum reboant acervos,
 Ceu tortuoso Vulturis impetu,
 Quem prada in agros dira fames rotat.
 Agnelle vix visis sarissis
 Cum capreis tremulisque cervis
 Ibis sub antrum. At quid pavidas canis
 Clio latebras? quid profugum retro
 Celsisse? quid campos metentem
 Purpureos, dape quid Deorum
 Vesci? Umbra cedat, cedite condita
 Sphynxis tenebra, clara age tinnulos
 Latos nervos, ut canoram
 Solicitante chelym Thaliâ
 Noscamus Agnum. Dic age tibia,
 Desiste sensus ire per abditos,
 Agnus quis Heroas Polonos
 Inter agit Lechicumque Martem?
 Agnosco Vellus, velleris inclytum
 Agnosco Stemma. En mille pericla per
 Per mille sortes, Agnus iste
 Palma velut resupina, tollit
 Sublime frondes, dum grauior trahit
 Sors in ruinam, pondere ab incubo
 Victrix resurgit, erigitque
 Usque sub astrapilos, triumphis

Palmaris arcem. Sic venit arduo
 Ad summa nifu, velleris aurei
 Plus aureæ virtutis Agnus,
 Sarmatiae Procerum Ducumque
 Et purpurati sanguinis inclytus
 Agnellus Heres. Dignus ut ardua
 Sortis triumphator, Togasque
 Prasuleasque metat Coronas.
 Non is perenni faenore diuites
 Gazas, agrorum demetit, aut sacro
 Illectus æstu, auro comantem
 Casariam arte legit dolosa;
 Ut Thessalorum iuncta ope Principum
 Aurata lasen detulit arctis
 Dona, & trifaucem consopiiuit
 Auriferi nemoris Draconem.
 Gazas sed auri diuite dextera
 Ceu liberali depluit alueo
 Fons indigentium, quando Prasul.
 Varmiacas pede tangit oras.
 Chersona qualem nectaris alueum
 Spectauit Agni prolicitum pede,
 Siticulosi Prasul olim
 Quando gregis recreauit æstum.
 Hic Agnus ille est, ceu nouus æthere
 Phæbus, gementis nubila Varmiae
 Qui terget, & candente bysso
 Introcus sacra liba Mystes

Litabit, ipse Antistes & Hostia!
 Hunc ponè auito stemmate Cynthia
 Cognata fulget, qua repulsi
 Hæreseos tenebris, Sophorum
 Diuiniore dogmâ scientia,
 Et doctioris iura Panatij,
 Morumque doctrinaque lucem,
 Sambiacis referet Cathedris.
 Hic Agnus ille est, quem domito sacra
 Urso triumphans subsequitur Themis,
 Martisque protritas phalangas,
 Et Soleam & iacula in triumphos
 Ducit, corusco non sine Regij
 Splendore Scuti, quo stygijs citas
 Antris Erinnæ, & cruentas
 Exiget Agnus hydras, hiantes
 Ætnam vomentes gutture, & efferos
 Rictus Chymææ, & capripedes boues,
 Mille hæresum errorumque monstra,
 Ad Garamantas & usque ad Indos.
 Hic Agnus ille est, quem comitans nouos
 Fortuna Soles aurea deuehit,
 Et messe fecundâ venustos
 Lata Ceres relegit Penates.
 Pax Pax quoque Agnum Candida oloribus
 Albis secuta, ite commoda manibus
 Optata Præsis inferre, & sub Agni
 Auspicijs reparare auicam

Sortem;

*Sorcem, ercentis frēna licentia
 Ligare vinclis, fœdere disitos
 Connectere, annososque ritus
 Ad patrios reuocare mores;
 Lēgesque primas, iuraque Ciuium,
 Deliberantis prouida Curia
 Decreta firmare, & fauore
 Vnanimes sociare mentes.
 O Candidorum candidior niue
 Agnelle olorum! Progenies Poli,
 Nutrita cœlesti Latina
 (Pasce Tuos) Pietatis aula.
 Sic Varmia orat; sic Procerum sacer
 Orat Senatus, cunctaque Ciuium
 Corona & vniuersus ore
 Vnanimi populus precatur.*

FVLGOR TIARÆ,

*E Peruetusta Illustrissimi Præsulis Familia, Regibus
 Ducibusque cognata,*

AB Augusto Regum sanguine,
 Non minùs Tiaræ quàm Purpuræ,
 Maiestatem trahunt.
 Illæ cœlis cognatam; hæ terris sublimiorem.
 A vertice Tuo, Illustrissime PRÆSVL,
 Celsitudinem nacta Tiara,
 Maiestatum Cognatione eam altiùs attollit.
 Dum Frontem Tuam ambit,

X

Regum

Regum Ducumque simul Verticem,
 Ceu cognato tecum sanguine coniuncta fastigia,
 Serenissima MICHAELIS & IOANNIS Sceptra
 Coronat,

Quantus Tiaræ fulgor!
 Quæ & Regum est Diadema & Præsulum Infula!
 Tantam nihilominus splendoris & Generis Celsitudinem,
 Prima duntaxat Tiaræ fundamenta,
 Censuisti.

Quæ
 ut ad apicem erigeres,
 Maiorum bene coeptis,
 Operosas Virtutis & Sapientiæ manus,
 Admouisti,
 Usque dum ad coronatam Tiarâ coronidem,
 Ipse Tuæ fabricator fortunæ,
 Pertingeres.

Generis igitur æquè ac Virtutis Pretio,
 Illustrissimum ac meritissimum Diadema
 Princeps & Præsul comparasti.
 Sapienter ratus,
 Pondus intolerabile incumbere Honorem,
 Quem Virtus non fulciat.
 Nec purpuras Heroum sanguine tingi
 Ad splendorem,
 Si intaminatis moribus innocua
 non fulgeat vita.
 Fumosas Auorum imagines,
 Exincti monumenta Nominis,

Emor-

Emortuæ tumulos gloriæ,
 Etiam Tu sublimi sensu censes,
 Dum Magna stemmata,
 Posterorum factis non animantur.
 Nutris igitur in florentibus Maiorum Campis,
 Inter vberem auitæ gloriæ Messëm,
 Virtutis Tuæ innocentiam
 Agno effigiatam.

Et quis
 Gloriæ emorituram metuat?
 Cui ad immortalitatem Nominis alendo
 Noua semper succrescit Virtutum tuarum seges?

Quin
 Adorata Astris Agni Maiestas,
 Dum Tiaræ Tuæ inserta,
 Gemmæ instar elegantissimæ coruscat,
 Longè lateque Tui Venerationem spargit,
 vsque

In perennem temporum memoriam.
 Mitto alia Illustrissimæ Domûs decora,
 Nam pendent hîc illius Arma
 Hîc clypei galeæque & Martia signa virorum.
 Ignauî Ducum Nepotes
 Hæreditariam gloriam
 Vt. alienam à se, obliuione tumulant,
 Succinctus æmulatione animus,
 Aliena decora facit sua.
 Tu Virtutis studio,
 Hæreditaria Domûs decora,

Ita Tiara Tuæ interuisti;
 Vt factis simul expresseris
 Magnum Tiarâ Antistitem.

Quanto proinde fulgore, Tiara Tua collucescat,
 Mirabitur olim sera posteritas, & dicet;
 Celsitudine Generis, Regum solia adæquat,
 Cognatione, Principes complectitur Familias,
 Splendore gloriæ, Cœlorum insignia participat,
 Sapientiâ denique & Virtute, maiora PRÆSVL meritis,
 Quàm Honoribus sit consecutus.

MAGNUM TIARÆ ORNAMENTVM,

E Sapiencia Illustrissimi Præsulis refulgens.

Natalium ortu coruscanti Tiarae,
 Vt in perpetuas stellaret æternitates,
 Sapientiæ fulgorem,
 Theologiæ Iurisque studia emensus,
 Addidisti.

Cui feliciter nasci contigerat;
 Bene quoque institui conueniebat,
 Palladis laureâ exornari decebat apud exteros,
 Quem Martiæ Maiorum Laurus
 Domi ambiebant.

E domestico igitur Agni Campo,
 Ad Sapientiæ theatrum,
 Pragensem literarum Vniuersitatem,

Pro-

Profectus:

Coronandum Tiarâ Caput,
Capacem magni Honoris animum,
In Sapientiæ domicilium
Prius Consecrasti.

Difficile scilicet fore ratus,
Vt Gloria Honorque ibi pullulent,
Vbi sterilefcit Sapiaentia.

Et certè,
Fertilis ingenij Tui ager,
Magnas honoris & scientiæ spes,
Non diu aluit in herba.
Nullius indigus ferulæ,
Ostendisti,

Nec agris fertilibus nec felicibus ingenijs,
Esse imperandum.

Manfuetioribus iuxta & feuerioribus excultus literis,
Emeritam Sapientiæ lauream,
In florentiffimo Parisiorum Athenæo,
Lilijs exornasti.

Par Agni Gentilitij & Sapientiæ Diuiniore Genijs,
Pasci inter Lilia.

Collecto inde Candoris succo,
Qui nutriendis Agni innocuis virtutibus
Suppeteret;

Fœcunda virtute
Ad Honorum messem maturuisti,

Quam
SVB AVGVSTIS SOLIBVS,

X 3

IOANNE

166
IOANNE CASIMIRO, MICHAELE I. & IO-
ANNE III. SERENISSIMIS REGIBVS,

Collegisti,
Felix Spicilegium,

Quod
Sapientia,
PRÆSVLIS Tiarâ
Coronavit.

CLARITAS TIARÆ

E Collectis apud exteras Nationes Ornamentis.

QVibus itineribus
Ad calentia peregrino Sole Regna
Virtutis & Gloriæ Stadiodromus,
excurristi ;
Iisdem callibus, ad Honoris Capitolium contendisti.
Non passa,
Parandæ gloriæ deesse viaticum,
Serenissima Poloniarum Regina Ludouica,
Peregrè Tibi Proficiscenti,
Comitem adiunxit, Regiam beneficentiam.
Dignum Poloniarum Maiestate impendium,
Quod in Poloni Nominis Heroas erogatur.
Recepit cum fœnore Respublica,
Quidquid ad ornandam regiæ spei Indolem,
Liberalis Maiestatum dextera locavit.
Retulisti Politicæ Diuinæq; sapientiæ,
Splend.

Splendidissimas Gemmas,
 Quas
 Tum ad exornandam Rempublicam,
 Illustrissimus Regni Senator,
 Tum ad Pontificiam Tiaram collustrandam,
 Sapientissimus PRÆSVL,
 Conuertisti.

In Principe Orbis Vrbe diuersatus,
 Vaticanæ Religionis Principem Maiestatem,
 Ita oculis animoque vsurpasti,
 Vt virtus Honorque,
 Præsuleam in te exarârint Tiaram.
 Cuius typo formando,
 è compendio nationum & regnorum,
 Literarum culturam, Morum elegantiam
 Et magnarum virtutum apparatus
 Collegisti.

Ad Ecclesiæ gubernacula,
 Matura iam virtute
 Admotus,
 Vitæ Magisteria, gregi instituendo,
 E morum factorumque fastis exhibes.
 Præclara priscae ætatis monumenta
 Prudenter ratus,

Quæ recentibus obsignantur factis,
 Neque otiosus
 Pernoluisti vetustatis testimonia,
 Quibus Tua virtute adiecisti suffragium.
 Redux verò ab exteris,

Diuesque

Diuesque non peregrinis, quia iam Tuis ornamentis;
 Domesticum Regum extitisti delictum;
 Morum & Musarum cultu,
 Æstimatum.
 Expositus in publico Maieftatum theatro,
 Non personatam exhibuifti virtutem,
 Sed summo Principum iudicio,
 Censorique aulae oculo,
 Ita sinceram probafti,
 Vt æftimarent
 Magnis Ecclefiae & Reipublicae dignam
 Honoribus.

DIGNITAS TIARÆ.

Præuijs Honorum titulis ornatiffima,

GLoriæ præmaturus,
 Ætatem otioforum,
 Meritorum annis anteuertifti.
 Non patitur celer in virtutem animus,
 Tarda ætatis molimina,
 Nec annorum fpatio,
 Sua fupputat præmia Honor.
 Sacro Procerum Senatui,
 Varfauiæ ad Regiam Diui IOANNIS Basilicam
 SERENISSIMI REGIS IOANNIS CASIMIRI
 Gratiâ inauthoratus;
 Poftea Cracouiæ

Dignif.

Dignissimus ad S. MICHAELIS Angelorum Principis,
SERENISSIMI POLONIARVM REGIS MICHAELIS calculo,

Constitutus Præpositus;

Non tam Archangelî cognomento,

Quàm illibata Principis virtute

Michaellem Præpositum Paradisi,

Quia Ecclesiæ,

Non dispari nominis munere

Te probasti.

In Oriente Honoris constitutus,

Magnis ad illius meridiem passibus decurristi;

Oculatissimus semper in virtutis cursu,

Ne aut in fortunæ sinistram aleam,

Aut floridæ oblectamenta ætatis,

Aut confinem ætati temeritatem

Impingeres.

Collegisti in decursu

Illustres Ecclesiarum Honores,

Donec ad Metam,

Adultum Honoris diem,

Eluctatus;

Radijs Præsuleæ Tiaræ,

Meritissimum verticem inseruisti

Felix gloriæ stadiodromus!

Qui inoffenso pede

Ad usque terminalem Honoris Columnam,

Pontificios fasces,

Decurristi.

Tanti scilicet est

Inauthoratum virtutum gloriæque studijs
 Principem,
 Maiestatum impensis,
 Ad Honorum fastigia deduci!
 Tanti est,
 Regum ductu & auspicijs
 Publicæ gloriæ consecrari.

CÆLESTIS LVX TIARÆ, A CÆLO,

Gentilitiâ Lunâ & stellis exornatæ.

A Surge magnis gloria passibus
 Honorque sacro PRÆSVLIS effudo
 Effultus, altum per Borussas
 Regna super populosque famam
 T sparge terras. Varmia Principe
 Nouo triumphat. PRÆSVLIS Insula
 Dic, fronte consedit serena,
 Æthereis decorata flammis.
 Paruum est nitentis Chrysoliti iubar,
 Sunt parua vilis fulgura Iaspidis,
 Flammisque gemmæ complicatis
 PRÆSVLIS auricomâ minores
 Splendent Tiarâ. Lumina scilicet
 Auita celfo ducit ab athere
 Stellasque Lunamque & Polorum
 Omne decus patrijs reponit
 Ceris Honorum. Hinc PRÆSVLIS Insula
 Miro coruscet Lumine Cælitum.

Quam

Quam dextra clavis texit actis.
 Purpureisque poli pyropis
 Virtus adornat. Sic Superis placet
 Virtutis ausus pingere honoribus.
 Virtus Tiaras elaborat
 Promeritasque vehit Coronas.
 Virtus ab alto, Nil generis iubar
 Et liberalis Gæza peculij.
 Nil Principum cere superbo
 Sanguine condecorant Tiaras,
 Si facta desint germina gloria,
 Et Infulati Nominis artifex,
 Splendorque doctrina coruscus,
 Claraque Religionis ausa.

ILLVSTRISSIMA TIARÆ DECORA.

è

PRÆSVLIS Religione & Pietate.

Magnarum coepta virtutum
 Ad culmen feliciter eduxisti,
 Quia constans in Coelites Tua Pietas
 Inconcussam Tibi posuit Basim.
 Qui multum Religionis studio pendit,
 Officiosus Numinis Cultor,
 Cultu beneficio Numinis
 Plus aucupatur honoris.

Y 2

Ita eti-

Ita etiam Coelitem ingenio,
 Magis in honorante quàm honorato
 Honoris resplendet pretium
 Cùm plurimùm Optimo Maximo debeamus Numini,
 Minus semper est quod damus
 Venerationis debitum :
 Maius quod recipimus,
 Honorarij cultus præmium.
 Adeò mutuis obseruantiae studijs,
 Summus cum infimo,
 Maiestas certat cum Mancipio.
 Non immeritò igitur
 Honoris Diuini partes tueri,
 Tuarum PRÆSVL ducis esse partium.
 Quin Præsulei Muneris
 Partem arbitraris Maximam.
 Cum nos ex integro
 Naturæ Iura, Fasque Diuinum
 Colendo Numini transcripserint.
 Quare sapienter reputas,
 Vnam veramque Præsulum esse gloriam
 Diuinæ Seruitutem Maiestatis.
 Non patitur Numinis Indoles
 Humanis ita se ornari splendoribus
 Vt Cultores sui sinat, inglorios.
 Quin vibratos in se honoris radios,
 Illustriori gloriâ,
 Ceu gratitudinis, ceu præmij intensione,
 Refundit in authores.

At

At verò

Desipiunt illi maximè,
 Qui coelitem iniurias, inter suas non reputant.
 Neque læsam Numinis Maieſtatem,
 Sux detrimenta Nobilitatis æſtimant,
 Nil adeo ſtemmata honore exuit,
 Vti neglecta Diuorum Nomina.
 Neque certior opum armorumque eſt ruina;
 Quàm diuini occaſus honoris.
 Et iuſto quidem criminis ſupplicio;
 Vt, qui Solem lucis fontem extingunt,
 Nulla in terris luce, clareſcant.

G E M I N A T I A R Æ L V X

Ab

Illuſtriſſimi PRÆſVLIS Humanitate & Munificentia proſecta:

SEcurus ſux Celſitudinis,
 Magis eam attollit
 Humanitate.
 Cùm ad familiaritatis officia
 Princeps à Maieſtate diuertit,
 Corda Subditorum,
 Subuehentibus amoris affectibus,
 Ingreditur.
 Indoles eſt hæc Magnitudinis
 Humanitate temperatæ,
 Ab aliorum paruitate creſcere.
 Hanc Tibi PRINCEPS Celſiſſime,

Y 3

Huma.

Humanitatis laudem,
 Commune scribit suffragium;
 Cui nec facilitas auctoritatem,
 Nec dignitas diminuit amorem.

Magnus;

Sed sine ullius diminutione Magnus,
 Quin accessione affabilitatis, maior;
 Dum ad minores, infra Tuam dignitatem
 Te demittere soles.

Gentilitiæ Tuæ Lunæ genium,
 Imitatus,

Quæ minora non extinguit sidera;
 Candida morum & animi tranquillitate
 Agni Tui Gentilitij
 Genuina Imago.

Comitatur à latere Humanitatem Tuam,
 Latère nescia Munificentia,

Quæ toties in publicum prodit,
 Quoties inopum præambula egestas.
 Non rapit oculatam Sapientiæ mentem

Auri fulgor,

Quem pulveri esse mixtum nôsti.
 Tunc abundè Te opulentum ratus,
 Cum profusis diues beneficijs,
 Plurimorum animos,
 Gratitude obæraſti.

MVLTIPLEX TIARÆ DECOR,

é

Praclaris Illustrissimi Prasulis natura & Virtutis dotibus.

Splendor fortunæ Tuæ Domesticus,
Regum Ducumque Prosapiæ est conterminus,

Præcellentes Virtutis Tuæ dotes,

Humana transcendunt fastigia,

Cœlesti siderum luci cognatæ

A tanto fortunæ animique apparatu,

Coelum sideribus exornatum,

Non immeritò

Illustrissimam Tuam dixerim Tiaram.

Stellantes poli gemmas

Tiaræ Tuæ insertas aduertimus,

Dum stellis illustriores, animi Tui dotes,

Orbe Polono effulgentes,

Suspiciamus.

Scilicet,

Ingenij solertiam, peracrem prudentiam,

Facundiam tersissimam, morum comitatem,

Exporrectum consiliorum vigorem agendiq; dexteritatē.

Non sic pulcher ab astris micat Olympus,

Nec tot numerat stellifer Orbis gemmas,

Quot in Tua resplendent Tiara,

Ab Illustrissimo animo ceteri Sole

Transfusa decora.

Méritò in gentilitijs Armis;

Lunam sideribus coronatam

exhibes,

Quem

Quem tot condecorant animi dotes:
Non parrioribus Virtus Tua stipata ornamentis,
Grande momentum honori affert.

Verùm obtegens illa sui,
Conscientiæ theatro & encomio contenta,
A calamo publicum non requirit.

Habet Summorum Ecclesiæ & Lechiæ
Principum,

In collata Tibi Tiara
Testimonium luculentissimum.
Compendium Virtuti Tuæ dicunt
Recti tenor & Honesti iura.

Proscripsisti animo moribusque
Animi morumque licentiam,
Vbiq̃ue Tur̃ potens Tuique Hostis,
Amor es vniuersorum.

Ne Heroum laureæ Tibi desint,
Domitor Tui,

ex Te ipso victrices carpis laureas,
Gloriosa profectò PRÆSVLIS Tiara !!

Quam triumphales ornant laurus,
De eodem

Et hoste & amicissimo reportatæ.

VARMIA SVB GENTILITIO

Illustrissimi PRÆSVLIS

R E G A L I S C V T O,

Contra Hostium insultus, Tuta Munitaque

E Cquid minaces exeris Hæresis,
Formidolosis vultibus impetus?

Arma

Armata dextram cur in iras
 Lerna leuas animumque inanes?
 Secura gaudet Varmia, PRÆSVLIS
 Munita Scuto; Regia quod manus
 Vindexque Maiestas tuetur,
 Innumerâ potior phalange!
 Martemne Gottus rursus in agmina
 Cadenda coget? Dic age Prussia,
 Quot decolorati cruentis
 Cladibus erubuere campi!
 Dum nuper oris Vandalus intulit
 Ferrum tuis, proh non reparabile
 Damnumque labeque & perennis
 Gottigenum Sueonumque Marti
 Clades iniusta? At Varmia confide
 Sub pacis umbra, PRÆSVLIS hanc iacit
 Regalis Umbo, terror hostis,
 Murus at ære triplex, Tuorum
 Quos læta cingis Varmia ciuium.
 Ergo serena pacis in otio
 Regalis Umbonis sub umbra,
 Aurea secla fluant, citatis,
 Astræa bigis, & Themis aureâ
 Diues coronâ, iunctâque Comitas
 Et Fas, Honestasque & venusti
 Delicijs opibusque Soles,
 Rubiginosi tergite temporis
 Vultus seniles, tergite Thesala.

*Venena campis, ac Borussa
Prata nouâ reparate messe.
Arces & Vrbes, Pergama & Oppida
Fortuna uisat, diues opum Parens,
Legesq; virtutesq; auitas,
Sors reuehat REDIMITA SCVTO.*

PANEGYRIS GRATVLATORIA

*Perillustri & Reuerendissimo Domino, D. Laurentio Ioan-
ni Rudawski, Canonico Varmienfi, Olomucensem Ca-
nonicatum adepto.*

QUod in auito Maiorum Tuorum stemmate
cæli sidera hæreditario adiisti iure, Perillu-
stris & Reuerendissime Domine, Domine
Mecoenas Gratiostissime; næ Tu plus quàm
luculentum Clarissimorum Natalium argu-
mentum à tanta deriuas luce! Non potes
non à tot siderum luminibus esse Illustrissimus; nec sa-
cra Reuerendissimi fastigia honor tibi denegare poterat,
ad quem obseruantix ergò ipsa cœli astra in terras de-
scendisse videntur. Antiquissima hæc virtutis apud Ro-
manum Oratorem audierunt encomia, vt orbis fastigio
altior, ad cæli sidera eueheretur: at Tua, etiam hac subli-
mi laudis prærogatiuâ sublimior, ipsa sidera cælo de-
traxit, seq; cellissimis astris posse dominari, illustri Sa-
pientix Tuæ documento comprobauit. Ita scilicet au-
rea virtutis merces paratur, vt non modò gloria, teste
Tacito, virtutis sit pedissequa; sed & ipsa sidera virtuti
famulen-





famulentur. Quis iam in terras peregrino Sole calentes te aduenisse asserat? postquam cæli astra tanto necessitudinis vinculo tuis obstrinxisti obsequijs, vt vniuersum cum sideribus cælum tibi famulari, teq; in omnes comitari terras videatur. Vbi vbi gentium agas, sub iisdem semper degis & cælo & sideribus; nec vnquam peregrinis illuminaris astris, quia patrijs vbiq; & gentilitijs corulcas sideribus. Patriam extra Patriam incolis, & si canente patrio Vate, non multum distat terra Polona Polo, etiam Poloniam extra Poloniam virtus Tua inuenit; cui paterno iure ipse cum sideribus Polus est domesticus. Verum vnum etiamnum sideribus tuis sidus deesse mihi videtur; ipse scilicet inter astra minora Sol astrorum maximus. At corrigit illico oculi obtutus, oculatior mentis acies, quæ Te Gentilitij Poli Solem, tesserariorum siderum Principem agnoscit & indigitat. Abesse proinde à tesserarijs tuis astris Sol non potest, quando Tu virtute & honore illustrissimus irradias; & auitæ claritatis astra magis magisq; factorum gloriâ collustras. Sensit siderum tuorum lucem caliginosa illa Cimmerijsq; tenebris dirior Reipublicæ Polonæ nox, quæ tam alto omnia sepeliuerat silentio, vt non modò patriæ inter arma silent leges, sed & ipsa Religiosissima veritas pene elinguis fore timeretur: sensit inquam Pullata Patria sereniorum astrorum tuorum aciem; dicere volo, consiliorum prudentiæq; tuæ oculatissimam mentem, cuius Vicarios radios ipsum Serenissimum Poloniarum Astrum ad fugandas diræ noctis tenebras adhibere non dubitauit. Placuit & siderum tuorum nitor, alteri Serenissimo Austris.

Soli, qui vitæ virtutisq; tuæ integerrimum splendorem adeo probavit, vt te ad Iuliomontanæ Principis Ecclesiæ fastigia ornatissimum euexerit sidus, & iam illuminando collustrandoq; totius Diceceseos Olomucenæ cælo dignissimum elegerit Phosporum. Quanta coruscantium stellarum tuarum Lux! quantus scintillantium siderum tuorum splendor! quem bini ijq; Serenissimi exornant Soles. Meritò candidum Lunarum par in gentilitio exhibes Zodiaco: quia duos cælum tuum capere potest Soles; quorum & benigno fauoris aspectu, & clementissimo gratiarum influxu ita pascaris, vt nemo non faustis sub sideribus te agere degereq; agnoscat. in quem scilicet cæli munificencia tam abunde suas profudit opes, vt adhuc in terris astrorum te scripserit hæredem, tantamq; cultissimi amplitudinem animi dederit, qui vastissimo cælo maior, maximum Astrorum Par sua posset ambire magnitudine. Verùm quid insertæ sideribus tuis turres quid terræ Pergama cum cæli facibus agant? an hæc monumenta auitæ sunt fortitudinis, quâ sua coelo sidera inuicti eripuere Heroes? an celsissima animi trophæa dicam? qui mortalia omnia præteruectus ad nunquam non perennaturæ gloriæ eluctatur colossos? an potiùs oculatissimam asseram speculam? quæ tot prouidentissimis prudentiæ oculis radiat, quot numerat stellarum faculas? an deniq; referatum clementiæ & humanitatis tuæ asylum appellem? vbi opem operamq; tuam hospitantem, clientum inopia adeat. Sunt hæc omnia, & maiora his etiamnum sunt Laudis gloriæq; tuæ nunquā intermoritura argumenta; quibus cum ego hodie im-

mortale

mortale debitæ meæ venerationis anathema appendam;
non vanè id mihi ab humanissima gratia & gratiosissima
tua humanitate polliceor, vt quibus tu turribus astra &
aras defendis, quibusq; sideribus sacros Varmienfis & Olo-
mucenfis Canonicatus honores collustras; iisdē me Perga-
mis ceu patentissimis gratiæ & fauoris tui adytis recipias,
& sideribus ceu benignissimis oculis aspicias Mecoenas.

*Salutatio Illustrissimo & Reuerendissimo Præsuli Vil-
nensi, Alexandro Sapieha, Collegium Vilnense Societatis
I E S V, Festo B. Stanislai Kostka die
inuisenti dicta.*


 Ospitem an Parentem venerabundi salute-
mus, ancipiti distrahitur affectu animus.

 Illustrissime & Reuerendissime Præsul.

 Recepimus religiosos inter parietes Hos-

 pitem, quem in animis semper habuimus
domesticum. Adijsti humiles exoptatâ tuâ
præsentiâ lares, quos iam pridem Sapiehanâ Maiorum
tuorum incolis munificentia. Ades Hospes gratissimus,
cū nunquam antea abfuisses beneficijs Patronus. Hoc
vnum votis nostris ad supremam hodie prouectis felici-
tatem deesse videbatur, vt cū Sapiehanæ familiæ co-
gnatum, Diuum Stanislaum Kostkam inter publicos ag-
gratulantium Ordinum honores, Laribus & aris nostris
inferremus; te quoq; ceu potissimam publici gaudij par-
tem, & Kostkani iuxta ac Sapiehani triumphii accumula-
tum haberemus ornamentum. Ægra igitur licet ac infir-
ma tenereris valetudine, firma tamen solidaq; quia Sapie-

hana animi Tui virtus, celeris sagittæ instar hodie aduolauit; & ad sublimes interq; sidera iâ repositas Kostkarû soleas, ceu præfixum pietatis scopum collimauit. Felix sagitta, quæ tam sublimi hodie fixa est scopo: neq; minus altè collimâsse dicenda, quòd in humili quoq; Societatis domicilio, humanitatis suæ impresserit vestigia. Fortunata sanè & à geminatis gentilitiæ tuæ sagittæ crucibus, etiâ sacrata Domus nostræ limina gratulamur. Viue porro (quod vnanime omniû nostrum votum est) viue Magne Orbis Lituani Alexander; cuius victrici fortitudini, inter quotidianas infirmitates, hostiles non desunt morborum conflictus. Viue, & meliore iam triumphâ morbos sanitate, quando thaumaturgus Tuus Nosterq; Stanislaus, de morbis & morte, toto vbiq; triumphat orbe. Viuit ille supremis coelitem honoribus inter sidera ornatus; & magna adhuc Kostkani splendoris & felicitatis parte, in Sapiehana superuiuit domo. Illum igitur dum sacro Religiosi nominis nexu Fratrem in astris colemus, te quoq; Mecænatem ac Patronum; Sapiehana pariter ac Kostkano affectu, Societati nostræ addictissimum, submississimi semper venerabimur Clientes.

In funero Perillustri & Reuerendissimi Domini D. N. Mlinecki Regentis Cancellaria M. D. Lituania, Generalis Vicarij in spiritualibus per Diocesim Vilnensem, Prælati & Canonici Vilnensis,

PARENTALIS PANE CYRIS

*Ad Illustrissimum & Reuerendissimum Capitulum Vilnense Nomine
Vniuersitatis & Academia Vilnensis.*

Extin-

Extinctum Sacri Vestri Senatus illustre fi-
E dus, ereptum Magni Ducatus meritissimum
 Cancellariæ Regentem, abstractum Princi-
 pis Basilicæ Cathedræ Doctorem, subla-
 tum è Dioecesano Tribunali Iudicem, ad-
 emptum Academiæ Laureatum Theologum; dum in-
 ter publicos omnium Luctus, & comunem vniversorum
 moerorem Sacer Vester lugeat Senatus, quidni & mæsta Li-
 terarum Lugeat Vniuersitas? Illustrissimi Reverendissi-
 mi Domini. Quemadmodum diei occasus, communem
 publico inuehit noctem, & pullata cæli facies, maio-
 res minoresq; orbium extinguit ignes: ita teste Roma-
 no sapiente, Illustrium virorum funera, Luctus sunt
 vniuersorum: & quorum vita, publicæ utilitatis stu-
 dio effulserat, publico quoq; occumbit detrimento.
 Abeunt illi quidem contra temporum fatorumq; vices,
 rectè factis bene muniti in immortalitatem, nullaq;
 gloriæ suæ parte obeunt; verùm quemadmodum mor-
 talem auram alienæ inspirandæ fouendæq; traxerant sa-
 luti, ita ad gloriæ immortalis lucem transgressi, non tam
 sua quàm suorum deserunt commoda; propria rectè
 functi, aliorum defuncti vitâ. Vixit Perillustis & Re-
 verendissimus Dominus, communem omnium utilita-
 tem magno complexus animo, ut non tam suo quàm
 alieno videretur natus emolumento; siue is sacros Pro-
 cerum vestræ ecclesiæ gestaret honores, siue Magni Du-
 catus Cancellariæ, dignissimum ageret Præsidem, siue
 demum pro Diæcesis tribunali Iudex & Prælulex po-
 testa-

testatis sederet Vicarius. Vixit inquam, & æquante diurna nocturnis tempora cælo, vitæ quoq; mortalis spatia, beatæ æternitati coæquauit. Non vano fortuitoq; euentu, recte factorum & consumatæ illius virtutis hic terminus obtigit: quando nimirum æqua lance diem noctemq; temperat, Sol temporum cæliq; moderator. Ita scilicet Diuum Iustitiæ Numen Astræa, pro sui clientis meritis, diem diuino edixit oraculo; vt cum Iuris vtriusq; Laureatus Arbitrator, æquitatem vbiq; coluisset, meritò sub ipsa æquinoctij tempora, æquitatis quoq; suæ, æterna sine temporum iurisq; dilatione, capesseret præmia. Exæquauit ille pari semper moderamine, diei noctisq; statiuæ, quando tenebras iniustitiæ, lucem innocentiae, æquabili sententia semper addixit. Diuisit toto vitæ decursu, tanquam Magnum cæli sidus, atræ noctis caliginem à diei splendore, dum nullo vitiorum ceu tenebrarum confinio, suam passus est Lædi lucem virtutum. Impleuit tanquam sublimi repositum fastigio Iubar, magna honorum subsellia pari semper virtute & illustrium gestorum amplitudine: vt & dignitas, virtutis ornaret splendorem; & virtus dignitati par accederet ornamentum. Honorum apices, teste Cæsarum Oratore, nox sunt perpetua, quibus diem non conciliat virtutis splendor. Ille ergo dum dignitatis & virtutis quasi æquinoctium, perpetua coniunctione semper coleret, vt scilicet cæco honori dies virtutis affulgeret, meritò diem sine nocte perennaturū, vt piè credimus, est auspicatus.

Viue

Viue & æternùm vale Perillustis & Reuerendissime Domine; iam fortuna omni celsior, gestis eminentior honoribus, Theologicis pariter ac Canonicis laureis sublimior! Capesse iam æquitatis tuæ præmia, Diua remunerante Astræa. Inscribat illa æternis monumentis, beata Regentis sui Nomina, eaq; immortalitatis sigillo, ad perpetuam rectè actorum Tuorum memoriam consignet & communiat. Imponat coronato Scientiarum omnium vertici, immarcescibiles Doctorum laureolas Diuina præmiatrix Sapientia, & Iuris vtriusque atque Theologiæ Sapientem, astris dominari iubeat. Fulgeat in perpetuas æternitates, instar stellæ clarissimæ, qui ad iustitiam æquo vitæ munerisque crediti moderamine præluxit. Vos verò Illustrissimi Reuerendissimi Proceres & purpurate Magni Ducatus Senatus, hoc solatij in lenimentum doloris capeffite, quòd quem in Ecclesiapientissimum ad aras conspexistis Prælatum, iam cumulationi pietatis in Vos affectu super astra habeatis supplicem: quem Lituania coluit in Cancellaria dignissimum Regentem, iam in sublimi illo cælorum Consistorio, vigilem causarum suarum habitura sit Patronum: quem Diæcesanum Tribunal suspexit Supremum in Spiritualibus arbitrum & Officiale, iam defensorem iurium atq; Sacri Senatus Vestri perenne decus & ornamentum sit experturum: quem denique Magni Ducatus Vniuersitas Vilnensis venerata est Doctorem, iam illius laureata sacræ ac politicæ sapientiæ nomina ad immortalem Ecclesiæ Vestræ & Academiæ splendorem sint perennatura.

*Oratio funebris, anniuersaria defunctorum Sodalium
B. Virginis die, in Vniuersitate Iuliomontana Societatis
IESV habita, postridie Festi Assumptionis Dei-
paræ Virginis.*

Inter communes cæli terræq; applausus, inter
festiuas cætus nostri MARIANI aggratula-
tiones, inter publica & solennia mortalium,
omnium tripudia, en ferale mortis spectaculum,
luctuosa tristis feretri facies! Festiuam Diuæ
Parentis celebritatem, mæsta exceperunt parentalia, læ-
tissimas augustæ diei ferias, funebres turbarunt inferiæ.
Heri orbis Dominam, Domini Dominantium augustissi-
mam Matrem, ad cælorum solia euectam, prolixis su-
mus prosecuti gaudijs, hodie eiusdem Matris charissima
pignora, MARIANÆ nostræ reipubl. commilitones, vitâ
mortali lugemus exutos. Et ferendus quidem æquo
animo dolor hic accideret, nisi vel ideo grauior foret,
quia leuior antè extitit. Abiêre nimirum chara pecto-
ra, & abeuntibus, supremum non diximus vale. Lo-
tum est exanime corpus, & nos lacrymas non affudi-
mus nostras. -- -- *nec cum clamore supremo,*

Labentes oculos clausit amica manus.

Verùm enim uero quo pietatis argumento, charis So-
ciorum Manibus parentabimus? quodue doloris castrum,
nostræ illorumq; mortalitati, ad immortalem commu-
nis fati memoriam excitabimus? Superstitiosa, vitâ fun-
ctorum cultrix antiquitas, aquam velut pellucidum con-
templandæ mortis speculum, ad exanime corpus con-
fluen-

fluentibus exhibebat : vt haustam oculis, mortis imaginem, viuâ semper circumferrent cogitatione. Mortalitatis nimirum humanæ typum, rerumque fluxarum, umbratilem, umbrâq; celerius dilabentem felicitatem, symbolicâ aquarum imagine, religiosa adumbrabat vetustas. Dilabi mortalis momenta vitæ, effluentis instar vndæ, quam cineribus pulueriq; illapsam, nulla humanæ artis recolligat industria, etiam cæca gentilium aduerterat sapientia. Quare quod in natali vniuersorum nihilo, omnia æquè absorberentur, ac olim emerferant, ænigmatico vorantis glutientisq; omnia abyssi documento, sua nostraque erudiuit sæcula. Fuit præterea sublimior pientissimæ Manium cultricis antiquitatis sensus, quàm vt celerrimum euanescentis felicitatis nostræ cursum, non remeaturum vndarum lapsu, duntaxat indigaret. Prompti nimirum & ad amicorum studia facti animi non incongruam pingebat imaginem, mobiles & suapte natura ad ima vallium effusos latices. Vasti æquoris sinu suam dum explicat latitudinem aqua, ad ampliores etiamnum eluctatur benefaciendi limites; abditos imperuiosq; mortali oculo mæandros benefactrix ingressa: digna benefico conferri pectori, quæ nullis bene merendi terminis suam patitur circumscribi indolem. Innumeris riuulis & fontibus diues, orbem tanquam largiendi ambitiosa, suâ ambit munificentia. Nec modò in extimam terræ faciem suorum dispensatrix amnium, verum intimorum terræ recessuum largissima ditatrix; quasi matrem omnium aquam, à qua rigantur fouenturq; omnia, ampliùs sexcentis fontium & riuulorum

argumentis se se comprobat. Beneficium igitur vndarū
genium, æmulata veterum religio, inferorum abdita,
pietate adiit, inani quidem suæ superstitionis, at præ-
claro nostræ eruditionis documento: vt piacularem
flammarum ergastula, litabunda bonis Manibus nostra
visat commiseratio; ultorem diuinæ Nemesis Vulcanum
aut prorsus extinctura, aut benignè placatura. Habe-
mus igitur viua mortis & in mortuos non moritura pie-
tatis specula, quæ artifex vetustatis dextra, communibus
omnium fati contemplandis, in splendidum doloris ca-
strum expoliuit seræque exhibet posteritatis oculo spe-
ctandum. Iuuat Sodales Parthenij pellucida hæc, &
iam à seculis, cinere omnium trita tersaq; inspicere per-
spicilia, & in præterfluentis vndæ imagine (quæ nuper
inopino æquæ ac luctuoso spolio MARIANVM Commilito-
nem & Stagyritæ alumnum rapuit) vitæ nostræ aquâ
citiùs dilabentis momentum, attenta speculati contem-
platione. Iuuat formæ mortalis venustatem, ad in-
evitabilis fati scopum ac scopulum allisæ vanitatem nau-
fragiumque, accurato & veri censores oculo explorare.
Littus est humanæ vitæ meta; ad quam decumanis flu-
ctibus ferociùs agitati appellimus, dum non imensos
vitæ tractus emensi, at immanes Syrtes scopulosq; peri-
culorum præteruecti, ad communem omnium matrem
terram, ceu littus, è quo nuper solueramus, reuertimur.
Quis scit, num Argynum quempiam fatale littus vocet,
suosq; terra appellenti sinus aperiat, ineluctabili mortis
amplexui exceptura hospitem. Timete, quorum delitio-
so iuuentutis flori metendo, dolosa mortis dextra falce
armata

armata insidiatur. Timete in hostis callida stratagemata
circumspecti, quos Agamemnonis trahunt delitiæ. Nam
adhuc Argynæis fatis funebres occinente lessos Proper-
tio, *Sunt Agamemnonias testantia littora curas,*

Quæ notat Argynum pena minantis aquæ.

Adhuc infauſta nomina lugubri lamentantis vndæ
murmure, fluctus in altum tollunt; ludunt huc illuc
agitantes exanime corpus procellæ, totumq; mare lon-
ge lateq; deplorando funeri immugit. Habent nescio
quas mortalitatis humanæ testes voces aquæ; quin etiam
noſtris inſignitæ nominibus, gentilitia humani interitus
inſignia, fuſo in ſpeciem ſtrati marmoris Oceano impres-
serunt. Inſonuere olim plena voce littora & pulchrum
Hylam Neptunus profuſis totius maris vndis complo-
rauit. Scilicet cùm multum quæſitus formoſus Hylas,
nuſquam naufragij veſtigia notaſſet legenda, littus, Hy-
la Hyla omne ſonabat, teſte Pòëta. Dixerunt periſſe
littora, luxere cum littoribus maria. Adeo vel rauco
maris murmure, funeris noſtri nos monet Præfica The-
tys. Crede, quiſquis audaci Icari niſu in àëra vanum
tolleris, ambuſq; ſuperbus, celſa honorum culmina, aut
aurâ leuioreſ blanditiarum illecebras, inani conatu,
ceu cereo alarum remigio tentas: diſſluent vndarum in-
ſtar, ambitioſa fluxaq; ſtudia, quibus latum ad ruinam
aperuit iter, profundo maris abſorpta Icari temeritas.

Nunc quoq; contenti ſtrident Aquilone rudentes,

Inq; modum tumuli concaua ſurgit aqua.

Infamiſ toto fluctuat æquore, quem cæca gloriæ am-
bitio ad litora librabat. Infelix cæli volucris, inuiſa

metamorphosi in fatalem maris Nympham conuersa !
 Proh iuuenilis temeritatis labes , quam maris vnda nun-
 quam satis eluat , cui in seram posteritatem perennatu-
 ræ, immortale nominis & interitus monumentum, erexit
 Icarium mare;

-- .. lapsas ubi perdidit alas ,

Icarus, & vasta nomina fecit aque.

Aquæ certè dignæ, quas inferijs nostris adhibeamus
 Parthenij Sodales; quas memori recolamus mente, dum
 incauta in altum nos leuat ambitio, casûs & extremi
 nescia fati. Voluunt perpetuis fluctibus angusta fune-
 ra, etiam minores vndæ, hõc magis incautis infestæ,
 quò minùs suspectæ securis. Fluit immortalis à morte
 Tyberini, Tyberis, cuius aquas regio nobiles nomine
 nulla vnquam exsiccabit obliuio. Sistamus ad Tyberi-
 ni fluminis ripam, & quoniam serenissima è regio fu-
 nere mortis imago relucet, tanquam ad meridianam lu-
 cem, in alienis nostra discamus discrimina.

Dicitur in Tusca gurgite merlus aque,

Rex Tyberinus.

Heu ferales auari fluminis vortices! Regij splendoris
 lumen tenuis extinxit vnda! Regni columnam, exigua
 subruit procella! Ita vel adoratis orbi capitibus, præco-
 cia fata vt citius adueniant, quasi accelerato per
 flumina nauigio, naufragia & interitum deuehunt.
 Iam, quisquis proiectos à fortuna titulos terra ma-
 riqûe colligis, & emendicata ambitionis cognomen-
 ta accumulas; inscripturus fortè vndis gentilitia nomi-
 na, & noua ab interitu erecturus posteritati stemmata,

Sic

Sic Albula, atrato in regis funere, candida mutauit nomina, & Tyberis hodie audit, augusto Tyberini nobilitatus naufragio: testante Pòëta.

*Albula si memini, tunc mihi nomen erat,
Albula, quem Tyberim mersus Tyberinus in undis
Reddidit.*

Quis iam properantibus suspenso doloſoque pede in caput noſtrum fatis, vt humano vultu vitæq; commercio nos exuant, cineribus oculorum ſidera ſuffundant, & collectam plurium annorum labore gloriam, ceu ſucatam imaginem leui detergant vnda, incautus & inter otioſa fluentium curarum negotia, à ſe diſtractus occurrat? Ne fidas humana pulchri cupido, fulguranti inter niſtitantia gaudiorum momenta, venuſtati; expalleſcit ab exanguis & pallida mortis larua, formoſa Charitum ſpecies. Iacent cineribus obruta, quæ faſtus aſtris inferebat. Fabula & riſus vulgi circumferuntur, quæ orbi terrorem incuſſerant. Iactatur etiamnum hodie, auguſtum Helle Regis Thebarum filia nomen, Hellesponti fluctibus, truditur à ludentis ponti procellis, cui armata cedeſbant militum cohortes: remis nauibusq; teritur Hellespontus, cùm antea Helle, terris & ponto imperaret. Lugent & Ægææ aquæ, funeſta Ægæi fata, immortale nomen ſortitæ à morte Ægæi. Hauſit hic ferrea aureo ab amne fata, dumque ſacram auri ſitim auariùs expleret, vitam ſimul extinxit. Luſit Regis in funere Comædus populus, intemperantis aurei æſtus exhibito ſpectaculo; & vt perpetua tragicæ ſcenæ extarent veſtigia, pedes in ſublime, immerſo aurifluis

fluis vndis regio capite, subditorum extulit iocus. Caue,
quisquis immoderato fulgentis arenæ vreris studio; ne
à fului splendore pulueris, oculis animi perstrictus, fata-
li mortis iciaris caligine:

More vel intereas capti suspensus Achai,

Qui miser auriferâ teste pependit aquâ.

Verùm quid longo marium amniumq; circuitu, no-
strorum scrutamur fatorum vestigia? Orbis hic, quâ pa-
tet vniuersus, publici omnium funeris speculum, in lu-
ctuoso illo humani generis cataclismo, qui perenni me-
moria, adhuc in omnium exundat mentes, exhibet spe-
ctandum. Iacebat operosa Tonantis moles aquis op-
pressa, cæli terræq; illustrissimum lumen, homo, fata-
libus extinctum aquis occiderat, vniuersa terræ imperia
fluctibus operta, apertam stragis humanæ scenam lon-
gè latèq; ostendebant. Nullum in maximo omnium di-
scrimine videre erat discrimen; ferarum animantium
pariter, ac diuina ratione præditarum mentium corpo-
ra, inter decumanis immaniores iactabantur tempesta-
tes: Scepbris rastra, purpuræ lacernis, superba palatia
malè materiatis tuguriolis, confuso naturæ fortunæq;
ordine, permixta fluctuabant.

Occupat hic collem, cymbâ sedet alter aduncâ

Et ducit remos illic, ubi nuper ararat.

Ille super segetes, aut merse culmina villa

Nauigat, hic piscem summa deprendit in ulmo.

Figitur in viridi (sic sors tulit) anchora prato,

Aut subiecta tegunt curua vineta carina,

*Et modò quâ graciles gramen carpsêre capella,
Nunc ibi deformes ponunt sua corpora phocæ.*

Proh confusum rerum mortalium chaos! Vnde maior, quàm ab vndis generis humani clades! Vbi expressa magis mortalitatis nostræ monumenta, quàm in tumulo orbis vniuersi? Felicem vestram MARIANI Socij, astris iam dominantes, vt piè credere fas est, sortem! qui in tranquillo & naufragij omnis nescio mari, Augustissima Dei Parente MARIA, occubuiſtis. Hæc, æquor illud est, quod exanimes Clientum artus, non velut iners exosumq; pondus in littora eijcit; verùm commissa suo sinui, diuinæq; Metanææ tabulis concredita pignora, felici nauigio ad æternæ beatitatis portum apportat. Hæc, pontus ille est, in quo dum mortalis Sociorum vita mergitur, ad fortunatas cælestium incolarum insulas, elisijq; amœniores campis emergit. Hæc, Oceanus ille est, in quo, dum rerum mortalium & vitæ temporalis iacturam facimus, æuiterna fortunarum omnium potimur possessione. Eoum mare, non immeritò, omine ac nomine, gratiarum mare MARIAM dixerim: in quo dum vela facimus, terraq; vrbibusq; ac vita mortali recedentibus, calentes peregrino sole terras petimus; supernæ Oriens patriæ, beata visione spectabilis, nobis aſſulget. Agite iam Sodales Parthenij, quos anceps tenet vitæ mora, fatiq; extremi formidabile momentum: propediem citato cursu, sociorum pressuri vestigia; Vregeamus, sicubi forsitan tarda nauigantium ratis, piaculari quapiam remorâ sistitur, vregeamus inquam, lupulice calis dexterâ celeres remos, suffragiorum Fauonijs

vela validiùs impellamur, ut pretiosæ ac diuinæ pondere gratiæ graues gemmæ [beatos Fratrum Manes intelligo] MARIANO mari deportatæ, & æstuentes sæuientiũ fluctuũ tempestates feliciter præteruetæ, ocius ad cælestis patriæ portum, diuino inferendæ diademati exponantur.

*In funere Admodum Reuerendi Dñi Christophori Hönigk,
Alumni Pontificij, Philosophiæ Auditoris; in Brunopolitano Collegio.
Mense Septembri 1668. defuncti.*

Sua sunt legendo melli statæ tempora, sua quoq; sunt legendis virtutibus circumscripta spatia. Illa certâ anni orbitâ redeunt, hæc nullis inciduntur mensium Calendis. Habet nimirum hoc, arduum vitutis studium, ut non tantũ in angustis operosi laboris sepiatur terminis; verũ etiam incertis ludatur horis; velut periculosa plenum opus aleæ. Hodie magno ausu in cella scientiarum & præclarorum moliminum fastigia rapimur; cras, aut subsidente aditantis animi impetu, aut defuncti studij horâ excurrente, à bene cæptis & præcellis retrò agimur cogitationibus. Quot generosarum mentium proposita, in longas seculorum metas se protenderant, sed vertente iniquæ sortis calu, aut communi rerum mortalium fato cogente, istũ momenti, sunt euerfa? Potior Oeconomicis studijs contigit felicitas, quæ de præstituto anni recurſu secura, de fauentis benignitate naturæ læta, non minùs auidè quàm feliciter, promissos æstatis autumniq; census exigunt. Consultum olim Athenarum & Sapientiæ Oraculum Solon, quo scilicet labore, secura mortales mercarentur præmia, dignam immortalì edidit memoriæ sententiam. Gleba ferro culta, aurea reddit colonis fœdera; at animus aurea literarum virtutisque seменте imbutus, sæpe afflante liuore, inter steriles opum honorumque arenas marcescit. Dispare quocirca sorte, animorum & aruorum culturæ incumbimus. Ut ambrosias apum opes, studiola congreget dextera, sat est, si rideatis fauor auræ, comportandis florum spolijs annuat; at cælis profluum uectar, diuinæ particulam auræ, sinceram inquam virtutem, negotioso complecti pectore, extra fortunæ omnem aleam, auramq; humanæ sortis est positum. Ut uectaros rotis florumq; partus, obstetricante mellitarum volucrum labore, læto sibi excipias, castra duntaxat, palabundo per florum delicias exercitui, figas oportet: at ut virtutis & sapientiæ fructus victor reportes, non solum tantũ in alienis parta laboribus, inter voluptatum illecebras colligere sufficit, verũ in nulla non tentanda est periculorum alea, nulla non sustinenda quam fors tulerit, & vincenda

cenda difficultatum acies. Te ego hic compello Admodum Reuerende ac Erudite Domine, Christophore Hönigk, ab ipso cognomento, melleo cognatus nectari, à virtutum verò & scientiæ insigni profectu, argumentosa apis non immeritò dicendus. Collegisti in Elysijs Hosiani Atheoxi campis vberissima virtutum & Sapientiæ mella, tantà boni in Christo odoris fragrantia, tantà lectissimarum opum copia, vt & ambrosiæ laudis suauitatem in gentilitio nomine possederis, & modestissimæ conuersationis fructibus, Parthenia & Pontificia elaborandæ probitati & scientiæ destinata aluearia impleueris. Genuinæ & à Regia stirpe non degeneris apiculæ indoles est, in natales laborum & operum sedes, florum rorisq; ætherei inferre diuitias; atq; vt de genio ambrosiarum alieum doctissimus meminit Varro, exiguis licet corporibus, regiæ tamen amplitudinis animus inest, qui cælis rorantes gemmas, & terræ florentes delitias, suorum materiem laborum sibi vendicant. Non humile & vulgari animantium palato, obuium carpunt pabulum, nobiles ruricolæ; sed fudantes è rosis lilijque gemmas, suis appendunt humeris, vt ipsis suauitatum delitijs se satrites, regijs ornatas splendoribus ostendant. Non dispar api nostræ argumentosæ in pulcherrima virtutum fruge legenda fuit indoles. Sensit delicatissimæ mentis palato, quibus herbis inesset toxicum, quibus malè spirantis odoris deprauata aspergeretur consuetudo, quibus Veneris color odorque non obscuris prodiret argumentis. Atque vt eiusmodi contagiosam herbarum luem, securo declinaret tramite, ad conclusos literariæ iuuentutis hortos se contulit: pro quorum altero, peruigil Summi Antistitis clauis excubat, alterum MARIANA turris, mille clypeis & omni armaturâ fortium munita custodit. Soleane apud Diuum Ambrosium (ad cuius cunas examen apum conuolasse fertur) nectareæ volucris est encomium. Rore pascitur apis, suauiterque pasta, suauiores elaborat melliti partus fauos: & cum sit robore infirma, valida est vigore sapientiæ. Et certè, quis in vili apum ad speciem ingenio, sublimis Sapientiæ latere documenta non videt? Admirandæ artis suæ munera, æquo inter se labore partiuntur; diuino propè artificio melleas moles erigunt, nectareisq; distinguunt habitaculis; annuam alimoniam prouidè conduunt, quasi in futura tempora sollicitas exporrigerent cogitationes. Alternis tanquam in exercitu somnum capeffunt, communes utilitates in medium afferunt: nil interim curæ & diligentia in se rebulque suis tuendis prætermittunt. Taceo sexcenta alia diuinæ sapientiæ vestigia, quæ sat illustri sunt indicio, genus esse cælicum oris prognatum (ita eruditissimus Plinius) & sine ratione viuere, rationi conformes. Hanc quoque encomij partem, argumentosa apis nostra, meritisimo sibi vendicat elogio. Nihil siquidem in suauissimis moribus cernere erat vel ab oculatissimo, quod

insigni non esset præditum prudentia. Nil in dicendo agendoq; incultum, nil domi forisq; à compositisimo animo profectum, quod ad Sapientiam Sanctorum non esset accommodatum, omnibusq; probitatis numeris absolutum. Princeps ambrosiarum volucrum laus est, quod virgine animo & intaminato corpore cæteras excellent animantes, & quamvis

-- -- -- angustus terminus ævi

Excipiat, (neq; enim plus septima ducitur æstas)

At genus immortale manet multosq; per annos

Stat fortuna domus, & aui numerantur auorum.

Ita cælibem progeniem immortalis non destituit ætas. Ita gloria nominis in seros vsq; propagatur annos, dum sibi vni vivere quis contentus, posterorum accelsione, non accumulat nomina. Hoc quoq; tuas inter meritisimas laudes, intemerata corpore menteq; apis censeatur, quod intaminatum è vinculis corporis spiritum, in diuina cælitum aluesia extuleris. Et quamvis arcto spatio vitæ terminum inuida fata circumscripterint, nullam tamen metam æternis meritis atque virtutibus vlla vnquam ponet obliuio.



*Omen de secundo Seculo Athenæi Brunopolitani,
Oratoria Diuinatione propositum.*

Anno seculari eiusdem Athenæi Societatis I a s v
Anno Domini 1665.

EXegit monumentum ære perennius, primum or-
tus sui sæculum, Pallas nostra Brunopolitana. Aud.
EXegit inquam propitio cæli Numine, fauente
Illustrissimorum munificencia Principum, adnitente sa-
cro Perillustrium Procerum Senatu, applaudente deni-
que bonorum omnium gaudio atque gratulatione. Et
iam, quod ad Ter Maximi gloriam Numinis feliciter
cedat, quod ad vberissima virtutum atque scientiarum in-
crementa, ad vniuersæ Reipub. literariæ emolumentū
bene eueniat, alterum natalis sui æuum, Pallas nostra
hodie ingreditur, felici vt ominor auspicio, quia se-
cundum. Faxint Superi vt tot sulca præsidijs, quot
beneficentissimos numerat Mecænates; tot nixa colu-
mnis, quot infractos suæ defensionis censet Hercules;
tot illustrata luminibus, quot Illustrissima Præsulum ve-
neratur sidera; iterum contra cæcā errorum caliginem,
inuietæ veritatis robore, contra vile indoctarum men-
tium vulgus, cultissima ingeniorum acie dimicet atque
triumphet. Verū quodnam alterum renascentis suæ
lucis sæculum alma nostra literarum Respub: hodie ex-
orditur? illudne quod duro inclementius ferro, fera fer-
reaque mortales exasperauit indole? an illud, quo vixit
athenea proles, sæuior ingenijs & ad horrida promptior
arma? an alterum, quo auro deterior, fuluo pretiosior
ære, argentea candidæ mentis indoles florebat? an il-
lud denique beatissimum recens conditi orbis, aureaque

ætatis sæculum? flumina quo lactis, quo flumina ne-
ctaris ibant, quando nullo vindice fidem rectumq; auita
nostri generis ætas colebat? quando vomere intacta
tellus, vberes profudit diuite sinu diuitias, solo inteme-
ratae bonitatis instinctu? Dicam, & eloquentiae parentem
magnum de Diuinatione Rhetorem secutus, etiam præ-
dicam: cuius nimirum sorte sæculi, res nostrae literariae
secuturis stabunt annis. Nemo mihi aut potius incly-
to literarum Athenæo, infausto omine ferrea portendat
sæcula. Immite ferri ingenium est, ad verbera obsti-
natum, malleorum ictibus contumax, vix graui flam-
marum supplicio ad obsequium cogitur. Totam arde-
re Vulcani officinam est necesse, immanes Cyclo-
pum tu-
multuari manus, ventosos ad incendia agitari folles: vt
vel tenuem è duro ferro extundas clauum; tanto appa-
ratûs molimine, tanto laborum agmine, quanto vel
septena orbis miracula iterum è ruderibus, excitares.
Dispar longè est mansuetissima sacrae profanaeque; Palladis
indoles, quæ ipsa facillimo facta est ingenio, & alio-
rum genios facili fingere dexterâ, ad recti bonique; nutum
potest. Hâc si saxea mortalium animaueris pectora, ite-
rum auritas rupium saxorumque moles à dicentis ore sa-
pientiae pendere spectabis. si syluestres ferosque barba-
rorum animos imbueris, iterum ferarum latibula, cæca
animantium spelæa, vastos sylvarum nemorumque; tra-
ctus, altis reuulsos radicibus, à flexanima pectorum sa-
pientia non modò moueri, agitari, sed etiam ad huma-
nam mansuescere bonitatem aduertes. Hâc denique si
diffuentes fortunæ licentiâ animos, & decumanis affe-
ctuum fluctibus abreptos composueris, iterum indomi-

tos,

tos rapacissimorum impetus fluminum, effrenes ponti procellas, ad mansueta sapientiæ imperia còerceri, neq; modò licentiosos ponere fluctus, sed etiam fixo stare vestigio & rapidissimos cursus suspendere miraberis. Tanta in omnes quibus cum egerit, optimarum artium, est mansuetudo, tantum mansuetudinis imperium, tanta imperij efficacia, vt vano certè prædicere augurio mihi videatur, quisquis prædixerit, Palladem nostram ferrei sorte sæculi & iniquâ temporum fortunâ olim exercendam. Cum faxeis colluctandum erit ingenijs? colluctabitur flexanima mentium Regina Sapientia. Cum syluescente congregiendum barbarie? congregientur mansuetissimæ literæ, ipsamque hominibus humanitatem restituent. Ferro contumacior durities erit triumphanda? triumphabit victrix animorum Pallas inuictissima. Exerat durissimas rerum vices, & extrema temporum fata iniquum ferreumque sæculum obtrudat: mansuescent credite, cuncta à mitis consuetudine cultuq; ingenij: & noua metamorphosi in aureum vertetur æuum ferrea sæculi facies. Vile ad hæc ferri genus est & humilioris fortis metallum, quàm vt Reginam animorum sapientiam sub ferrei seruitutem æui mittat. Scio etiam altis dominari fastigijs breues dies horasq;, nedum longa sæcula; quin & breuissima momenta ferreâ quandoque induisse temporum necessitate, coronata sapientiæ capita: & victricia orbis sceptrâ, turpi temporis obsequio mancipasse, non ignoro. Scio hæc, nec diffiteor, sed non nescio etiam, omnibus sua quidem imperare tempora, sed omnibus non omnium imperare temporum horas. Veritur luis distinctus sideribus annus; veri æstas, æstati

autumnus, autumnus hyems perpetua temporum succedunt necessitudine. & si quispiam tam amica solui vincula, tam sacros rumpi nexus, præsaga doceat oratione, nonne illum reum naturæ, iurati perduellem fæderis, vnanimis damnabit naturæ Resp: ? Apage ad rura aruique incolas, ferrei sæculi imperia; ibi, si regnandum sit, ligonum, vomerum, securium, aratrorum ferrea ancillabuntur obsequia. Nemini seruire nata est liberrima artium Minerua, liberis etiam facta est imperare mentibus. Celeres denique temporis alas, pernices dierum pennas, quis nesciat? volat irrevocabilis annus, ocyor Euris, ocyor alite. & certè pernicissimum illud tempus sit oportet, quod literarum spatia computet, quod volantis ingenij operationes numeret, quod æquo passu comitetur naturæ rationisque instantia, Philosophicis tantum & Theologicis cognita subtilitatibus. quomodo verò tardograduens pede, graui onusta pondere ferrea sæculi moles, tam sublimes celeresque ingeniorum motus cursulque, quin & pernicissimos volatus comitetur? comitari autem indiuiduo passu est necesse, si temporis nomina, partesque sibi vendicat. Securas igitur tutasque à ferrei terrore sæculi vos hodie pronuncio; credite non vanè omnianti, pereruditæ Brunopolis nostræ Athenæ. Sed forte aheneum Martis æuum, armis formidabile, infame cædibus, humano cruentum sanguine extimescitis? Pudeat magnas animas pannici timoris! non est meticulosum aut imbellè magnanimæ nostræ Palladis pectus, quæ multis fatalem millibus hastam, pro aris focusque vestris tuendis vibrat; etiam Martijs formidandam animis. Civilium armorum ruinas longè lateque perstreptentes, etiam nostris

nostris obmurmurantes auribus perhorrescitis? non horret Bellonæ minas Minerua, eruditarum parens mentium: quam ob calcata minarum terrecula ad Diuinum Mineruæ nomen & immortales tanti nominis honores, sacra euexit antiquitas. Instructas magnis copijs acies, & dubio vtrinq; Marte, quamuis non dubiâ populorum ruinâ concurrentes expauescitis? fortior & felicior est vestra ingeniorum acies, acutis inuictæ sapientiæ armata spiculis, sexcentis infractæ veritatis telis accincta, quam, si vel totus illabatur orbis, nedum Sarmaticus, impavidam ferient ruinæ. Belli fulmina, Martis tonitrua, Scipiones, Annibales, & si quod aliud eiusmodi imperij bustum vestris impendet capitibus, auersanimi? Sciunt illustrissima Oratorum Numina, facundissimi Pericles, eloquentissimi Demosthenes, fulminare, tonare, & coniurata tumultuantium consilia, non modò miscere, sed etiam infringere, euertere, extirpare. Ad Martiale denique belli classicum ignauæ cuiuspiam aures trepidant? non trepidat ad tricenos tubarum clangores, sacer Musarum senatus, arma virumque intrepido occinentium classico. Et certè ardeant bellis imperia, perstrepat armorum tempestate Oceanus, eripiant cælo solem, concitatae telorum grandines, immugiat horrendo globorum tonitru orbis: altius, altius se extulerunt literariæ pacis fastigia, quàm vt ahenei strepitus sæculi, altissima illa interturbent opia. Didicistis è vatum monumentis opinor, quemadmodum super mortalia euectum, laureatum illud literarum Numen, sideribus vicina incolat montium cacumina? hoc natale sapientiæ solum est. Legistis, vt altissimo orbis sa-

stigio altior nouena Musarum corona ; celsitudine animi
magis quàm montis fastigio , non procul à polo degens
Apollo , in sublimi illa statione , tranquilla scientiarum
castra metatus , immota sereni vultus Maiestate , rerum
mortalium despiciat tumultus , fatiscentium ruinam
temporum contemnat ? hæc sapientiæ secura est tran-
quillitas , hic altissimæ pacis sinus . Quid igitur ne-
cessitudinis Palladi cum Marte , quid familiaritatis , cum
Bellona Mineruæ , intercedat : quos tanta animorum &
locorum distraxerunt interualla , non video . Optimum
certè factu videtur , vt iuratos literarum hostes , è fini-
bus sapientiæ , ad extremam vsq; Thulen amandemus .
Sed iam candida argentei sæculi venustas , animum o-
culosque ad sui contemplationem prouocat . Verùm
non rapitur sublimis ille Palladis oculus argentei luce
sæculi . Mixtus pulueri splendor est , acres nequit fal-
lere oculos . Sidere prognatus sapientis animus & æ-
terno iure dominaturus astris , non patitur nobilem or-
tus sui profapiam , fucato splendore irradiari , qui lucem
& speciosa nomina à candido puluere emendicauit .
Celsior literarum fortuna est , quàm vt immortalia suæ
dignitatis nomina , eiusmodi æri inscribat , quod emen-
tito fulgurat nitore . Cæleste & inter stellantes poli
gemmas , sæculum Sapientis perennat : quomodo pal-
lidæ fuco glebæ cælestem contaminet lucem ? At si diurni
nocturnique elucubrationum labores libris impalle-
scant , nonne argentei faciem sæculi referent ? si inte-
gerrimus vitæ morumque candor , literarum alumni
respersus niteat , nonne candidi nota erit temporis ? si
lectissima sapientiæ candidorum capita , vbere partu

Minerua

Minerua proferat; si suos etiam religiosi instituti candidatos, sacrae familiae è nostro legant Athenæo, an luculentius candidæ ætatis argumentum quis desideret? illustre, hæc omnia sunt fateor, argentei temporis ornamentum, sed illustrius Palladis micat sæculum, quia aureum. *Auratos Rhodijs imbres nascente Minerua*

Indulsiſſe Iouem perhibent -- -- --

Poëtæ: tanta, vel ipso nascentis sapientiæ natali, temporum coeperat felicitas! Quantam ab adulta iam & ad summa temporum gloriæq; fastigia euecta, fas est ominari? Et certè, dum superiora illa Athenæi tempora natalemq; eius ortum memoriâ relego, atq; nascentis exordia cum adolescentis progressu, progressum cum florido eiusdem statu, hunc demum cum adulta maturaq; gloria comparo: intelligo non obscure nascentem eius lucis auroram, in meridianum altissimæ diei effulsiſſe splendorem, teneras eius plantulas, in proceras pulcherrimasque surrexiſſe arbores, angustos riuulos, in longè lateq; exundantia flumina excreuiſſe. Et hæc adolescentis etiamnum Mineruæ, superiori sæculo fuerunt primordia; quantam auguramur fore adultæ gloriæ & ad alterum æuum prouectæ! Erit illud. [sic augurari iubet ipse præses temporum, aurei moderator æui Phæbus] erit, inquam, illud secundi sæculi tempus: quo iterum sapientia aureo orbem inuiſet curru.

Aureus axis erit Themo aureus, aurea summa

Caruatura rota -- -- --

Scilicet fului pretio metalli venalis hætenus proſtabat honor: iam pretiosum aurum ipsæ erunt literæ, quo ceu aureo Effredo ad sacra profanaque honorum culmina,

na, euehantur literati. Erit illud opulentissimum aureo exundantis flumine æuum sapientiæ : quo

Quantum stagna Tagi pulchris stillantia venis

Effluxere decus, quanto pretiosa metallo

Hermi ripa micat, quantus per Lydia culta

Despumat rutilas diues Pactolus arenas,

Tantis multoq; nobilioribus affluet scientiæ opibus, aureum Athenæi nostri sæculum : vt aurei torrentis instar, patrias peregrinasq; inauret terras; erit deniq; aurea illa & coronata laureati soli vbertas, quâ

Arboræ frondes auro radiante nitentes,

Ex auro ramos ex auro poma reducent.

Tanta, fertilis soli emicabit felicitas, vt opulentas sapientiæ fructibus lauros proferat quam plurimas. Vnū duntaxat in tanta aureæ felicitatis vbertate præstari vehementer cupio; ab omnibus quidem, sed ab ijs potissimum, quibus sincerus suadæ amor alto insedit pectore; ne angustos inopelque ad tantam opum colligendam copiam afferant animos. Vastæ sunt literarum opes, facundiæ verò flumina amplissima. Inuictos lationes, periculis omnibus superiores esse oportet : quibus ad aureum sapientiæ vellus eluctari per vastissimum eloquentiæ oceanum est statutum. Execrandus alibi sit diuitiarum æstus, hic etiam laudandum censeo, qui

nonnisi toto eloquentiæ flumine sua

patitur extinguī desi-

deria.

ILLUSTRISSIMO & REVERENDISSIMO
D O M I N O,

D. S T A N I S L A O
S W I Ę C I C K I

Dei & Apostolicæ Sedis Gratiâ
EPISCOPO CHELMENSI.

Fundatori SS. THEOLOGIÆ

In Collegio Varfauienti Societatis J E S V.

Nec non

ILLUSTRISSIMO & REVERENDISSIMO
Dñorum D. Procerum & Canonorum

VARSAVIENSIVM CAPITVLO ;

Illustissimis, Perillustribus, Reuerendissimis,

PRÆSVLIBVS, ABBATIBVS, & PRÆLATIS,

Dominis D. Patronis & Fautoribus
Obseruandissimis;

Nominatim
PERILLVSTRI & REVERENDISSIMO
DOMINO,
D. STANISLAO SWIĘCICKI,
Abbati Tremesnensi, Generali in Spiritua-
libus per Varfauiensem Archidiacono
Vicario,

Dño D. MECÆNATI COLENDISSIMO;
Perpetuæ obseruantiaë & demississimæ Venerationis ergò
Offert Dedicatq̃ue

Orationem pro Introductione Sacrosanctæ Theologiæ,
ad Publicum Auditorium Collegij Varfauienfis
Societatis J E S V ,

Habitam ;

Obligatissima semper & deuinctissima Illustrissimo Suo
Fundatori cæterisq̃; Mecænatibus ,

THEOLOGICA FACVLTAS
Collegij Varfauienfis, Minimæ Societatis J E S V .
Anno Introductæ in Orbem Incarnatæ Sapientia.

1 6 8 0.

O R A T I O
P R O I N T R O D U C T I O N E
T H E O L O G I C Æ F A C U L T A T I S

ad Scholas Varisaviensis Collegij Societatis IESV.

PEr tinere ad augustam Lechiæ vniuersæ fortunam videbatur, vt vbi locorum Regnatricis orbis Poloniæ Maiestas domicilium thronumque fixisset; ibidem Regina Regum, Principumque Moderatorix Diuina Pallas, suam metaretur conderetque sedem. Si enim è cælestis effato oraculi, per Sapientiæ Comitibus suffragiaque, ceu diuina quædam Senatus consulta, Reges sceptrum capessunt, & Principes imperia adeunt; neutiquam otioso comitatu, Regum latera custos stipabit Diuina Sapientia, cuius calculo delata dominandi potestas, conditum firmatumque; folium, inserta vertici manibusque; Imperialia regni & Maiestatis insignia. Armata scilicet lanceâque; instructa iam, olim à sacra doctâque; vetustate, Pallas; num infida ignauaque; manu, pro communi omnium pectore & Capite Regio, vibrabit in spiculo non tam armorum quam ingeniorum aciem? An potius, quia à minando audit Minerua, minis quas reis Maiestatum diuinæ intentant literæ, telisque; quæ fatidica Patrum in rebelles iaciunt oracula, refractarias ad submissionem Principis, bonique; curam publici

compellet sectas? Quò fiat, vt sicut Orientis victor, Vmbo
Regius, pro regni securitate excubat, ita diuinarum asse-
cla sedium Sapiaentia, pro throno Maiestatis & Regalis
Scuti perennitate strenuè adlaboret. Regnorum atque
orthodoxæ rei, validissima semper fuit tutatrix Theolo-
gia; nullius exclusa Principis imperio, nullius à solio Re-
gis iussa discedere, nisi à cuius conscientia directrix prius
recessisset. At quàm fatali rerum euentu illa pedem impe-
rijs efferre sit iussa, aut inferre vetita, adhuc hiant al-
tissimo faucibus religionis vulnere, tot sectis discerpta
& dilaniata hodie loquuntur regna. Quæ si æter-
nis diuinæ sapientiæ rationibus, publica momenta &
immane statûs chaos definiuissent, non erant tam exitiali
fine terminatura, tot seculorum collectam catholicæ re-
ligionis gloriam, & sacrosancta auitæ fidei nomina, etiam
Regum capitibus & sanguine abolitura. Quis credat
Angliæ regna tantis fuisse irretienda domestici statûs li-
tibus, & planè Cimmerijs Caluini sepelienda tenebris, nisi
ingeniorum & animorû solem Theologiam, diuinæ iubar
Sapientiæ, in sublati Sanctissimis Ecclesiæ Antistitibus,
peremptisq; doctissimis Vniuersitatum Theologis, prius
extinxissent? Quis credat subditorum licentiam, effra-
ctis diuini humaniq; iuris repagulis, in Regnatrices Maie-
states, adorata terris Numina, adeo insolenter fuisse graf-
saturam? vt alterum throno thoroq; exaut horatum, ipsoq;
regno exutum, ad patrios lares relegaret; alterum specio-
so sed callido regiæ securitatis curandæ studio, ad vin-
cula necemq; conquireret? Quin eousq; effrenata refra-
ctariæ plebis efferuesceret insolentia, vt publica regio ca-
piti

piti arma intentauerit; Ausura fortè iterum, (si iniqua forte magna rerum momenta ita verterentur) lictoris ferro, per sceleris immanitatem de regio triumphare capite, quod nuper in Patre decusserat. Quis credat inquam, eousq; statuum omnium, ordinumq; regni, ferociam fuisse progressuram? nisi semel rupto licentiæ freno, extincta Catholicæ Religionis face, repudiata conscientia ductrice, contempta orbis orthodoxi Magistra, conculcata status politici & sceptrorum Moderatrice (Theologiam, cælestem Sapientiam intelligo) in omne nefas ac rebellionis prærupta laxasset habenas. Frustra sublato turgentium fluctuum aggere, scilicet validissima affectuum temperatrice Theologia, leues politicarum legum obices opponuntur cobibendis licentiosis quiduis agendi animis; quos vna duntaxat sanctioris disciplina formatrix Theologia, grauissimo æternarum legum pondere, in recti honestiq; studio potest figere. Taceo infelicem hodie, olim felicissimam Hungariam, magna regni sui parte ab Ottomannica subiugatam Cynthia, quæ quondam Marianâ triumphabat Lunâ, lectissimo encomio, Domina imperium nuncupata. Cessit in prædam & direptionem immanibus Turcarum manibus, postquam religionis caput septemcapiti Hæresum Hydræ submisit. Quanta porro stabilitate inter decumanas bellorum tempestates, & sexcenta publicarum rerum discrimina, stat, non minus religione & pietate, quam religiosissimis ac pientissimis Principibus florentissima Austria, & in Austria ceu inconcussa Religionis basi Romanum perstat imperium! Quod profligata fidei morumq; machinatoribus pridem forte succubuisset,

nisi tot Theologorum castris fuisset propugnatum, quor
sub imperialibus Romanæ Aquilæ signis celeberrimas
Vniuersitates, ceu validissimas Succenturiatorū Sapien-
tiæ Militum acies recenlet. Quemadmodum; dirutis
vrbiū mānibus, euerfis arcium propugnaculis, iner-
mem oportet cedere arctæ obsidioni populum; ita per
factionum cuniculos, explosis in auras, sapientiæ præ-
sidijs, aut de statione foundationum deturbatis fortissi-
mis Sapientiæ Athletis, necesse est personatæ sapientiæ
capita, venenatis Machiaueli principijs, sacra omnia sus-
deq; vertere, & eumentitos morum cultum formamq; san-
ctitatis Atheistas & Pseudopoliticos, nec non blandientes
Janfenij Protheos, suspenso ad fraudem pede, regnis irre-
pentes, in sinu non tam prouinciarum quàm conscientia-
rum, atrocissimā licentiā grassari; & quocunq; sese ver-
terint pedemq; intulerint, lethali morfu immedica-
bile vulnus incautis infligere mentibus, & tandem
diffuso impune contagiosæ doctrinæ veneno, longē
lateq; per regnorum vrbiūq; tractus, miserandam
animarum stragem ubiq; edere. Documento sint seriæq;
cautelæ Galliarum regna, pestifera Janfenij lue, non sine
innumera animarum clade, compluribus annis vexata.
Quibus medendis, sæpius coacta Gallicanæ Ecclesiæ An-
tistitum Doctorumq; concilia, ipsoq; adlaborante Sedis
Apostolicæ Maximo Moderatore, etiam intentato stricto-
que in callidissimos fidei morumq; euerfores, anathema-
tum gladio, vix vulneri altissimo aut medelam fecerunt,
aut putridam opinionum luem ex integro resecuerunt.
felicia regna, felicesq; eas prouincias, quas pericula alie-
na,

na, (si tamen aliena, nostris necdum illata finibus) faciunt
cautas ! At verò faciunt etiam cautissimas. Ita me
omnesq; sanctè arbitrari iubet, doctissima humanisque
pariter ac diuinis literis cultissima Polonia, cui abunde
suppetunt laureata Doctorum agmina, hodie etiam nouis
colonijs ad Regum sedem traductis, adaucta. Vt non
vana spe eos laborum fructus polliceri Ecclesiæ liceat,
quos præterlapso seculo, ab hæresi per vastissima Septem-
trionis regna diffusa propagataque, reportauit coronata
fidei promotrix Theologia; è liliatis Sapientiæ castris, Pa-
risiensem Vniuersitate, ad prælium quo pæne totus tunc
ardebat orbis, subeundum sustinendumque, Duce Diuo
Ignatio, edueta. Gemebat, (infandum melior hodie
rerum facies iubet non renouare sed releuare dolorem,)
gemebat inquam, altero retrò seculo Septemtrio exitiali
prostratus Venerei transfugæ hæresi, cùm miseratus ef-
fusam ad barathrum ruentium animarum copiam, nouis-
simæ minimæq; cohortis sub militaribus diuinæ Sapien-
tiæ signis Ductor Ignatius, paruam sed validam Theolo-
gorum manum, maximis in Europa & Oriente, fidei ho-
stium exercitibus opposuit. Conflixit magno orbis do-
mitore Alexandro maior, minimæ Societatis Dux Ignatius.
Veriùs quàm Alexander, altera manu, scilicet Xaverio, O-
rientem; altera, cæterorum Sociorum manu Occidentem
triumphans. Ita cùm vastissimo D. Ignatij pectori, v-
nius orbis non sufficerent emolumenta, expansis inter-
minatæ suæ charitatis brachiis, orbem vtrumq; est com-
plexus. Conflixit igitur doctissimum Theologorum
agmen, non alio armorum quàm cælestis Scientiæ præ-

fidio instructum, & à profligata hæresi, ethnicaq; superstitione victrices Romanæ Religionis Capitolio intulit palmas. nulla vnquam ætatum obliuione hostiumque odio conuellendas; vtpote quibus immarcescibilem laudis gloriæq; vigorem, Vaticana Summi Præsulis oracula afflauerunt. Iam Vatiniano liuore succense Zoile, & laureatum nouem Doctorum agmen, Decano ipsoq; Doctore D. Ignatio, inuido sarcasticoq; dente, rabularum instar carpe atq; lacera. quia scilicet docti sacrique honoris fructus ipse decerpere non possis. Plus certè solatiij & vtilitatis afflictissimis Ecclesiæ rebus, decemuiratus doctissimorum Patrum attulit, quàm innumera Erronum illorum publicis criminibus vstulata capita inflixerint detrimenti. Prodierant illa infelicissima ætate fastuosa Apostatarum capita, gigantum instar minis erecta, in Cælicolas & Supremum Ecclesiæ Caput; diceres Jouem Cælitesq; astris deturbatura, & inconcussæ petreæ robur elisura, quod tamen vel fractus illapsusq; non labefactaret orbis. Ita illi dolos dolis, fraudes fraudibus, argumenta vel potius figmenta figmentis, ceu montes montibus superstruebant, & sexcentos confusarum mentiū errores, nouæ turri Babel ad Romanæ Ecclesiæ subuersionem erigendæ, comportabant: cùm ecce diuini instinctu consilij & Vaticani Antistitis Romaniq; Senatus sacroconsulto, Lecti Societatis Iesv decemuiro, at virium animique conspiratione, omnes vir vnus, confusam illam congestarum ex vetustis & obsoletis hæresum ruderibus machinam, ceu prognatas aranearum veneno telas, Spiritus Apostolici ac Theologicæ sapientiæ virtute in auras ventosq;

tosq; diffilarunt inanes. nemine virtutillorum ac Sapien-
tiæ, olim vel hodie inuidente ; nisi qui refragari audet
Pontificio encomio, palam in precatorijs Ecclesiæ tabulis
attestanti ; Deum sicut alios alijs temporibus sanctos vi-
ros, ita Luthero, eiusdemq; temporis hæreticis, Ignatium
& institutam ab eo Societatem obiecisse. Videbatur ve-
nustissima semper florentis Ecclesiæ facies quasi conse-
nuisse, & inter caliginosas hæresum nebulas, auita illius
obscurari elegancia, quin viribus labascere, militibus de-
stitui, splendore Romani nominis obtenebrescere ; dum
ecce Sapientiæ diuinæ inuento, diuinâq; Societatis decem
Sapientum operâ adlaboratum effectumq; est, (ita locu-
pletissimo Ecclesiæ ipsius testimonio, tanquam vaticinio
Spiritus Sancti ore prodente) vt & nouo militarium co-
piarum subsidio, Antesignano Ignatio, Ecclesia grauif-
simis laceßita bellis roboraretur, & diuini Romaniq;ue
nominis gloria, ad extremam vsq; Thulen & inaccessos
orbis marisq; fines propagaretur ; & in Europæ imperijs
fidelium instauraretur pietas, deterfaq; vetustate, primæ-
uus templis cum fidei vigore rediret religionis nitor ; hu-
manæq; pretia salutis Sacramenta, cordi vsuiq; fidelium,
& chariora æstimarentur, & adhiberentur frequentiora.
Iam pace tua Hipponensis Theologorum gemma, dicere
liceat. Magnus in mundum venit Medicus, medicinâ
mentium, Theologicâ scientia allatâ, quam ab ipsis lite-
rarum incunabulis exordiendo, inaudito ab hominum
memoria exemplo, comparauerat, Vir inter aulæ splen-
dore & Martis laureas, heroica laude nuper consumatus;
hodie inter elementarios Grammaticæ commilitones pue-
ros,

ros, & minaces Magistri ferulas repuerascens Ignatius. Magnus inquam in mundū venit Medicus, quia magnus in mundo iacebat ægrotus; Vniuersus scilicet Septentrio contagiosa Lutheri Caluiniq; lue lethaliter afflatus. Cū multorum primæua refrixisset charitas, ignis cælestis Ignatius, prælucente illustrissimo Nominis & Numinis IESV iubare, ceu diuinæ lucis fonte, animis cælestium bonorum studio iterum inflammandis est destinatus; vt & pietatis igniculos & lumen Sapientiæ teneræ instillaret ætati. Tot erectis vbiq; mansuetiorū literarum Athenæis, & publicis seueriorum disciplinarum Vniuersitatibus, quot à nascentis mundi incunabulis, ante Ignatij & Societatis IESV tempora, orbis vidit nunquam. Vt verò sapientiæ documenta, liberali in omnes dispensaret operâ, nullo sui suorumq; commodo, nisi augmento maioris Dei gloriæ vnico, non vni duntaxat regioni illustrandæ, Musarum & diuinioris Palladis lycæa erexit, sed quaquauersum illucescit Oriens, ardet Meridies, frigescit Septentrio, obscuratur tegiturq; Occidens, vbiq; constanti sapientiæ sanctitatisq; institutione, ceu aperto vigiliq; in publicam orbis vtilitatem oculo excubat. Qui nec in Oriente, exorientis primordia nominis, in priuatam reflectit lucem; nec in Meridie fastu propagati inflammatur nominis; nec in Septentrione, inter extinctæ fidei & pietatis hyemes, arctatâ & quasi à frigore constricta algescit charitate; nec in Occidente in otium & laborum vesperras languente occumbit constantia. Quid mirum proinde, si ad ortum lucemque tanti sideris, quod orbem studiorum suorum ambitu complectitur, nullasq;
non

non errorum noctes dissipat, illico immanes hæresum bel-
lua, Ecclesiam diductis in errantium animarum perni-
ciem faucibus circumcursantes, spelæis antrisq; suis con-
dantur, atq; à veritate errorũ iudice & censore deprehen-
sæ, suis se damnent latebris; neq; tantum audacis animi
retineant, vt publico disputationum conflictu cum veri-
tate congregari audeant, certæ nimirum, luci à tenebris fu-
gatis, cessuram triumphalem veritatis lauream. Ita re-
gium illud vaticinium & huic consonat elogio, Ortus
est Sol, bestię in suis cubilibus collocabuntur. Ferue-
bat orbis orthodoxus, distortis dissidentium ingeniorum
sententijs, & vt magna incendia è tenui quandoq; nascun-
tur scintilla, ita è leuium altercationum semine, etiam
bella prodierunt, quæ distractis regnis, totâq; pæne Euro-
pâ in accerrimos fidei conflictus & deplorandas innu-
merabilium fidelium clades dilaceratâ, non vrbs vnus sed
orbis totiũs excitarunt incendium. Non facile tantæ
flammæ, aut sapientiâ cuiuspiam sopiendæ, aut authori-
tate componendæ aut opprimendæ potentiâ videbantur,
Sed fortior horum omnium extitit Sapientia, cuius præsi-
dio instructus Ignatius, cùm è Vaticanis septemcollibus,
ceu publicis sapientiæ exedris ipse detonaret, & distribu-
ti per Italiam Germaniam Galliasq; Socij, circumuentum
rabularum & fabularum fraudibus indoctum vulgus, ad
saniora & pacatiora reuocarent, illico magna ecclesiæ pax
est restituta, reddita orbi quam Hæresis eripuisse vide-
batur veritas, veritati mentium serenitas, serenitati pu-
blica regnorum tranquillitas. Euenit tum verè illud va-
tis Heroici:

-- -- magno in populo si forte coorta est
Seditio, seuitq; animis ignobile vulgus,
Iamq; faces & saxa volant, furor arma ministrat,
Tum pietate grauem ac meritis, si forte virum quem
Conspexere, silent, arrectisq; auribus adstant,
Ille regit dictis animos & pectora mulcet.

Ita tum orbis tumultuans conticuit, & alta admiratione hæresis obstupuit, dum scilicet veritas & sapientia, publica vrbium compita, passim teneret arrectis animis suspensa. Finxit olim artifex fabularum antiquitas, turbulentum Oceani imperium, quâ longè lateq; se porrigit, nullius sceptris iussisq; parere, præterquam vnius formidando Neptuni Tridenti. Dum nimirum omnia fluctibus miscentur, vndisq; in sublime elatis, Solem cælo eripere, terrasq; ruptis aggeribus inundare videtur, illico Neptunus irati fluctus maris suis coercet imperijs, & amæna Oceanum iubet stagnare tranquillitate. Tantum valeret conspicuus regni insignibus Tridente Neptunus, dum caput extulit vndis. Si fabulosa licet componere veris, quantis tempestatibus, turbulenta illa Hæresiarcharum ingenia, sicut mare feruens in ecclesiæ nauim sese effuderant, ita vt orbis vniuersus grassantibus & exundantibus errorum procellis mergendus sepeliendusque videretur. At quis tandem tumentis fregit stititque fluctus, ne plus vti ferocirent? Fregit stititq; Theologia, diuina illa Sapientia, meritò furentium hæresis tempestatum tumentisq; Oceani imperatrix dicenda; quæ circumdare mari terminum legesq; ponere aquis, & profundum abyssi penetrare, & in fluctibus maris ambulare, e Spiritus San-

At oraculo perita, omnium excellentium fastuq; turgentium refractaria ecclesiæ capita, virtute irrefragabilis veritatis calcavit, ut in omni populo & gente, primatum relata de erroribus victoriæ triumphatrix obtineret. Fregit certè ac efferata Hæresis fluctus coercuit Tridentum, non secus ac Tridente formidandus Neptunus turbulentum composuit Oceanum. Expauit seditiosum illud mare feros despumans libidinū fluctus, excucullatus Lutherus, ad Tridentina Theologorum decreta, quibus exundantes errorum suorum fluctus magis coerceri sentiebat, quàm oggesto validissimo aggere aut Neptuni Tridente, maris teneatur licentia. O diuinæ mentis propago nobilissima, Theologia! non degener à Dei ingenio partus, cælestium consiliorum arbitra, oraculum & lingua Spiritus Sancti! Felicem Poloniam atq; nobilissimam, hanc Poloniæ urbem, regiam sedem Varsouiam! Felices & hos Athenæi à Sacrosancta Theologia hodie consecrati lares! in quibus diuina facultas, scientiarum scientia, mentium directrix & conscientiarum Regina, orbis Christiani Magistra, suam metatur figitq; cathedram. Si sensus quispiam, laribus his inesset, si interpretis animi lætitiæq; lingua, si ad venerationem & gatulationem composita facundia; diceret utique, tantæ hospiti, demisso cultu acclinis. Salue diuinarum sedium perpes assecla, nostris hodie illata dicataq; penatibus. Numinis æterni ingenio, à seculis genita; hodie Magni Antistitis diuinissimo consilio, iterum in terris renasceris. Dum à seculis & orbe condito expectata Virgo, hodie in lucem prodit, quæ increatam luci publicæ Theologiam sit editura;

tura; eodem planè felicissimo temporum & mysterio-
rum concursu, vnus vix similem Præsul, visus habere
secundum, è Polono an polorum sublimiore Solo pro-
diit, non modò Præsuleæ dignitatis, sed genuini no-
minis sui prærogatiuâ Sacrosanctus Antistes, qui San-
ctitatis Matrem, cælestis sapientiæ Magistram Theolo-
giam, communi ecclesiæ & reipublicæ emolumento, ho-
die, (ô fortunatum diem ô felicem partum!) hodie in-
quam publicæ prodit luci. Ingeniosæ antiquitatis sen-
sus sententiâq; erat, Palladem Sapientiæ Deam, Jouis
esse natam cerebro; quòd scilicet sapientissima antiquitas
crederet, non esse humani inuenti consilijq; partum di-
uinas literas, sed cælestibus immortalis Dei natalibus or-
tas atq; inde ad mortalium sedes & conuictum descen-
disse. An igitur credamus, humanæ cuiuspiam politi-
cæq; rationis consilio constituisse decretum, vt sedem & do-
milium hîc figeret Theologia? an potius Magni in ec-
clesia & republi. Polona Numinis diuinissimo consilio
constitutum? vt sanctissimæ soboles mentis, in cælis ge-
nita Theologia, nomine quoq; & partu Genitoris sui, in
terris sanctificaretur. Diuinum profectò pectus, sæcun-
dum consilio caput, è quo non versipelles Machiaulli
Prothei, non millicipites factionum & technarum hy-
dræ, sed solida, cælestis, Diuina Sapientia, ad Christianæ
reipubl. propugnaculum, ad decus & ornamentum Ma-
gni, quia Orthodoxi Ducatus Masouia, ad exterminan-
das è gremio & finibus Poloniarum hæreses, ad beatæ de-
niq; & communis omnium perennitatis felicitatem adi-
piscendam, felicissimo partu prodiit, Sacrosancta suo &

Fun-

Fundatoris nomine Theologia. Aeterna immortalis Tibi
nominis veneratione, illa Tibi viuet vigebitq; obstricta,
Illustissime Antistes Chelmenfis, & diuinæ Sapientiae
Patriarcha Reuerendissime. Quotquot illa Theologicis
disciplinis excolet erudietq; clientes, tot Tibi Tuæq; mu-
nificentiae ad perennem nominis famam excitabit enco-
mias. Quoties docta ingeniorum pugna inter subti-
lia & acuta argumentorum spicula feruebit, toties Ti-
bi victoriam triumphosque, victrix canet veritas. Quo-
ties laureis infulsq; coronanda prodibunt è Tua Theolo-
gia Capita, toties aeternas in astris, post sera fata, Docto-
rum Præfulumq; carpes laureolas. Stabit igitur Tuæ
gloriae & Sancto Præfuleoq; Nomini, æternum trophæum
Theologia, hoc securiore nixum fundamento, contra
liuoris odiiq; inanes machinas, quò solidiori tuæ auitæ
SOLEÆ basi, in qua gloriosa Tua familia perennat, insistit.
Ibit auspiciis, quibus cæpit passibus, in commune Eccle-
siae regniq; commodum; ibit doctas formare mentes, hæ-
resum extirpare lolia, vitiorum profligare phalanges.
Ibit nec alia premet vestigia ad palmam, quàm quæ
palmaris Tua SOLEA, tot retro seculis, gloriosis signauit
victorijs. Nemo verò fluctuantis aut fallentis sortis ve-
stigia metuat, nostræ bene soleatæ solidatæq; Theologiae,
cui signum omenq; victoriæ prælucet, CRUX triumphat-
rix. In hoc signo Illustissime Antistes & Fundator, san-
ctissimorū Tuorum conatuū elides vinctesq; aduersarios.

Vt vt viribus potentes, fraudibus formidolosi, autho-
ritate magni, etiam Maximis & Maximinis maiores sese
opposuerint, Tu benecaptorum constantiâ Constantinus,

ipſo polo, ſi Polonia renuat, (non renuet autem) in Tua
conſpirante conſilia, triumphabis vanas ſine viribus iras.

Et certè decebat in hoc ſigno, auita Tua CRUCE, celu
Incarnatæ Sapientiæ olim publica cathedra pro commu-
ni orbis ſalute erecta, Societatis Jeſu fundari Theologiam.
Non aliam enim decemuirali Doctorum Societatis primo
Collegio cathedrâ, cùm primùm Romæ ſuæ eſſet Sapien-
tiæ auſpicaturum Magiſterium, Diuina Sapientia Chri-
ſtus, comprobante Patre, exhibuit ſpectandam ſponon-
ditq; extruendam; quam in qua ipſe ſuæ olim tradidiſſet
doctrinæ arcana, cæleſtiſq; Sapientiæ myſteria ſublimiſ-
ſima. Diuino proinde conſilio factum eſſe arbitror, vt
quàm docendi exedram, æterni Patris Verbum, irreuo-
cabili promiſſo fideq; primæuiſ nostris decreuit Theo-
logis, è quorum ſapientia orbi docendo ſuppari, noſtræ
etiānum manat doctrinæ riuulus; eadem quoq; nobis
hodie, in hac anguſta Poloniæ Regum ſede, obtingeret
Sapientiæ docendæ Magiſtrale pulpitu; in Tua Illuſtriſ-
ſime Præſul & Fundator, diuina cruce fundatum, & ad
æternitatem, ſolidiſſimâ Tuâ perennis gloriæ Solcâ ſta-
bilitum. Fateor illam Æuiternæ Sapientiæ in editiſſimo
fatalis an triumphalis montis faſtigio, ſublimem cathe-
dram, tanquam mortis victricem, melioriſq; authricem
vitæ, mortuorum inſtituiſſe capitibus: at nec noſtræ cathe-
dræ, id diuini ominis & augurij, ad triumphanda Hæ-
ſum tanquam mortua Eccleſiæ membra argumentum
deceſt; vtpote quæ à tot proſtratis & contagioſa lue nuper
ſublatis vrbis huius capitibus quaſi altera Caluaria, &
nouiſſime à Religioſis ſuis naſcentis Theologiæ primitij,
fato

fato præcoci ad astra transmissis, non dissimile fortitur
fortunati auspicii prognosticon.

Ad te iam Doctorum Princeps, summe Theologo-
rum Apex, sublimissima speculationum & contempla-
tionum cælestium Aquila, Diue Joannes Euangelista,
Vniuersitatum & comprimis Theologicæ facultatis
supreme Mecænas atq; Patrone, præfatio mea sese con-
uertat est necesse. Tu inaccessæ Diuinitatis & Triados
magna & à seculis in Deo abscondita Sacramenta, irretor-
to oculo speculatus, Theologiam speculatiuam de Deo
vno & Trino primus es exorsus, editisq; publicæ luci
prælectionibus, typo Spiritus Sancti eas diuulgasti. Faue-
sis vt hæc ipsa inscrutabilis Dei vnus Triniq; Mysteria,
felix fortunatumq; Theologiæ nostræ cedant auspiciū;
& verò quid Deo auspice & argumento non cedat for-
tunatum? Tu è Diuini Sacrario pectoris, ceu scientia-
rum omnium Vniuersitate, inscrutabilis Theologicæ
scientiæ thesauros, sacrasq; Doctorum laureolas, ad or-
bis Christiani Athenæa omnia dotanda ornandaq; extu-
listi: quando diuino pectori ceu expanso Sapientiæ libro
intentus, totoque animo ad condiscenda sublimissima
Theologiæ mysteria incumbens, eò subtilissimarum dif-
ficultatum & difficillimarum subtilitatum es eluctatus,
quò nullis antehac Theologorum ingenijs, eluctandi
speculandiq; patuit facultas. Admitte (ita nostra Tibi
supplex orat Theologia) admitte inquam communi cæ-
terarum Academiarum iure & solenni Theologicæ facul-
tatis consuetudine, etiam has hodie nascentis Theologiæ,
cum nascente Sapientiæ increatæ Parente, Athenas,
Admitte

Admitte sub gratiæ Tuæ patrociniū, Joannes, æternā
obseruantia & deuotione, Tuo Nomini dicatas. Admit-
te & Tu Theologorum Principi & Primati Joanni Euan-
gelistæ compar Diue Baptista Ioannes, Regum Institutor
& Ecclesiastes, laureate de Iure & Iustitia quam contra
adulteros Principes propugnasti, Doctor: Meritò in Tu-
telarem nostræ Theologiæ de Iure & Iustitia pomeridianis
horis auspicantis, adscite. At hæc est, Præsules, Abba-
tes cæteriꝫ Proceres Illustrissimi & Reuerendissimi, Sa-
cri Collegij Vestri Varſauiensis, cui tutelari iure & gratia,
Magna hæc Cælitum Numina patrocinantur, gloria &
felicitas, vt nobis & in cælis Protectores, & e gremio
suo in terris Fundatores prouideat. Iam non modò ar-
gumento & nomine Sacrosanctam: sed si e tantorum An-
tistitum & Procerum splendore, qui Athenæo nostro
Theologico hodie affulsit, gloriari licet, etiam e luce ve-
stra sideris instar coruscantem se hodie gaudet miraturꝫ
Theologia. Et quidni gaudeat mireturꝫ? quam nimi-
rum suâ collustrant & coronant præsentia, summi huma-
narum, politicarum, & diuinarum literarum Vertices atꝫ;
Insulati Præsules Abbatesꝫ; nec non Illustrissimi S. R. I.
Comites & Regni Senatores: Vosꝫ; potissimū quos ho-
noris & venerationis causâ iure meritò nomino; Tu com-
primis Illustrissime & Reuerendissime Antistes Posna-
niensis, sub cuius auspicijs nuper captæ, hodie consu-
mantur Collegij Varſauiensis Societatis Iesv Scholæ.
Tuꝫ; Illustrissime & Reuerendissime Chelmenſis Anti-
stes, Theologiæ Fundator, æternis fastis super æthera
sideraꝫ; inſerende, nullaꝫ; non ætate, omnium linguis,

potissi-

potissimum gratæ Societatis Jesv pectore, & singulorum
per orbem vtrumq; Sparforum Sociorum precibus, &
Sacrosanctis Sacrificiorum Suffragijs, semper comme-
morande. Tuq; Illustrissime & Reuerendissime Anti-
stes Kiouiensis, scientijs omnibus, humanis diuinisque
cultissime, vt meritò hac Poloniarum ætate, literarum
illustre ornamentum & Senatorum Præfulumq; Iubar au-
dias. Tuq; Perillustis & Reuerendissime Venerabilis
Collegij Decane Regum dignissime Ecclesiastes ac Ze-
losissime publicæ pietatis propagator. Tuq; Perillustis &
Reuerendissime Abbas Paradisiensis & Venerabilis Col-
legij Præposite; spectatæ & in Regum aulis & in mode-
randis Religiosorum Tuorum Asceterijs, virtutis exem-
plar. Tu quoq; Perillustis & Reuerendissime Abbas
Tremesnensis, Generalis in Spiritualibus per Varsauien-
sem Archidiaconatum Vicarie; sanguinis pariter ac Vir-
tutis vinculo cognate Illustrissimi Fundatoris nostri Fra-
ter, quem Magnum semper Foundationis conseruandæ
augendæque Patronum & Societatis minimæ defenden-
dæ Mecænatem colemus atque venerabimur. Tu quo-
que Perillustis & Reuerendissime Abbas Claræ Tumbæ,
qui fastis & factis, virtutum non vulgarium specimina pu-
blicæ prodis luci, vt omnes illimi vita calamoq; ad cultio-
ris sanctimonix æmulationem accendas. Vos quoq; Per-
illustres & Reuerendissimi Sacri Collegij Proceres, quo-
rum alter altissima Maiestatum iudicia docto exæquat
calamo; alter regij sanguinis & nominis Nepotem, ho-
die Illustrissimum Varmix Præfulem, Angeli vigilantis-
simi vice per Europæ celeberrima Regna & lycæa duxis

reduxitq; virtutibus & literis politissimum. Vos quoq;
ceteri omnes, Magni Ecclesiæ & Reipub. Prælati ac Pro-
ceres, in quorū nobilissima corona velut gemmā splendi-
dissimā te colo venerorq; præsentem, Illustrissime S. R. I.
Comes & Palatine Liuoniæ, qui nouum Orthodoxæ
Ecclesiæ Sidus, Fidei & Religionis Zelo feruentissimum
nuper accessisti; hodieq; præsentia Tuā Illustrissimā tan-
quā lucidissimo Iubare, Theologiæ nostræ Orienti collu-
strando, gratissimus affulisti Phosphorus & Hospes. Vos
deniq; vniuersi perillustribus Reipub. dignitatibus & of-
ficijs ornatissimi Hospites: quorum ex æquo memoran-
dis meritis & virtutibus, dies & dicendi facultas me de-
ficeret.

Jam ad Polonorum Aquilam Serenissimo Polonia-
rum Regi Ioanni Tertio sacram dicatamq;e, à Polorum
Aquila, Theologia, Diuo Ioanni Theologorum Principi
nuncupata; mea se vertat Oratio est necesse; vt nascenti-
tis Theologiæ nostræ primordia, quò felici crescant &
augeantur progressu, sub Regalis Scuti patrociniò, &
victibus Aquilæ Sarmaticæ alis reclinet, Bellatrix Theo-
logia est, Pallas est armis instructa, quæ superstitioni
Ethnicæ hæresi que perenne dixit bellum, felicesq; toto
orbe tulit victorias, atque opima non armorum sed ani-
morum spolia, Vaticano inuexit Capitolio. Quidni igitur
patrociniū præsidiumq; sub illo Scuto ambiat? Quod
contra potentissimum Ottomanici imperij exercitum, va-
lidissimum nuper extitit Poloniæ atque Ecclesiæ totius
propugnaculum. Regina Scientiarum omnium Theo-
logia est. Anne igitur Regiæ huius vertici pretiosissi-

mum diadema accesserit, si Regalis & Reginalis gratiæ,
bonæq; erga bonas literas voluntatis Scuto coronabitur?
Sol est humanarum mentium & abditissimorum con-
scientiæ recessuum illuminatrix Theologia; anne igitur
si Sol in aureum regnatricis dexteræ clypeum refulserit,
non tam regni montes quàm reipublicæ magnæ men-
tes, à repercusso Clypei Regalis fulgore resplendebunt?
Resplendebunt profectò atque ita quidem resplendebunt
magnæ Sarmatiæ mentes; vt & ipse regnantis Maiestatis
thronus, & dominatrix Throni Domus, ad seculi vsque
consumationem, sicut Sol in conspectu orbis Poloni æ-
ternùm luceat, & in natis natorum & qui nascentur
ab illis, nunquam Regij ac Reginalis
nominis sanguinisque splendor
occumbat.

*Habita in Auditorio Theologico Collegij Varsaviensis
Societatis IESV.*

A


R. P. MARTINO KRETZMER
Societatis IESV SS. Theologiæ Doctore, eiusdemq; Professore
Ordinario, Sacræ Scripturæ Interprete, nec non
Studiorum Præfecto.




THE
LIBRARY
OF THE
MUSEUM
OF
COMPARATIVE ZOOLOGY
AND ANATOMY
HARVARD UNIVERSITY
CAMBRIDGE, MASS.

RECEIVED
JAN 10 1900
LIBRARY OF THE
MUSEUM OF COMPARATIVE ZOOLOGY
AND ANATOMY
HARVARD UNIVERSITY
CAMBRIDGE, MASS.







Biblioteka Jagiellońska



stdr0029856





E.I. 13